

universa doendo repetere, dicens: In die, Fili, A quia secundum tuam humanitatem resurrexisti a mortuis, postulasti a me omnipotente Patre tuo, omnipotens Fili, mihi per omnia coequalis, et consubstantialis, et deo tibi gentes in hereditatem. Et nunc video quomodo quos redemisti te deserunt, et contra te, qui te cognoverunt et adorare dixerunt, arma tyrannica cum sacramento militari partis adversae sumere non sunt veriti. Ego quidem, Fili, multas inducias, te volente, ut ab hac nequitia penitendo resipiscerent, pro eis me æque et te, ac Spiritum nostrum a te meque æque procedentem, nobisque per omnia coequum et consubstantiale, exorantibus sanctis tuis illis concessi: quas neglexerunt, et in superbia omnia haec pro nihilo duxerunt.

Auxeruntque potius sibi opera nequitiae, et absque B

Aulla penitentia in eis perdurant. Cumque in hoc crebro ab illis dispectus afficeret tædio, evaginavi gladium meum ut interficerem eos, et quantæ infelicitatis essent, ac quantæ apud me dejectionis, ostendens, diem sanctissimum et celeberrimum Paschæ ritu pagano in medio eorum apud urbem Parisiacam maculari permisi; ut vel sic experientur mortem sibi instare vicinius, qui Pascha sacram in celeberrimis suorum locorum basilicis digni celebrare minime viderentur. Sed illi mente superba in suis sceleribus obstinatissime obduruerunt, et ego exsurrexi in ira ut delerem eos omnes. Sed tu continuisti me, et has decennes inducias voluisti illis mecum inseparabilis voluntas ad penitentiam adhuc dare, etc.

ANNO DOMINI MCCCLVI.

# ALDRICUS CENOMANENSIS EPISCOPUS.

*Le Mans*

## • GESTA ALDRICI

A DISCIPULIS EJUS SCRIPTA.

(Apud Baluz., Miscellanea historica, tom. I.)

### I.

Domus Aldricus Cenomanice urbis episcopus, natione patris ex parte Francus sive Saxo, matris quoque ex parte Alamannus atque Bajuvarius. Pater ejus nominabatur Sion, mater quoque ejus Gerildis. Prædictus ergo episcopus regia ex progenie ortus atque aliis nobilissimis parentibus est procreatus. Ab infantia autem cum episcopis eruditus atque ab eis nobiliter et sapienter est instructus; ecclesiasticis quoque disciplinis voluntarie se submittens, ordinabiliter congruerterque est inconnexus. Jam enim duodecimi annos habens, a jam dicto patre suo ad palatium deductus est, et gloriose Carolo Francorum regi atque domino Ludovico ejus filio honorifice commendatus, et ab eo est decenter susceptus. Ipse videlicet omnibus bonis moribusque dulcibus ornatus, omnia omnibus factus est, et tam regi quam omnibus ejus optimatibus et regi famulantibus, Domino annuente, placere meruit. Per diem itaque regi et fidelibus suis amabiliter militans, Domino autem nocte et secrete totis nisibus et vigiliis atque orationibus serviens, gratiam divinam meruit assequi. Sed sollicite evenerat ut quandocunque locus ei eveniret, in ecclesia Sanctæ Mariæ quæ est constructa in Aquisgrani palatio secrete psalmos decantaret et orationes ficeret. Quadam autem die in prædicta ecclesia Sanctæ Mariæ in sinistra parte altaris

C secrete psalmos suos cantans, instincta divino corde admonitus est ut militiam sæcularem dimitteret et Domino solummodo famulari studeret. Ipse quoque adhuc tenera aetatis erat atque pube tenus. Tunc primo is.. se incipiebat, timens valde ne hoc illi diabolica ex parte suggesteretur, obnoxie Deum deprecatus est ut, intercessione beatæ Mariæ, in cuius ecclesia orabat, si divinitus jam dicta voluntas in ejus corde versaretur, manifestum ei pro sua misericordia faceret; sin autem diabolica immissio esset, similiter et hoc illi notum faceret. Totis itaque nisibus et flectendo genua, pectusque tundendo, ante prædictæ sanctæ Mariæ aram deprecatus est ut Domini ex hoc meruisset facere voluntatem, ut diabolus eum seducendi nullum loeum haberet. Ipse enim divinitus in antedicta bona voluntate confortatus et firmius subjugatus est et plenius corroboratus. Deinde coepit toto corde rogare Deum ut si diaboli esset exhortatio, recederet ab eo, et si divina esset gratia, pleniter eam secundum Dei voluntatem adimplere meruisset. In hac autem intentione ferme dimidium annum corde angens, angelica et divina confortatione suffultus, ad regem deprecatur accessit ut sæcularem militiam dimittere ei liceret et militæ spirituali se conjungere atque eum Dominio famulari permitteret.. Nullo tamen nisi tantummodo uno Deum timentis amico sue et charissimo familiari hoc confessus est, timens quippe

ne si hoc sui intelligerent parentes et amici, ei hoc facere minime permetterent. Rex autem, haec audiens, oppido tristatus est, promittensque ei duodecim et amplius comitatus se daturum si hoc dimitteret et in sua militia perseveraret. Ipse vero a rege hoc audiens ait, etiamsi dimidium suum regnum ei daret, ipsam voluntatem propter hoc non dimitteret. Videns autem rex se illum a sua intentione non posse avertere, concessit ei licentiam et locum ubicunque eligeret in suo regno. Tunc ergo ipse, inspirante divina gratia, petivit locum sibi dari in quadam civitate cuius vocabulum est Mediomaticis, quæ et alio nomine Mettis vocatur; sibique cum duobus clericis tantummodo postulavit dari præbendam. Rex autem et hoc concessit, et quantum volebat sibi dare spopondit. Tali enim conditione licentia accepta, a rege osculatus est, et ad jam dictam urbem festinando profectus est; ibique amabiliter et devote ab omnibus susceptus, et clericus ab episcopo ejusdem civitatis et cuncto clero divinis benedictionibus decantibus et hymnis spiritualibus modulantibus confortatus est, et vestimentis clericalibus indutus, et manuum impositionibus ab episcopo et a cunctis sacerdotibus clericali benedictione consecratus, inter seniores fratres est collocatus. Deo igitur ibi totis nisibus die noctuque deserviens, factum est ut multos Domino lucrifaceret. Cantum quippe Romanum atque Grammaticam sive divinæ Scripturæ seriem humiliter discere meruit, quibus et donante omnium Domino pleniter atque doctissime instructus est. Post duos quoque clericatus sui annos ab episcopo ejusdem civitatis nomine Gundulfo in ecclesia Sancti Stephani diaconus est ordinatus. In ipso igitur gradu tres ferme annos militans mirabiliter et doce quotidie diaconatus sui adimplere certavit officium. Mortuo quoque jam dicto Gundulfo prædicto ordinatore suo, alias episcopus in eadem civitate nomine Drogo, filius Caroli piissimi imperatoris, subrogatus et ordinatus est: qui videns prædicti Aldrici levitatem intentionem et studium bonum, quod tam in ministerio suo quam et erga omnes habebat, cœpit eum exhortari ut sacerdos efficeretur. Noluit autem jam dictus diaconus Aldricus neque ausus est divinam repellere benedictionem, ad quam sæpiissime vocabatur a Drogone ejusdem civitatis episcopo et successore jam dicto ordinatori suo, dum nobiliter degabat in diaconatus officio, eligente eum clero et populo presbyter est ordinatus. Ipse autem melius ac melius virtutum pollens actibus, multosque erudiens suis prædicationibus sive bonis exhortationibus, multos et innumerabiles Deo et sanctæ Ecclesiæ lucrari meruit. Demum quoque diligentibus fratribus, et suadepte sive exhortante episcopo suo Drogone, licet coacte, senior cantor ibi sublimatur. In scholis vero in quibus jam magister erat constitutus sapienter multos et innumerabiles in supradictis artibus erudiens, magnum lucrum in sancta Dei Ecclesia facere meruit, imo innumerabiles in jam

<sup>a</sup> Vide Annales Bertinianos, an. 832.

A dictis artibus doctissime erudit. Videntes igitur eum antedictus pontifex dominus Drogo et cunctus clerici sive populus in jam dictis ministeriis et doctrinæ magnum habere studium et multos doctores et magistros nobiles fecisse, in majus eum ministerium, quamvis coacte sublimaverunt et primicerium secundum Romanum ordinem eum esse constituerunt, totumque clerum tam civitatis quam et monasteriorum, sive totius illius civitatis parochiæ, ei subditum esse præceperunt, et magistrum omnium eum constituerunt. Ille enim in his studiosissime Domino serviens, omnibus bonis hominibus amabiliter famulari meruit; eumque cuncti boni ita amahant quasi semetipsos; et quidquid eis imperabat, libenter faciebant. Audiens autem Ludovicus imperator B Francorum ejus opinionem, ad se eum vocavit, et in suo palatio, volente vel nolente, eum seniorem sacerdotem suumque confessorem præses constituit. Qui et ibi omnibus palatinis bonis placens, ut solitus erat, omnibus omnia factus, ab omnibus honorabatur atque venerabatur. Ita quoque omnes eum diligebant, si fieri potest, quasi semetipsos, ejusque jussionibus in omnibus quasi senioris voluntarie et bono animo obtemperantes erant. Quatuor autem menses cum imperatore in suo palatio nobiliter degens, eique amabiliter serviens, nec ad unum diem licentiam exinde evadendi et in patriam pergedi impetrare valebat. Episcopatum ei quippe quoddam, cuius vocabulum est Cenomanis, eligente eum ejusdem provincie archiepiscopo Landramno atque comite ejusdem parochiæ Rorigone, sive omnibus præfixæ parochiæ nobilibus hominibus, atque cunctis palatinis, et clero et populo, per baculum Landramni Turonicæ civitatis et prædictæ parochiæ metropolitani jam dictum episcopatum in sua præsentia et eo instigante a Ludovico glorioissimo imperatore, orantibus cunctis, cura pastorali est commissum; qui et hoc refugiens, et nolens prædictum episcopatum suspicere, omnibus tamen, licet coactus, hortantibus, ipsum sacrum suscepit ministerium. Ordinatus quoque a suo prædicto metropolitano et cæteris nobilibus et sapientibus episcopis in idipsum convenientibus, eligente eum clero et populo in prædicta civitate et in ipsa matre Ecclesia die 11 Cal. Januarii est, anno igitur incarnationis Domini nostri Jesu Christi octingentesimo trigesimo et secundo, episcopus est consecratus.<sup>a</sup> Tertio autem die post ordinationem suam jam dictus dominus imperator in suam adveniens civitatem, gratias agens Dominum laudavit quod jam ordinatus erat episcopus. Prædictus ergo pontifex dominum Ludovicum imperatorem cum psallentio et hymnis et canticis sive crucibus et cæteris divinis oraculis benigne et sapienter suscipiens, eumque ad ecclesiam manu tenens et deducens per altaria orando, suis precibus, eum Domino commendavit. Suprascripto igitur imperatori omnibusque suis nobiliter et dulciter famulari studuit, ibique dominus imperator Ludovicus

nativitatem Domini nostri Jesu Christi, præfato Aldrico episcopo et suo clero sapientissime et honorifice officium peragente, solemniter celebravit. Octo quoque dies in eadem civitate dominus imperator residens, villam quamdam quæ Brogilus et Novavilla nuncupatur cum omnibus ad se pertinentibus, quæ dudum inde abstracta et in beneficium data fuerat, per suum præceptum ei atque Ecclesiae suæ sedis sive clericis et domini servis inibi Domino famulantibus jure firmissimo perpetuis temporibus possidentem reddidit.

## II.

Prædictus quoque pontifex, in primo pontificatus sui anno, aquam per aqueductum in predictam civitatem Cenomanicam, quam nullus hominum ibi antea venire viderat, suo opere et hono ingenio adducere meruit, omnibusque qui antea valde aqua indigebant, nec eam nisi per magnum laborem eatebus habere poterant, sufficientem, auxiliante Domino, habere fecit. Unum siquidem vel duo media aquæ infra civitatem antea emere nemo valebat nisi unum denarium afferentibus eam de Sartha vel de aliquo fonte dedisset, quoniam nec puteum inibi aliquem habebant. Ideo tam chara erat. In ipso quoque anno claustrum ubi sui canonici conversari regulariter et canonice possent ædificare cœpit, qui antea nunquam, ut fertur, claustrum habere meruerunt, sed per civitatem huc et illuc vagantes et dormientes et discurrentes, tam in nocte quam in die, per diversa domicilia manere solebant, et propter hoc impedimentum ad officium divinum occurrere, ut decebat, minimè valebant; eisque suam domum, in qua manerent, et solariorum sive cellaria et alia ædificia, quæ ad suum opus habebat, tradidit. Et non in hoc sufficiens erat, sed etiam alias domos per circuitum nobiliter, sicut ad hoc opus decebat construere certavit. Prefatus ergo pontifex fuit vir mitissimus et sapiens valde, lingua eruditus, psalmos omnes per ordinem memoriter relinens, et in eorum sensibus subtilissima exercitatione limatus, lingua quoque in lectione posita, et exhortator omnium bonorum operum, plebique florentissimæ salutaria prædicans fideli catholicae et apostolicae, immaculate conservare perenniter sua monita salutaria prædicans, corda fidelium corroborans, orthodoxæ fidei æmulator ac defensor fortissimus, paupertatis amator, erga inopes non solum mitis, sed etiam sollicitus, captivorum etiam redemptor, orphanorum quoque et viduarum largitor, necessaria tribuens, amator religiositatis Christianæ normæ, et religiose volentibus vivere et Dei timorem habere in suis præcordiis dilectio residens; vir vero erat mitissimus atque suavis omniq[ue] bonitate ornatus, amator cleri omnisque populi Christiani, tardus ad irascendum, et velox ad miserandum, nulli pro malo malum reddens, neque vindictam secundum meritum tribuens; sed pius et misericors erat omnibus, cunctos attrahens, neminemque dissipans. Magnum gregem adunare in unum et ingens lucrum, adminiculante Domino infra sinum sanctæ Dei Ec-

A *ecclæ tam infra suam parochiam quam et extra facere meruit, et multos Domino lucrari meruit. Fecit igitur prædictus Aldricus pontifex in præscripto claustro recta nova et dupla, in quibus et diversas mansiones ad opus fratrum et ad eorum necessitates procurandas mirabiliter et nobiliter construxit. Insuper et in jam dicto claustro fecit ecclesiam in honore sancti Stephani a novo, quam et in honore præfixi sancti Stephani et omnium sanctorum quinta Iduum Novembbris solemniter consecravit; in qua et in ipsa die consecrationis ejus signum apparuit mirabile. Quidam enim sacerdos inibi suos wantos perdidit dum prædictum sacraretur templum; quos quidam clericus inveniens, furtim de ipsa ecclesia nova exportare cupiens, de prædicta Sancti Stephani et omnium sanctorum ecclesia exire non potuit, nec ipsos wantos secum deferre valuit, antequam eos in ipsa ecclesia videntibus multis ejicit, et fuga lapsus evasit. Fecit namque in prædicta ecclesia altaria sex; quorum unum sursum positum in media absida collocatum in honore sanctæ Sophiæ sacravit, et reliquias Domini nostri Jesu Christi, tam de spongia quam et de sandaliis ejus propriis, in confessione in eo facta collocavit. Fecit quoque atque sacravit jam dictus pontifex in superiori et in dextera parte ipsius ecclesiæ aliud altare in honore sancti Stephani, et sancti Vincentii, ac sancti Gervasii, sanctique Privati, sive sancti Quirini, atque sancti Naboris, necnon et sancti Nazarii martyrum Christi, et in eo decenter eorum reliquias collocavit. Fecit namque in superiori et in sinistra parte ipsius ecclesiæ tertium altare, atque sacravit in honore sanctæ Dei genitricis Mariæ, sive sancti Clementis Romanæ Ecclesiæ episcopi et martyris, et sancti Albini, sancti Amantii ac sancti Arnulphi, seu sancti Martini, atque sancti Clementis primi Metensis urbis episcopi, atque sancti Audoeni, necnon et sancti Martialis, ac sancti Benedicti, et sancti Paterni, et sancti Silvestri, confessorum Domini, et in eo propriis manibus decenter prædictorum sanctorum reliquias in confessione ipsius altaris collocavit. In subteriore ergo parte et in absida ipsius ecclesiæ, fecit et consecravit quartum altare in honore sancti Stephani et omnium sanctorum, et in eo sancti Stephani atque aliorum multorum sanctorum reliquias propriis manibus decenter collocavit atque conclusit. In dextera igitur et subteriore parte ipsius ecclesiæ quintum fecit altare, quod et consecravit in honore sancti Pauli et sancti Jacobi apostoli et sancti Matthei apostoli et evangelistæ, et in confessione ipsius altaris prædictorum sanctorum apostolorum reliquias propriis manibus decenter composuit atque conclusit. In sinistra et in subteriore parte ipsius ecclesiæ sextum fecit altare, quod et consecravit in honore sancti Theodori et sancti Juliani atque sancti Lamberti, martyrum Christi, et in confessione ipsius altaris eorum propria collocavit manibus.*

## III.

Anno siquidem incarnationis Domini nostri Jesu

Christi octingentesimo trigesimo et quarto, indictione vero tredecima, et anno imperii domini Ludovici piissimi imperatoris vigesimo et secundo, anno vero ordinationis prescripti Aldrici episcopi tertio, praedictam ecclesiam jam dictus pontifex solemniter et decenter dedicavit. In prescripto namque Calendarum die, Turonis metropolis civitate per consensum et electionem Landramni praedictae Turonicæ urbis archiepiscopi, sive aliorum episcoporum atque multorum abbatum atque comitum necon et aliorum innumerabilium prudentium virorum a Ludovico prescripto imperatore, cura Cenomanicæ urbis et sollicitudo totius populi ipsius urbis parochiæ Aldrico praefato episcopo commissa est; cui omnipotens Deus, suppliciter oramus, una nobiscum tribuat requiem sempiternam et vitam æternam. Prescripto videlicet anno incarnationis Domini nostri Jesu Christi, undecimo quoque Calendarum Decembris die solemniter consecravit jam dictus Aldricus pontifex absidam matris et senioris civitatis ecclesiae, quam a novo fundavit et mirabiliter ornavit atque fabricavit, in qua et altare mirabiliter fabricatum et compositum construxit. Jam dictam quippe absidam una cum praefato altari consecravit in honore sancti Salvatoris et sanctæ Dei genitricis Mariæ et sanctorum martyrum Gervasii et Protasii, sed et sancti Stephani; in quo et reliquias sancti Salvatoris et sanctæ ejusdem Dei genitricis Mariæ, atque de proprio corpore sanctorum martyrum Gervasii et Protasii, sive sancti Stephani in sæpedicto altari, propriis manibus decenter collocavit et mirabiliter composuit. Aliam quoque partem prescriptæ matris et civitatis ecclesiae, cuius consecrationis dies penitus ab omnibus ignorabatur, in praedicto Domini Salvatoris nostri Jesu Christi nomine et sanctæ Dei genitricis Mariæ, sanctorumque martyrum Gervasii et Protasii, atque sancti Stephani, reconciliavit atque solemniter dedicavit. In præfata namque ecclesia seniori altaria construxit et a novo fundavit, atque in supradicta die sacravit numero decem: et nomina super ea eorum sanctorum, in quorum memoriis ea consecravit, de super ascribere jussit; quæ et adhuc per singula altaria inserta singillatim et distincte ac diligenter investigantibus reperiri hodierna die queunt. Deambulatoria siquidem sursum per totum in circuitu ipsius ecclesiae fecit, in quibus et altaria quinque nobiliter construxit atque sacravit. Primum enim in dextera et in orientali parte altare in prædictis deambulatoriis positum sacravit in honore sancti Martini et sancti Hilarii, ac sancti Germani sanctique Vedasti, sive sancti Domnoli atque sancti Carilexi et sancti Rigomeri confessorum Christi, et pignora prædictorum sanctorum in eo propriis manibus decenter et ecclesiastico more collocavit. Aliud vero altare in supradicta dextera parte et in eodem deambulatorio in medio positum sacram in honore sancti Petri et sancti Joannis apostoli et evangelistæ atque sancti Andreæ, necon et omnium apostolorum, et reliquias eorum in ipso collocavit altari. In occiden-

**A** tali quippe parte ipsius ecclesiae, in ipso solario fecit atque sacravit altare in honore omnium sanctorum, in quo et multorum sanctorum pignora propriis collocavit manibus. In sinistra autem parte ipsius ecclesiae et in sinistro deambulatorio in orientali parte fecit et consecravit altare in honore sancti Dionysii et sancti Laurentii, ac sancti Remigii sanctique Medardi, seu sancti Bonifacii et sancti Rustici, necon et sancti Eleutherii martyrum et confessorum Christi, et eorum reliquias in ipso propriis manibus collocavit altari. In prædicto videlicet sinistro solari et deambulatorio in medio aliud fecit et sacravit altare in honore sanctæ Dei genitricis Mariæ ac sanctæ Anastasie sanctæque Cæciliae, necon et omnium sanctorum virginum, et pignora sanctorum virginum in eo multa propriis collocavit manibus. Deorsum quoque et in dextera, sive orientali parte præfata ecclesiae fecit et consecravit altare in honore sancti Ambrosii et sancti Benedicti, sanctique Gregorii, ac sancti Augustini sive sancti Juliani atque sancti Hieronymi, necon et sancti Vigoris Christi confessorum, et eorum in eo decenter et ecclesiastico more collocavit reliquias. Extra chorū scilicet et in dextera parte ipsius ecclesiae fecit et consecravit altare in honore sancti Georgii et sancti Felicis, ac sancti Symphoriani sive sancti Sixti atque sancti Tiburtii, sanctorum quippe Marcellini et Petri, et eorum in eo decenter collocavit reliquias. In sinistra namque et in orientali parte ipsius ecclesiae fecit et sacravit altare in honore sanctæ Scholastice et sanctæ Agnetis ac sanctæ Luciæ, atque sanctæ Lodesindæ, sive sanctæ Afræ, sanctæque Gertrudis et sanctæ Aldegundis, virginum Christi, et in eo earym reliquias propriis decenter collocavit manibus. Extra chorū autem in sinistra parte ipsius ecclesiae fecit et consecravit altare in honore sanctæ Agathæ et sanctæ Felicitatis ac sanctæ Sabinæ sanctæque Euphemiae sive sanctæ Perpetuae atque sanctæ Brigidæ, necon et sanctæ Genoveſe, virginum Christi, et earum in eo decenter propriis manibus collocavit reliquias. In media quoque Ecclesia fecit altare in quo et crucifixum Domini nostri Jesu Christi auro et argento mirabiliter fabricatum erexit, et ipsum altare in media ecclesia positum in honore sanctissimæ Trinitatis in eo decenter propriis collocavit manibus. Antedictus igitur Aldricus Cenomanicæ præfatae urbis episcopus anno incarnationis Domini nostri Jesu Christi octingentesimo trigesimo et quinto, et anno imperii piissimi Ludovici imperatoris vigesimo et tertio, anno siquidem ordinationis sue tertio, indictione quatuordecima, undecimo vero Calendarum Julianarum die solemniter consecravit occidentalem partem sæpedictæ matris et Cenomanicæ civitatis senioris ecclesiae, quam et a novo fundavit et mirabiliter ornavit, ad effectum quoque usque perduxit: in qua et altare fecit in honore sancti Joannis Baptistæ, quod et insuper dicto Calendarum die in honore sancti Joannis Baptistæ solemniter consecravit, et prædicti sancti Joannis Baptistæ sive alio-

rum multorum sanctorum reliquias propriis manibus in eo decenter collocavit. Aliud ergo in dextera parte ipsius occidentalis partis ecclesiae fecit altare et in praescripto die consecravit in honore sancti Christophori et sancti Hippolyti atque sancti Saturnini, martyrum Christi, et eorum reliquias in confessione ipsius altari propriis decenter collocavit manibus. In sinistra hamque parte ipsius occidentalis partis senioris ecclesiae in suprascripto Calendarum die tertium consecravit altare in honore sancti Victurii et sancti Victuri, ac sancti Brixii, sanctique Arvei, atque saeculi Baumadi, seu sancti Almiri, seu sancti Ulfacii et sancti Juliani primi ipsius urbis episcopi, atque sancti Turibii et sancti Pavaci, necnon et sancti Liborii, confessorum Christi, et eorum reliquias propriis manibus decenter in supradicto collocavit altari. Praescripto namque undecimo Calendarum Juliarum die, antedictus Aldricus pontifex est de utero matris suae natus, cui omnipotens Deus assidua intercessione praedictorum sive omnium sanctorum tribuat vita aeternaliter una cum eis frui sempererna. Amen.

## IV.

Dedit quippe praefatus Aldricus pontifex villam quamdam canonicis suis, cuius vocabulum est Buxarias, cum omnibus ad se pertinentibus, una cum silva eiusdem vocabulum est Felicionis, de qua et plenius praedicti canonici eorum mererentur habere stipendia, et delectabilius Domino famulari, sive pro imperatore antedicto Ludovico et conjuge sua Judith, sed et pro liberis regalibus, sive pro universo exercitu eorum, atque pro saepedicto Aldrico ipsius urbis episcopo orare certatim stuperent, et delectabilius sive studiosius eis Domino militare delectaret. De praefixa videlicet villa censuit, atque suis successoribus contestando in suo privilegio quod de eadem villa praedictis canonicis suis fecit adjuravit ut fratres et canonici Cenomanica in urbe degentes haberent plenam refectionem in undecimo Calendarum Januariarum die, quando mater et civitatis ecclesia senior Cenomanica in honore sancti Salvatoris et sanctae ejusdem Dei genitricis Mariae et sancti Gervasii et Protasii sive sancti Stephani est a jam dicto Aldrico episcopo solemniter dedicata. Similiter censuit ut in praefata villa plena praedictis fratribus et canonicis undecimo Calendarum Januariarum die fieret plena refectione; in quo die et saepedictus Aldricus in prescripta civitate et in praefata ecclesia est canonice et solemniter a nobilissimis et doctissimis atque sanctissimis episcopis pontifex ordinatus. Similiter censuit ut in undecimo Calendarum Juliarum antedictis canonicis et Dei servis de praefata villa fieret plena et optima refectione, in quo die et praefixus Aldricus episcopus est de utero matris suae natus, atque occidentalis pars prescriptae matris et civitatis ecclesiae ab eodem pontifice est solemniter dedicata. Similiter in assumptione sanctae Dei genitricis Mariae, quae est decimo octavo Calendar. Septemb. die, in cuius honore praefata ecclesia a sancto Juliano

A sacra fuit, cujus consecrationis dies ab omnibus penitus ignorabatur, sed modo renovata et reconciliata sive consecrata est in honore praedictae sanctae Dei genitricis Mariae seu sanctorum Gervasii et Protasii sive sancti Stephani solemniter et canonicamente in praescripto Calendarum die a praefecto Aldrico episcopo, constituit fieri et plenam refectionem iam dictis Dei servis ministrari. In his quoque praedictis quinque festivitatibus censuit ut praedicti canonici et Dei servi acciperent de praefata villa de pane optimo per singulos praedictarum festivitatum dies modios quatuor, arietes optimos sex, et de vino optimo modios duos, et de potionе optima modium unum, et cetera, sicut in ejus testamento quod de eadem re fecit, continentur inserta.

## V.

In ipso ergo ordinationis atque consecrationis prescriptae matris et Cenomanicae civitatis ecclesiae anno primo virtutes in supradicta ecclesia apparuerunt multæ, videntibus Domino insigniter tribuente multis. Quidam enim claudus et utrisque pedibus debilis in praefata ecclesia ad vespertinalem synaxin adveniens, dum fratres Domino vota persolverent et officia vespertina peragerent, utrisque pedibus restauratus ac sanatus multis videntibus fuit, ita vero pristinum recipere meruit gressum quasi nunquam claudus ac debilis fuisset. Alius siquidem ad matutinalem synaxin veniens, qui mutus ab ortu nativitatis suæ et surdus erat, dum canonici ac Dei servi in jam dicta sancti Salvatoris et sanctæ Dei genitricis Mariae, et sanctorum martyrum Gervasii et Protasii, atque sancti Stephani ecclesia devotissime matutinalem peragerent synaxin, tam auditum quam et locutionem inibi pleniter recepit, et ita loqui ac audire meruit ceu nunquam surdus ac mutus fuisset. Sequenti namque tempore quidam cæcus veniens in jam dictam ecclesiam, dum missa a saepedicto Aldrico episcopo et a suis consacerdotibus sive reliquis ministris devotissime peragebatur, visum Domino largiente recipere in supradicta ecclesia meruit plenum et ita videre veluti nonnquam cæcus fuisset. Alius ergo plenus dæmonio, qui graviter a diabolo vexabatur, et saepè tam in ignem quam in aquam sive in reliqua pericula se demergere volebat, qui et multis toribus constrictus atque colligatus erat ne aliquem lacerare posset, in supradictam ecclesiam ad matutinalem synaxin adveniens, dum ibi a Dei servis ibidem constitutis et a jam dicto episcopo divina peragebantur intensissimæ officia, a dæmonio curatus et pleniter sanatus est ceu nunquam a dæmonio vexatus esset. Alia quoque innumerabilia signa in suprascripta ecclesia et in antedicto primo ordinationis, consecrationis, sive reconciliationis suæ anno, necnon et in subsequentibus annis, innumerabilia multis apparuerunt videntibus signa, quæ propter prolixitatem sive propter tedium lectoris atque auditoris hic non inservimus; quæ tamen tanta sunt in ejendi dæmoniis, in recipiendis gressibus, in reddendis auditibus,

et reparandis visibus, sive in reliquis Dei beneficiis quanta, ut reor, duo vel tres quaterniones minime capere valerent. Alii autem infirmi tam de febribus quam de aliis infirmitatibus in suprascripta ecclesia innumerabiliter multi, Domino largiente, sunt sanati, atque pristinam sanitatem recipere et plenam meruerunt adipisci salutem.

## VI.

Antedictus enim dominus Aldricus, p̄f̄sat̄ urb̄is episcopus, quando in p̄dicto quinto Iduum Nov. die a largitatione domini Ludovici piissimi imperatoris, per consensum et electionem multorum nobilium virorum, sicut supra dictum est, accepit jam dictum episcopatum, quidam æmuli sanctæ Dei Ecclesiae et sui int̄inaverunt atque firmiter protestati sunt p̄fixo domno Ludovico imperatori quod abbatia Sancti Vincentii non esset de jure antedicti episcopi, sed fiscus s̄æpedicti domni Ludovici imperatoris esse debebat. Dominus igiter Ludovicus imperator ad hoc inquirendum atque veraciter investigandum suos strenuos et fideles misit missos, qui hoc inquirerent si fiscus esse debebat, an de jure et dominatione antedicti episcopi esse deberet. Aldricus vero in hoc valde angebatur, tristabaturque, quod tali occasione a jure et dominatione s̄æpedicti episcopii jam dicta abbatia sancti Vincentii perdita et injuste ablata fieret. Non enim habebat ibi cognitos homines, nec ipsam rem cognoscebat; sed Dominum omnime deprecabatur ut sua negligentia ipsa abbatia Sancti Vincentii de jure p̄dictæ Ecclesiae perdita nec alienata fieret. Quem nempe Dominus in hoc exaudivit, et oppido illum consolatus est; et ipsas res adminiculante Domino evindicare meruit, et ad jus suæ sedis ecclesiæ jure firmissimo retinere, licet in ipso die introitus sui, quando primo in festivitate sancti Martini in ipsam civitatem Cenomanicam est ingressus, ipsa inquisitio facta fuisset, ubi et testes habuit qui ad jus sui p̄fixi episcopatus ipsam abbatiā testificaverunt atque confirmantes dixerunt quod sub dominatione et jure p̄f̄sat̄ episcopatus esse deberet. Privilegium ergo quod dominus Domnolus de p̄f̄sata abbatia fecit quando p̄f̄sat̄ monasteriolum et jam dictam Ecclesiam de rebus suæ sedis Ecclesiae ditavit, ipso tempore minime invenire quivit, quod ei tunc absconditum fuit. Sed posteaquam illud jam evindicatum et per p̄ceptum confirmatum monasteriolum habuit, ipsum privilegium Domino adminiculante invenire et adipisci meruit. Idcirco in hoc opusculo p̄dictum privilegium nobis inserere placuit; ut si, quod absit, futuris temporibus de s̄æpe jam dicta abbatia aliqua quæstio orta fuerit, et p̄f̄sat̄ privilegium aliqua machinatione aut malo ingenio aliquis occultare vellet, in hoc opusculo exemplar ejus inveniretur, cum quo et solatium fideles ejusdem sanctæ Dei ecclesiae haberent, qualiter ipsa abbatia nunquam a jure et dominatione p̄f̄sat̄ ecclesiæ perdita fieret. Similiter et privilegium quod jam dictus dominus Domnolus de colonica ad ecclesiam Sancti Vincentii

A et ad opus fratrum ibi degentium cum consensu suorum canonicorum atque aliorum tam episcoporum quam et aliorum nobilium virorum fecit hic inserere placuit.

## VII.

*Exemplar privilegii et traditionis quam dominus Domnolus de villa Tricione et de Fraxinido, sive villula nomine Debuc, atque de aliis villulis sive rebus ac territoriis sue sedis ecclesiæ in die dedicationis sæpedictæ Sancti Vincentii ecclesiæ ad ipsam ecclesiæm fecit.*

Domino venerabili Ecclesiæ Cenomanicæ clero Domnolus episcopus.

Congruum nobis fuit ut votum desiderabile in charitatis vestræ notitiam poneremus; quia si consensus vester desiderium cordis nostri decreta adver-

B terit, credimus nullius nullo unquam tempore contrarietate a nobis pariter firmata posse convelli, cum pro salute populi, velut custodiam civitatis, reliquias domini ac venerabilis sancti Vincentii martyris intercedente presumptione ausi fuerimus deferre, cum Dei adjutorio et vestro, eidem loco dignitatis ereximus in culmine, ita petimus ut nostro pariter ditetur et munere; et si sensus vester in nos contulerit claritatem, hanc paginolam donationis vestro quæsumus ut firmetur robore. Dono ergo in ipsius domni Vincentii honore donatumque esse volumus villa cognominante Tricione, quam Abundantius visus est quondam tenuisse, per loca designata ad Confluentes usque Bucias defluit in Indua usque termino Proliacense, subjungente ad se adjacentia Saturniacinse, inde pervia Saturniacinse peruenit ad vuacta usque campo Daulfo, deinde a broialo Censurio usque ad domum Meræ, inde ad campum Locogiacinse peruenit ab ipso Tricione, cum id quidquid Mallaricus Diaconus noster tempore vitæ suæ usufructuario possidere videtur, cum agris, pratis, pascuis, silvis, aquis aquarumque decursibus, cum mancipiis his nominibus, Leudomado cum uxore Leudomalla et infantulum Litomeri, Leudolfo, item Leudolfo, Chariobandi, Vinoflede, et Mogiane, gregi equino quem Allomeris intra terminum ipsum commanens custodire videretur. Idemque et villa Fraxeneto, quam bonæ memorie Ap. Presbyter tenuit, cum broialis Marcelliacensis, cum vineis, silvis, pratis, pascuis, aquis aquarumque decursibus, cum accolis decem commanentibus in rem Ecclesiæ. Quicunque opportuni ad domum ipsam fuerint, quos per ad signationem Leudorico defensore percepit possidendos, cum mancipiis his nominibus Lanvneto, Fredulo cum uxore Taligia, Sesulfo, Castino cum uxore Leudomalla et filio Leudoghisilo, cum filia Childegunde, Puppa cum filio suo Populonio, cum Leudomundo et Leudomanda cum libertis omnibus p̄dicti presbyteri. Pari modo et locello ad Buccis, quem de Eutelio presbytero accepimus, cum mancipia qui ibidem excolere videntur, pratum intra vinarium supra ripa Sarthæ secum quem Abundantius vel actores Ecclesiæ visi sunt tenuisse, Chyldigisilo puer, cuin armento pecorum quem ipse

**A**custodire videtur, et campo adjacente ad memorato prato quem nostro opere fecimus, Sescismundo cum uxore sua Wiliare. Hec omnia quidem per hanc paginam donationis, quam Aunulfo diacono prærato unanimiter rogavimus conscribendam, constat delegasse, nuncupata basilica habeat, teneat, possideat, quicunque loci ipsius dignitatem perceperit, jure haereditario perpetualiter sibimet vendicet possidendum. Si ullo unquam tempore aut pontifex civitatis aut quilibet persona a nobis donata vel tradita de dominatione basilicæ ipsius abstrahere voluerit, induat maledictionem pro benedictione, et Domini nostri Jesu Christi vel omnium sanctorum martyrum incurrat offensam, et voluntas nostra perpetum, auxiliante Domino, capiat firmitatem, Anno Juliani legis indetamentioinem.

Actum Cenomanis civitate, anno xi regnante domini nostri Chilperici regis pridie Nonas Martias. † Domnolus peccator subscripsit. Germanus peccator, rogante clero Cenomanis, subscripsit. Dinamus peccator consensit et subscripsit. Drauscio presbyter subscripsit. Injuriosus peccator subscripsit. Meterius presbyter consensum nostrum subscripsi. Populonus presbyter consensi et subscripsi. Alloveus presbyter consensum nostrum subscripsi. Setrius peccator consensi et subscripsi. Leudoveus presbyter subscripsi. Daunaredus presbyter consensum nostrum subscripsi. Frigimodus presbyter, Ursicinus diaconus consensum nostrum subscripsimus. Census diaconus consensum nostrum subscripsi. Romolus diaconus consensi et subscripsi. Daddus diaconus consensum nostrum subscripsi. Noxus diaconus subscripsi. Seuvovechus diaconus consensi et subscripsi.

### VIII.

*Item exemplar quod dominus Domnolus de villa Canon per consensum canonicorum suorum ad ecclesiam Sancti Vincentii fecit.*

Anno xx regni Domini nostri Chilperici glorioissimi regis, pridie Nonas Septembbris, ego Domnolus in Christi nomine episcopus cum evocasset domino et fratri meo Audoveo episcopo Andegavæ civitatis visitare sanctis liminibus patroni peculiaris mei Victorii episcopi imo et solemniter ipsius celebrarem, cum consensu omnium fratrum meorum presbyterorum, quia ante tempus testamentum meum condidi et in ipsam voluntatem meam adhuc non complevi, quod meum conscriptum videtur volo in omnibus conservetur, et haec paginola plenum capiat opto robur. Dono basilicæ sanctorum Vincentii et Laurentii, quam meo opere construxi et ædificavi pro salvatione civitatis et populi collocavi coloniam cognominatam Cauno, cum agris, pratis, paucis, silvis, aquis, aquarumve decursibus, et mancipiola duo Waldardo cum uxore sua vel infantibus eorum qui ibidem nunc commanere videntur, ab hodierno die prædictus Abbas antedicti loci ad stipendia fratrum nuncupatae basilicæ faciat revocare, et tamen post obitum meum, quando Deus jusserit,

PATROL. CXV.

qui præsens fuerit ordinatus de loco præfato commemorationem meam annis singulis adimplere procuret. Ideo tibi, Niviarde diacone, ac defensor nostræ ecclesiæ, indico atque jubeo ut hoc tua traditione, sicuti nunc a dicta ecclesia possidetur, cum omni soliditate vel adjacentia Suolevo abbati facias consignari. Hoc vero inserendum rogavi, ut qui voluntati meae obvius esse voluerit, maledictionem illam incurrat quem Propheta in psalmo CIX decantavit, et præsens pagina maneat inconclusa, quam pro rei veritate manu propria subscripti et domini et fratribus meis muniendam rogavi Domnolus peccator subscripti. Audoveus peccator subscripti rogante domino Domnolo episcopo. Theodulfus peccator subscripti. Aimulfus presbyter subscripti. Leudoricus presbyter subscripti.

### IX.

Placuit etiam in hoc opusculo exemplar præcepti quod jam dictus Aldricus a domno Ludovico piissimo imperatore, quando res de sæpe dicta sancti Vincentii abbatia et ipsam abbatiam adjudicare et adipisci meruit.

*Hoc præceptum (Vide Patrologia tomo CIV, col. 1217, inter Ludovici Pii Diplomata).*

### X.

Similiter in hac scedula vel in hoc libello inserere placuit exemplar præcepti quod supradictus dominus Aldricus de villa quæ Brogilus vel Novavilla nominatur cum omnibus ad se pertinentibus tam villulis quam manicipiis, sive reiculis atque forestibus, necnon et omnibus ad eas juste pertinentibus accipere meruit; ut, si necesse fuerit, hoc exemplar futuris appareat fidelibus præscriptæ Ecclesiæ, qualiter omnibus notum sit supradicta cau-satio.

*(Vide ubi supra, col. 1218.)*

### XI.

Insuper in hoc opusculo inscribere libuit exemplar præcepti quod sæpedictus Aldricus de nonis et decimis vel restorationibus ecclesiarum sive de censibus tam monasteriorum quam cellularum et villarum quæ largitione regia vassalli dominici adipisci, licet injuste et contra canonicam auctoritatem, meruerunt. Nam oblatio fidelium ab episcopis et ministris eorum secundum canonicam institutionem dispensanda et gubernanda est, non a laicis et sacerdotibus hominibus; quoniam qui hoc facere ex sacerdotibus vel laicis hominibus præsumpserint, sub anathematis nomine a sanctis Patribus districte feriuntur. Illis quoque hoc valde cavendum est, ne pro temporalibus bujus sæculi a deliciis cœlestis regni perpetuo alienati, quod absit, stiant.

*(Præceptum de quo agitur vide ubi supra, col. 1219.)*

### XII.

Placuit etiam in hoc scripto inserere exemplaria præceptorum quæ præfatus dominus Aldricus, sæpedictæ urbis episcopus, de monasteriolo Sanctæ Mariæ quod est situm intra murum civitatis et fluvium

Sarthaæ accepit, quod etiam dominus Ludovicus A piissimus imperator propter amorem Dei et reverentiam sanctorum sive propter dilectionem et amorem prædicti Aldrici suprascriptæ urbis episcopi ad matrem et civitatis seniorem ecclesiam potestative et legaliter tradidit. Quam antedictus dominus Aldricus in honore Domini nostri Salvatoris Jesu Christi et ejusdem genitricis Mariae sive sanctorum martyrum Gervasii et Protasii atque sancti Stephani renovavit, solemniterque consecravit atque reconciliavit, congregatis scilicet episcopis atque sacerdotibus multis nobilibus sive reliquis Christi et sanctæ Dei Ecclesiæ ministris, cum consensu vide-licet absentium multorum et innumerabilium nobilium episcoporum prædictam matrem ecclesiam in supradictorum memoriis consecrare solemniter ac studiosissime meruit. Primo siquidem hoc accepit præceptum, quoniam putabat quod prædictum monasteriolum donatio regum et fiscus esset imperatorum. Sed postquam inventit traditiones et pre她们 sive privilegia et strumenta multarum chartarum investigario sive armario prædictæ ecclesie, qualiter præfatum monasteriolum Sanctæ Mariæ ad jam dictam matrem et civitatis ecclesiam a Deo devotis et liberis atque nobilibus utriusque sexus hominibus traditum fuerat, aliud inde accepit præceptum, sicut in eo continetur insertum. Idcirco hoc facere studuit ut si, quod absit, futuris temporibus aliqua ex hoc causatio orta fuerit, et prædicta præcepta aliquo ingenio ablata vel perdita fuerint, exemplaria amborum in his reperiantur schedulis præceptorum, et in hoc inveniantur inserta libello, quatenus ex hoc procuratores jam dicte sedis ecclesiae, si necessitas fuerit, adjutorium et reoperationem habere valeant.

(Vide ubi supra, col. 1255 et 1256.)

#### XIII.

Hic est inserendum item exemplar præcepti quod sæpedictus dominus Aldricus de rebus et de monasterioliis sive cellulis atque vicis, necnon et villulis sigillatum nominatis sub emunitatis tutione et gubernatione suæ sedis ecclesiæ, quam redificavit, et quasi a novo restruxit atque in melioravit, immoravisse, et in honore sancti Domini Salvatoris et beatæ ejusdem Dei genitricis Mariæ atque sanctorum martyrum Gervasii et Protasii sive sancti Stephani solemniter consecravit, et præceptum istius exemplaris a domino Ludovico piissimo imperatore percipere meruit, sicut in eo continetur insertum. Ita etenim in eo habetur scriptum.

(Vide ubi supra, col. 1257.)

#### XIV.

Prædicta quoque præcepta in hoc opusculo ideo inserere placuit ut, sicut dictum est, si futuris aut modernis de supradictis rebus aliqua quæstio orta fuerit, exemplaria antedictorum in hoc libello inveniantur inserta præceptorum; quatenus per ea fideles suprascriptæ ecclesiæ et rectores atque gubernatores ejusdem ex his exemplariis adjutorium ha-

bere queant. Nonnulla etenim alia præcepta præfatus dominus Aldricus jam dictæ urbis episcopus accipere pro firmitatis causa studuit, quæ in his schedulis propter prolixitatem vel fastidium audientium vel legentium, sive tedium scribentium, inserere minime libuit.

#### XV.

Prædictus quoque Aldricus, sæpedictæ urbis episcopus, collegit quædam capitula canonum valde utilia et necessaria, quæ a suis consacerdotibus sæpiissime legenda sive memoriarum commendanda tribuit. Ex quibus enim canonibus atque edictis Patrum præfata capitula strictim colligere curavit, in suo procœmio continetur insertum. Primo vero collegit capitula nonnulla ex duodecim conciliis sive ex decretis Romanæ sedis episcoporum, quorum præfationem in prima fronte prædicti operis valde utilem posuit. Denum quoque quæ sequuntur ex aliis collegit canonibus atque dictis Patrum diversarum provinciarum, atque nonnulla ex his cum aliis sanctissimis et doctissimis episcopis in synodis pariter sanxit, sive ex capitulis Christianissimorum imperatorum, in synodis episcoporum decretis tam tempore Pippini quam et Caroli sive Ludovici, sicut in præfationibus ipsius libelli a diligenter investigantibus inveniri potest. Sæpedictus quoque Aldricus episcopus fecit tugurium, quod et ciborium nominatur, super altare seniori, quod est sacratum, ut præfixum est, in honore Domini Salvatoris et sanctæ Dei genitricis Mariæ atque sanctorum martyrum Gervasii et Protasii sive sancti Stephani necnon et simul in veneratione et honore omnium sanctorum. Ipsum enim ciborium auro et argento mirifice, sicut hodie appareat, fabricare studuit; in quo et cennas argenteas et deauratas desuper configere præcepit, sicut hactenus a consipientibus prædictum opus videtur. Hinc namque fecit in loco in quo oī canes et metrices sive latrones habitare solebant monasterium supra fluvium Sarthaæ naillario et semis a jam dicta urbe distante in honore sancti Salvatoris et sanctæ Dei genitricis Mariæ et sanctorum martyrum Stephani, Gervasii, et Protasii, atque omnium sanctorum, in quo et dormitorium novum decenter compositum fecit, et in ipso dormitorio absidam in orientali parte mirifice construxit, et in ea altare construxit et erexit; ipsam vero absidam, una cum prædicto altare in die iv Iduum Septembri una cum suis reliquiis in honore sancti Benedicti confessoris præcipui solemniter consecravit; et ubi antea latratus canum et ululatus pauperum qui a latronibus inibi inhabitantibus expoliabantur resonabant, ibi hymnos angelicos et propheticos sive ceterarum divinarum Scripturarum laudes decantare et resonare die nocturne Domino constituit. Fecit quoque in ipso monasterio refectorium novum et nobiliter compositum, et cetera officina fratrum, tam cellaria quam et alia officina mirabiliter et decenter construxit et regulariter ordinavit, monachisque ad inhabitandum contradidit. In ipso ergo loco Calend.

**M**aii fundamenta ecclesiae et claustrum coepit ponere et construere; in quo opere mira et magna virtus Dei est declarata, quia quae in duos aut tres annos minime putabant esse consummata, in quatuor et quinto dimidio mensibus, Domino adminiculante, consummatum est, id est, a Cal. Maiis usque xvii Cal. Octobris; in quo Calendarum die et ipsa ecclesia est consecrata, et ipsi monachi in dormitorio inibi novo coeperunt dormire, et in refectorio inibi novo manducare, quae nullo modo fieri potuerint nisi Domini misericordia et ejus magna virtus hoc operata esset. Unde et ipse laudatur, qui hoc præstare et concedere atque divinitus operari dignatus est; cui est honor et gloria in secula saeculorum. Amen.

## XVI.

In prædicto itaque monasterio ecclesiam mirifice et ordinabiliter compositam a novo construxit, in qua et quatuordecim altaria erexit, et ea in memorias et nomina atque honores eorum sanctorum dedicavit et consecravit, et eorum pignora in eis collocauit, quorum nomina super ea hactenus adscripta esse videntur. Ipsam ergo ecclesiam, ut præfixum est, in honore Domini Salvatoris et sanctæ ejusdem Dei genitricis Mariæ, sive sanctorum martyrum Gervasii et Protasii atque sancti Stephani, neconon et simul in honore omnium sanctorum solemniter decenterque in die xvi Calend. Octob. consecravit. Dum ergo consecratio prædictæ ecclesiae a jam dicto episcopo et a suis ministris præparabatur, mira res et minime celanda accidit. Venit quoque quidam homo, nemine movente hominum aut vocante, sed divina clementia inspirante compunctus, nomine Salahardus, nobilis genere, ad præfatum locum et ad jam dictum episcopum, et ad ipsam congregationem, qui dixit se velle suum tradere proprium ad eamdem devotionem et ad præfixum locum et suos filios binos ad supradictam ecclesiam tradere servituti, ut et ibi, si Domino placuerit, monachi fierent, et cunctis diebus vita illorum inibi Domino deservirent. Quod ita post consecrationem supradictam peracutum, Domino annuente, factum est. Tradidit itaque præfixus vir, multis nobilibus coram astantibus, præfixo episcopo una cum suis sacerdotibus et monachis supra præscriptum altare sancti Salvatoris votum ejus suscipientibus de proprio suo quantum, ut reor, cum mille solidis argenti pretiosi nemo emere poterat. Unde prædicto episcopo et suis sacerdotibus atque monachis inibi Domino famulantibus chartam legalem fecit, et fidejussores ex eodem proprio nobilis et electos condonavit. Ista igitur miracula nisi instinctu Dei nullo modo fieri possent. Idcirco et ea hic inseruimus, ut cuncti servi Dei pro eis qui haec legerint orient qui suis votis Domini famulatum amplificare magnificareque atque adimplere cupiunt sive cupierint.

## XVII.

Consecratione igitur solemniter et canonice perfecta, ad ipsam ecclesiam sive ad ipsum altare quod

A in prædictorum honore sanctorum consecravit, et ad solciandam fratrum necessitatem ibidem Domino servientum, una cum suis consacerdotibus et clericis sancte viventibus, cum consultu et consensu videlicet universi cleri et populi, contradidit quatuor Evangelia mirifice conscripta et calicem aureum una cum patena sua. Etenim ipsum Evangelium et prædictum calicem aureum, Deoque sacramum, una cum cæteris episcopis et consacerdotibus manus eorum desuper imponentibus, et cunctis reliquis consentientibus ac exorantibus, ibidem de rebus sitæ sedis ecclesiae cum consultu omnium contradidit, multis testibus circumstantibus nobilibus et liberis hominibus videntibus; id est: villam Apiacum, in qua sanctus Ulfacius confessor Christi requiescit in corpore, cum omni integritate, et villam Luciacum cum omni integritate, et medietatem de villa Can, et medietatem de villa Bernis, et illas culturas duas juxta præfatum monasterium infra illam silvam conjacentes, una cum prato ex alia parte monasterii consistente, sicut termini ipsorum monachorum dividunt, et illa molina duo juxta monasterium supra fluvium Sartthæ constructum, et villam Salvariam cum aliis villulis juxta eam adjacentibus, cum manentibus triginta, et illam vineam indominicatam quae juxta ipsum monasterium consistit. Hoc totum præfixæ ecclesiae et prædicto altari in dotem monachis ibidem Doinino famulantibus regulariter cum consensu piissimi Ludovici imperatoris et episcoporum multorum, maxime comprovincialium et consacerdotum suorum, monachis ibidem degentibus perpetualiter ad possidendum contradidit, deprecans et contestans humiliterque implorans ut nemo ea inde auferat, sed plura adaugeat, et sicut vult unusquisque ut sua pia facta stabilia permaneant, ita et nostra, licet pauca, perpetualiter manere inconvulsa permittat. In quo die et in qua solemnitate constituit ut monachi in ipso monasterio degentes et regulariter viventes fratribus canonicis matri et seniori civitatis ecclesiae famulantibus dent plenam refectionem, quae et in subsequentibus commemorabitur. Ipsam ergo refectionem clericis matri et seniori civitatis ecclesiae famulantibus dare censuit; que etiam similiter in honore Domini Salvatoris et sanctæ ejusdem Dei genitricis Mariæ, sive sanctorum martyrum Gervasii et Protasii atque sancti Stephani neconon et simul in veneratione et nomine omnium sanctorum noscitur a prædicto Aldrico episcopo reconciliata et solemniter, ut præfixum est, sacra esse, ad cuius similitudinem et imitationem et hanc ecclesiam in jam dicto monasterio consecravit. Quae igitur quoniam subjecta est matri et seniori civitatis ecclesiae, idcirco et in ipsorum memoria quorum prædicta mater ecclesia est consecrata et hanc consecrare dispositus. Quod et ita ordinabiliter et solemniter Domino adjuvante factum est.

## XVIII.

In die namque consecrationis præscriptæ ecclesiae, ut superius commemoratum est, censuit supradictis

canonicis et Dèi servis matri et seniori civitatis ecclesiæ famulantibus dari de jam dicto monasterio sancti Salvatoris de pane optimo modios quatuor, et de vino optimo modios tres, et quarum de potionе optima, friscingas vero vervecinas duas et porcinas similiter duas. Constituit etiam ut jam dicti canonici pleniter et decenter venirent cum psallentio, id est cum crucibus et reliquis divinis obsequiis et ornamenti, ut decet, nobilibus ad vesperas et vigilias jam dictæ festivitatis et dedicationis Domini Salvatoris et ipsius monasterii ecclesiæ, in qua tam vespertinale quam et matutinale seu missale officium dedicationis ecclesiæ, sicut in sacramentario et lectionario sive antiphonario atque in cæteris sanctorum Patrum institutis et rationabiliter ordinatis a prudentibus sanctæ Dei Ecclesiæ cultoribus inventitur, agatur, et pleniter decenterque et rationabiliter atque solemniter una cum monachis ibidem degentibus et Domino famulantibus devotissime ab omnibus perficiantur, et post vesperas in ipsius dedicationis vigilia prædicti canonici in refectorio cum ipsis monachis talem refectionem sicut ipsi monachi una cum eis habeant. Missa vero crastina in die ipsius solemnitatis canonice et solemniter peracta, faciant ipsi canonici utrum episcopus vel magistri eorum melius et rationabilius judicaverint, aut in ipso monasterio reficiant pleniter, aut prædicta stipendia ad eorum refectorium famuli eorum deferant, in quo et ipsi pleniter et decenter reficiant, latentes quippe et gaudentes de prædicta solemnitate.

## XIX.

Constituit etiam prædictus Aldricus, jam dictæ civitatis episcopus, et humiliter deprecatus est, ut in præfixæ solemnitatis die unusquisque tam civitatis sacerdos quam et suburbanus sive præfati monasterii presbyter unam decantaret; dum in præsenti peregrinatione vixerit, pro eo vivente missam, post obitum quoque ejus, quando Dominus voluerit, similiter constituit et suppliciter deprecatus est, atque una cum eis pariter sanxit ut pro anima ejus prædicti sacerdotes in jam dicta die decantent devotissime unusquisque missam unam, et reliquus clerus, cuncti videlicet monachi et canonici, unusquisque psalmos quinquaginta devotissime decantet, orantes namque Dominum cœli ut vitam habere prædictus Aldricus mereatur sempiternam. Porro similiter constituit ut in die xi Cal. Januar. dedicationis matris et senioris ecclesiæ civitatis sacerdotes et clerici missas et psalmodia sicut et in dedicatione ecclesiæ Sancti Salvatoris jam dicti monasterii pro Aldrico episcopo studiòssime decantent, id est, unusquisque sacerdos missam unam vel eo amplius, si libuerit, et unusquisque clericus psalmos quinquaginta et eo amplius, si placuerit, orantes et deprecantes Dominum cœli ut anima ipsius vita sempiterna perfrui et requie æterna mereatur. Amen.

## XX.

Similiter ergo et in dedicatione sancti Stephani

A ecclesiæ, quam infra claustrum canonicorum jam dictus Aldricus episcopus a novo construxit, decreatum est ut prædicti canonici et ipsius civitatis Dei servi et suburbani omnes presbyteri et clerici ad ipsam solemnitatem dedicationis ecclesiæ sancti Stephani mane prima revestiti convenientes, unusquisque sacerdos in ipsa ecclesia pro anima prædicti Aldrici pontificis cantet missam unam; et si amplius voluerit, in ipsius erit benignitate et potestate ut faciat. Et unusquisque clericus psalmos quinquaginta; et si amplius voluerit, in ipsius erit benignitate et misericordia sine remuneratione et potestate, orantes et deprecantes Domini misericordiam omnime ut anima ipsius Aldrici episcopi quiete æterna frui valcat, et requiem sempiternam una cum sanctis et electis Dei habere mereatur. Amen.

## XXI.

Sanxit quoque antedictus dominus Aldricus episcopus una cum fratribus et coepiscopis ac canonicis suæ sedis ecclesiæ, consideravit ut in die ordinatio-nis ejus omnes presbyteri tam urbani quam et suburbani, sive monasteriales reliquaque clerici ad vesperas et vigilias ipsius festivitatis, sicut in natalitiis episcoporum constitutum est solemniter agere, pariter et solemniter convenienter, et in ipsa officia solemniter cum ipsis canonicis et devotissime peragerent, et post vesperas peractas in refectorio una cum ipsis ecclesiæ canonicis ter biberent, et ad nocturnas vel ad matutinas pleniter postea venirent, et matutinalem synaxim una cum ipsis canonicis solemniter et decenter peragerent. In ipsius quippe solemnitatis die constituit atque sanxit una cum sapientissimis episcopis atque sacerdotibus ut mane prima omnes sacerdotes tam urbani quam et suburbani revestiti infra ipsam matrem et seniorem ecclesiam convenienter, et reliquus clerus una cum eis adveniat, et unusquisque presbyter pro jam dicto Aldrico pontifice missas devotissime decantet tres, et unusquisque clericus pro se psalterium decantet unum, aut simul omnis cleris versa vice unum decantet in choro psalterium; hæc vero officia et missarum solemnia pro Aldrico venerabili episcopo devotissime completa, simul omnes ad legitimum et canonicum tempus in publicum et solemne introeant officium, sicut in natalitiis pontificum facere constitutum est. Post actum quoque publicum atque solemne officium, simul tam ipsi canonici quam et omnes clerici ad prædicta officia peragenda convenientes in refectorium pariter et sufficienter solemniterque reficiant de præbenda quæ eis, ad prædicta officia peragenda et ad ipsam solemnitatem complendam, a præfixo Aldrico dare de villa cuius vocabulum est Buxarias decretum est, sicut in testamento de ipsa villa fratribus a jādicto Aldrico episcopo prefato et in eo scripto atque firmato a multis episcopis constitutum est. Prædicta vero festivitas et antedicta refectio fratrum quæ modo agitur in xii Calendarum Januariarum die, quæ et una die anticipatur propter dedicationem præfixæ matris et

senioris civitatis ecclesiae, decretum et consideratum est a jandicto Aldrico episcopo et a predictis sanctis coepiscopis et suis sacerdotibus et canoniciis universis ut transferatur in diem depositionis ejusdem, quando eum Dominus de hoc seculo vocare voluerit; et in ipsa die agatur tam refectio predicta quam et antedicta solemnis, tantum enim ut hoc, quod modo pro vino in missis et psalmodiis et ceteris orationibus et ceremoniis agitur, tunc pro defuncto similiter, et predicto numero adimpleto, id est, unusquisque sacerdos missas tres, et unusquisque clericus psalterium unum, in die depositionis ejus agatur pro defuncto episcopo, et tunc unusquisque devotius et solemnis agere certet, quia major necessitas est tunc quam nunc; quoniam non est amicus in vita qui post mortem animam illius non diligit, et pro ea orare non certat; atque pro requie ejus orare et certare negligit et designatur. Est namque a predictis sacerdotibus et Dei servis consideratum et decretum ut quisque haec praeterierit, aut cuius negligentia prætermissem fuerit, sive in danda predicta præbenda, seu in peragendis predictis officiis, ut ante tribunal districti judicis reddat ex hoc rationem, et ibi sententiam suam accipiat. Videte, fratres et sancti successores antedicti episcopi, ut hoc decretum non negligatis, sed magis adimplere studatis; qualiter non damnationis poenam, sed retributionis premium in æternum percipere valeatis. Amen.

Oremus, fratres, ut Dominus animæ predicti pontificis Aldrici tribuat primæ resurrectionis partem, et vitam ei habere concedat in cœlis, ubi et gloria æterna perfui una cum sanctis Dei æternaliter mereatur, ipso dispensante et tribuente qui vivit et regnat cum Deo Patre in unitate Spiritus sancti per infinita sæculorum sæcula. Amen.

### XXII.

Similiter etiam in festivitate dedicationis occidentalis partis matris et senioris civitatis ecclesiae, in qua altare sancti Joannis construxit et alia altaria tria, facere censuit; id est ut unusquisque presbyter tam urbanus quam et suburbanus, sive cuncti monasteriales sacerdotes ad ipsam solemnitatem, quæ est xi Calend. Juliarum, mane prima revestiti conveniant, et ibi pro jam dicto pontifice Aldrico venerabili episcopo missam unam decantent, et si amplius voluerint, in eorum erit potestate et misericordia sine retributione, et unusquisque clericus psalmos quinquaginta, et eo amplius decantet pro anima Aldrici jam dicti episcopi, orantes quoque Dominum cœli et deprecantes misericordiam ejus ut anima predicti Aldrici episcopi vitam æternam babere valeat sive requiem sempiternam una cum sanctis, et electis Dei æternaliter frui mereatur per infinita sæculorum sæcula. Amen.

### XXIII.

Constituit enim prefatus Aldricus venerabilis episcopus ut omnes presbyteri, tam urbani quam et

A suburbanii sive monasteriales juxta urbem degentes et omnes sacerdotes infra illam commanentes, ad predictas sex festivitates decenter et revestiti convenirent, id est xviii Calend. Septembrium, quando festivitas Assumptionis sancte Dei genitricis Mariæ celebratur, et in festivitate consecrationis occidentalis partis matris et senioris civitatis ecclesiae, quæ est xi Cal. Juliarum, et in festivitate dedicationis ecclesiae Sancti Salvatoris infra monasterium monachorum quod Aldricus supradictus episcopus supra fluvium Sarthæ a novo fundavit, et in quo monachos habitare et regulariter vivere constituit, et in festivitate sacrationis ecclesiae Sancti Stephani quam jam dictus Aldricus episcopus intra claustrum canonicorum a novo fundavit, quæ est v Iduum Novembrium, et in festivitate natalitii prefati Aldrici episcopi, quæ est xii Cal. Januariarum propter anticipationem unius festi diei, id est, matris et senioris ecclesiae consecrationis celebratur, et in festivitate consecrationis matris et senioris civitatis ecclesiae, quæ est xii Cal. Januariarum. Ad has ergo festivitates consideratum et decretum est ut predicti sacerdotes revestiti mane prima convenient, et in jam dictis ecclesiis oblatas et vinum a custodibus ipsarum ecclesiarum accipient, et supradicta officia pro Aldrico episcopo mane prima ante horam tertiam faciant, orantes humiliter et supplicantes, flexisque poplitibus Domini misericordiam obsecrantes, tam sacerdotes cuncti quam et reliqui clerici omnes, ut absolvat Dominus animam Aldrici predicti episcopi ab omnibus vinculis delictorum, quatenus in resurrectionis gloria inter sanctos et electos Dei resuscitari mereatur, et vita sempiterna una cum eis perfruatur per infinita sæcula sæculorum. Amen. Hæc ergo officia pro Aldrico predicto episcopo devotissime et bono animo peracta, hora tertia in publicum et solemne ipsius diei officium omnes introeant, et officium solemne decenter solemniterque peractum in refectorio una cum predictæ sanctæ matris ecclesiae canonicis in predictis sex diebus et festivitatibus plenam et decentem refectionem sicut ipsi canonici habeant, gaudentes et lætantes plaudentesque in predictis festivitatibus persistant, laudantes et benedicentes Dominum qui eis tanta bona tribuere non designatus est; orantes quoque et supplicantes Dominum cœli precibus incumbant, ut hanc vitam pacifice et decenter sancteque et pie degere valeant, et postmodum, quando Deus voluerit, vita æterna in coelestibus sedibus una cum sanctis Dei frui mereantur, quod ipse præstare dignetur, cui est honor et gloria in sæcula sæculorum. Amen. Hanc quicunque cupit dissolvere, a membris Ecclesiae dissociatus eat.

### XXIV.

Fecit igitur antedictus Aldricus episcopus monasterium in loco ubi dudum monasterium fuerat in honore sanctæ Mariæ constructum, quod et ipse legibus et per instrumenta chartarum a domino imperatore Ludovico ad jus sacerdotis ecclesiae acquisivit, sed pene destructum atque dirutum et absque

Bruslondinse unum, in Brinnaico in Exominse quatuor, ad Cervias unum, ad Curt Cardrici unum, ad Piscosam unum, ad Gaure unum, in Sarcinaco super fluvium Meduanam unum, in Cambion unum, in Bol-singas unum, in Autlingua Saxonæ unum, in Alona unum, juxta campum Sigelaici unum, in Brisciola unum, in Molindareslingres unum, in Montmercantinum, in finibus Culturensibus juxta Truecto sursum in illo monte e contra Montcue unum, in silva Carnida quinque, in Novavilla in Audecavo unum, in campo Seutdom una cum sua ecclesia unum, in cultura quæ Monasteriolus vocatur unum, in illo monte ad Archas unum, juxta Sabonarias unum, juxta Proliacum latronum unum, in Contiliaco unum, in Contidla unum, ad villam Hulduminum, ad Fraxino in finibus Balianum unum.

Sunt in summa centum quinquaginta duo mansio-nilia a novo fundata et reëdificata non minima.

#### XXIX.

Placuit quoque in hoc opusculo inserere exemplaria privilegiorum præfati episcopi, et præceptorum ab imperatoribus et regibus supra ipsa privilegia firmitatis studio a præscripto domno Aldrico episcopo impetrata, ne aliqua machinatione præfata privilegia quassarentur, imperatorum et regum auctoritatibus confirmata, quæ suis monachis et canonicis de quibusdam rebus et villulis fecit, ut eorum stipendia pleniter haberent, et absque indigentia Domino ser-virent, et mater ecclesia suum privilegium pleniter retineret, sicut in subsequentibus hæc scire et in-vestigare volentibus inveniri poterit.

*Exemplar privilegii quod fecit memoratus pontifex fratribus suis de quinque festivitatibus anni et de villa Buxariis.*

In nomine sancti Salvatoris et veneratione sanctæ Dei genitricis Mariæ sanctorumque martyrum Ste-phani, Gervasii et Protasii, quorum ecclesiæ titularius, licet indigne, esse videor, ego Aldricus, Ceno-manicæ urbis indignus et peccator episcopus, primo anno ordinationis meæ, oppido mœstus de conversa-tione fratrum et canonicorum nostrorum, quadam nocte in oratione positus, ut credo divinitus inspira-tus, cœpi cogitare ut rationabilius et canonice vive-rent, atque quod multo seu, ut fertur, nullo transacto tempore habuere claustrum haberent, in quo cano-nice et regulariter conversarentur, et religiose ac canonicaliter Domino devote famulanjes præsentibus scilicet atque futuris temporibus inhabitarent. Memorato ergo in tempore per consensum Landramni venerabilis nostri archiepiscopi, seu et per exoratio-nem comprovincialium nostrorum omnium episco-porum, dedi prædictis canonicis nostris domum in dextera et australi parte constructam nostræ sedis et matris ecclesiæ, quæ est consecrata in honore sancti Salvatoris et in nomine ac veneratione præ-dictorum sanctorum, id est, sanctæ Dei genitricis Mariæ, sanctorum martyrum Gervasii et Protasii sive sanoti Stephani, simulque in veneratione et

A nomine omnium sanctorum; qua etiam in domo ego et antecessores mei dudum inhabitare solebamus. Prædictam ergo domum nostram atque præfatum locum, eum omnibus ædificiis superpositis et ædifi-catis, dedi canonicis nostris secundum ordinem cano-nicum ad inhabitandum. Ipsum quoque locum demum in modum claustri juxta virium mearum imbecilli-tatem restaurare curavi, et ibidem secundum cano-nicam institutionem ac sanctorum patrum ordinem canonicaliter Deo et prædictæ ecclesiæ servientes pariter institui degere vitam et ad canonicas pari modo cunctos devotissime concurrere horas, ac tem-pore refectionis, ut sanctus canonialis ordo docet, ad eorum refectionem nostri operis studio noviter ædificatum ad reficiendum occurrant, et omnia quæ ad corporis sustentationem pertinent, secundum or-dinem canonicum pleniter percipient. Hæc ergo ita peracta, accessi humiliter ad clementiam domni senioris nostri Ludovici piissimi imperatoris, petens ab eo ut pro sua largissima eleemosyna aliquid de rebus nostræ sedis ac matris ecclesiæ quas vassi dominici per ejus beneficium tenebant mihi reddi-disset. Quam petitionem, Domino annuente, non renuit, sed sicut deprecatus sum adimplevit, et per præceptum suum, suo quippe annulo sigillatum, confirmavit. Hæc autem taliter peracta et a sua clementia impetrata, petii ut mihi licentiam daret ut aliquid de ipsis rebus ad necessaria fratrum et cano-nicorum nostrorum quas mihi reddidit tribuerem. Quod ita et fecit. Tunc ergo gratulanti animo in eleemosyna et memoria jam dicti domini mei Ludo-vici piissimi Augusti, dedi sana mente et prompto animo præfixis fratribus et canonicis nostris, una cum consensu præfati domni Landramni Turonensis ecclesiæ archiepiscopi et aliorum omnium scilicet comprovincialium coepiscoporum nostrorum, ad supplementum memoratorum fratrum nostrorum atque canonicorum nostrorum, in pago Cenomanico infra quintam præfixæ civitatis villam unam nomine Buxarias cum omnibus ad se pertinentibus, et silvam aliquam quæ Follicionis vocatur cum omni integritate, atque futuris temporibus ad eorum supplemen-tum augendum per hoc testamentum confirmavi. Ita sane hoc feci ut per singulos annos habeant memorati fratres de præfata villa in festivitate dedica-tionis occidentalis partis matris et senioris ecclesiæ, quæ undecimo Cal. Julianum die, in qua etiam parte occidentali est in suprascripto die sacramum altare in honore sancti Joannis, et alias duo in honore aliorum sanctorum quorum nomina super ipsa altaria sunt conscripta et quartum altare desuper in solario con-structum in honore omnium sanctorum dignoscitur in jam dicto die a nobis esse sacramum. In memorato itaque undecimo Cal. Julianum die, in veneratione jam dictæ dedicationis et solemnitatis, de prædicta villa Buxarias statuentes per hoc testamentum censemus, et censes consultu et exhortatione multorum episcoporum ac sacerdotum devotissime statuimus ut accipiant suprascripti canonici et fratres nostri

de frumento optimo modios sex et de vino optimo modios quatuor, et insuper potionem quæ vulgo alixona dicitur modium unum, et arietes optimos quatuor, et porcos optimos duos. Et in dedicatione ecclesie Sancti Stephani, quæ est infra claustrum constructa, cuius festivitas dedicationis est quinto Idus Novembris, similiter habeant fratres de frumento optimo modios sex, et de vino optimo modios quatuor, et insuper de potionem quæ dicitur silvia modium unum, et friscingas porcinas perbonas duas, et arietes quatuor. In anniversario etiam ordinationis nostræ, quæ celebatur duodecimo Cal. Januarias, quæ tamen anticipatur una die propter dedicationem matris et senioris nostræ sedis ecclesie, quæ est undecimo Cal. Januarias, habeant prædicti fratres ad eorum refectionem de frumento optimo modios sex, et de vino optimo modios quatuor, et insuper potionem de flinculo modium unum, et ad pisces emendos de argento solidos quinque, de caseo autem modium unum, et de legumine optimo similiter modium unum. In dedicatione vero absidæ matris et senioris nostræ urbis ecclesie et reconciliatione ipsius ecclesie quam noviter ædificavi atque reædificare studui, quam et in honore sancti Salvatoris et in nomine sanctæ Dei genitricis Mariae sanctorumque martyrum Stephani, Gervasii et Protasii, simulque in honore et veneratione omnium sanctorum undecimo Cal. Januariarum die, cum aliis episcopis et sacerdotibus multis solemniter dedicavi, et multorum sanctorum reliquias in ea propriis manibus collocavi, sive de corpore proprio sanctorum martyrum Gervasii et Protasii in confessione senioris altaris reliquias dedicando, decenter composui. In ipsa ergo festivitate habeant jam dicti fratres de frumento optimo modios sex, de vino autem optimo modios quatuor, insuper et de cœsto optimo modium unum, et ad pisces emendos solidos quinque, de caseo vero modium unum, et de legumine similiter modium unum. Hæc autem omnia de præfata villa Buxarias memoratis fratribus, veluti præfixum est, devotissime ministrantur. Ea scilicet ratione hæc illis dare censuimus ut prædictas quinque festivitates sèpedicti fratres solemniter et devotissime celebrent adjunctos sibi monasteriales omnes, sive suburbanos sacerdotes. et reliquos clericos, qui in supradictas festivitatibus vigilias devotissime veniant, et tunc mane prima revestiti in ecclesia cuius festivitas celebratur devotissime adesse procurent, ministrante autem eis custode ipsius ecclesie oblatas et vinum sufficienter inibi per singula altaria pro me peccatore, dum advixero, unusquisque sacerdos missam decantet unam et amplius, si libuerit et charitas ministraverit, et unusquisque clericus psalmos quinquaginta et amplius, quantum, dilectio et amor Dei instigaverit. Ipsos autem psalmos tam ipsi canonici quam et suburbani vel monasteriales clerici alterius chorii in præfata ecclesia vicissim decantare studeant. Post obitum vero meum, quando Deus voluerit, in prædictis festivitatibus futuris temporibus similiter pro defuncto fa-

A ciant tam in missis quam et psalmodiis humiliiter precamur. Hæc ergo omnia diligenter peracta, hora teria in publicum introeant officium, ipsius die festivam peragentes solemnitatem. Peracto autem solemniter prædictæ festivitatis officio, tunc in refectorio una cum prædictis monasterialibus et suburbanis sacerdotibus ac clericis religiose lectionem continuo audientes et intendentis religiosissime cum silentio reficiant. Hoc ergo summopere suppliciter obsecro sanctos successores meos et præpositos ac magistros seu ministros canonicorum prædictorum, sive ipsos canonicos præsentes scilicet et futuros, ut prædictos suburbanos seu monasteriales sacerdotes et clericos qui ad prædictam festivitatem venerint, et suprascriptas orationes pro me miserrimo peccatore fecerint, a memorata refectione et ab eorum refectorio a se non excludant; sed si aliqua necessitate factum fuerit, tunc statuentes imploramus ut unus canonicorum bene fidelis de prædictis stipendiis quæ de memorata villa Buxarias tribuuntur, accipiat unum modium panis et alterum vini, insuper et de jam dicta potionem sextaria quatuor, et unam friscingam quallem meliorem invenerit, et ex his, illis præparet infra præfixum claustrum in optimo loco devote et religiose et refectionem plenam; sed magis opto et supplex deprecor ut cum sèpedictis canonicis nostris in refectorio cum illis religiosissime reficiant, solemniter quoque predictas dies ducentes, et de tantis festivitatibus lætantes, Deumque in omnibus laudantes ac deprecantes ut tranquillam hanc degere valeant vitam, et præmia æternæ vitae percipere mereantur. Insuper de prædictis stipendiis deprecans sanctos successores meos atque ministros præfatae matris ecclesie contestor, atque contestans humiliiter deprecor, ut unum modium de præfixo pane per singulas jam dictas festivitates et alium de prædicto vino, et de præfatis friscingis unam quadraginta pauperibus in singulis memoratis festivitatibus tribuant, et in optimo loco ex his eis refectionem præparent; qui inde refectionem habentes Dominum Salvatorem mundi collaudent, et pro me miserrimo peccatore vivo atque defuncto orare studeant, qualiter cum sanctis et electis Dei æternaliter lætari valeam, et vita frui perpetua merear. Amen. Quidquid autem in jam dicta villa amplius elaboratum et acquisitum quam superius in prædictis festivitatibus ministrandum insertum est de qualicunque justo ingenio vel arte, hoc ipsum veniat ad communem utilitatem prædictorum fratrum, et ad eorum refectionum augmentum proficiat, et nihil eis de sumptibus præfatae villæ a quoquam subtractum vel minoratum fiat, ut magis ac magis Domini omnipotentis servitium adimplere valeant, et pro perpetuitate imperii et domini et senioris nostri Ludovici præscripti piissimumque imperatoris et sospitate conjugis et prolis ejus atque invictissima sui exercitus Victoria exorare humiliiter delectetur, et quasi ad vestigia pedum eorum provolutus deprecor universos in hac sede succedentes ut hanc firmitatem quam

D

pro amore Domini Salvatoris et veneratione sanctæ Dei genitricis Mariæ sanctorumque martyrum Stephani, Gervasii et Protasii, alque omnium in veneratione sanctorum, et eleemosyna sæpedicti domini Ludovici imperatoris, ac per ejus licentiam pro pondere peccaminum meorum fieri decertavit, in perpetuum conservent esse mansuram: Quam devotionem si quispiam violare præsumperit, ante tribunal Christi, pro cuius amore hoc factum esse dignoscitur, tremebundam in judicium deducat rationem. Ego Aldricus Cenomanicae urbis indignus et peccator episcopus hoc testamentum a me factum subscripsi. Ursmarus indignus Turonice urbis archiepiscopus huic testamento annuens subscripsi. Dodo humilis Andecavensium antistes huic testamenti decreto assensum præbui et subscripsi. Jonas indignus episcopus huic testamento annuens subscripsi. Ego Autarius Magontiæ urbis archiepiscopus subscripsi. Ebroinus indignus episcopus huic testamento annuens subscripsi. Guntardus indignus episcopus huic testamento annuens subscripsi. Ego Erchinradus Parisiacæ urbis episcopus hoc testamentum, deprecante Aldrico episcopo, subscripsi. Vyarnarius indignus episcopus huic testamento subscripsi. Ego Echardus episcopus hoc testamentum, deprecante Aldrico episcopo, subscripsi. Theodoricus Cameraensis urbis episcopus hoc testamentum subscripsi. David chorepiscopus subscripsi. Ansteus decanus subscripsi. Godenus archipresbyter subscripsi. Ricardus presbyter subscripsi. Deditinus archipresbyter subscripsi. Eruardus, licet indignus, presbyter subscripsi. Geraldus subscripsi. Gansuinus presbyter subscripsi. Ascaricus presbyter subscripsi. Alexander presbyter subscripsi. Gerihanus presbyter subscripsi. Vineboldus presbyter subscripsi. Flodoinus presbyter subscripsi. Flodebertus presbyter subscripsi. Anisacharus diaconus subscripsi. Rodricus diaconus subscripsi. Regnogardus modicus subscripsi. Vivaldus subdiaconus subscripsi. Data Kalend. April. in die sancto Paschæ, anno incarnationis Dominicæ octingentesimo trigesimo et septimo, indictione vero quindecima, anno quoque vigesimo et tertio imperii domini nostri Ludovici gloriosissimi imperatoris, et anno ordinationis nostræ quinto. Actum ergo Cenomanica in urbe publica in Dei nomine feliciter. Amen.

## XXX.

*Exemplar præcepti domni Ludovici imperatoris super præscriptio privilegio de villa Buxarias.*

In nomine Domini Dei et Salvatoris nostri Jesu Christi. Ego Ludovicus, divina repropitiante clemencia, imperator Augustus. Omnibus sanctæ Dei Ecclesiæ et nostris fidelibus presentibus et futuris notum sit quia vir venerabilis Aldricus, Cenomanicae urbis episcopus nostræ, suggestit mansuetudini eo quod primordiis ordinationis suæ confusum canonorum matris ecclesiæ sibi commissorum ordinem statumque invenerit, et claustrum qui canonice vivere debent eateus nullum habuerant, sed ipse di-

A vini cultus amore servens, ex domibus quas episcopi antecessores sui propriis usibus habere solarent, memoratorum canonicorum habitaculis ac variis usibus attribuerit, illisque constructus et secundum opportunitatem cujusque usibus ædificatis ac decoratis, eos secundum auctoritatem canonicas fecerit habitare. Retulit etiam serenitati nostræ eo quod jam dictæ matris ecclesia quibusdam additis oratoriis aliasque forinsecus ecclesiis, solemniter religioseque eorum devotionem adimplere curaverit, easdem dedicationum festivitates propriis temporibus solemniter memorati canonici, convenientibus tam sacerdotibus quam religiosis laicis reliquoque populo solemniter celebrare valerent, eisdem canonicas quamdam ejusdem villam Buxarias vocabulo B per testamenti conscriptionem propria ceterorumque episcoporum venerabilium manibus roborataæ proprie delegaverit, quatenus in sæpedictis dedicationum festivitatibus, præfixis etiam quibusdam conditionibus dignam ac necessariam refectionem habere valerent. Quæ sua institutio ut perennibus temporibus inviolabilis persistere possit nostræ, supplicavit celsitudini ut super idem devotissime religiose institutam nostram firmitatis gratia auctoritatem percipere mereretur, per quam futuris temporibus inconvulse atque inviolabiliter permaneret. Cujus supplicationibus annuentes, per hoc nostræ auctoritatis scriptum statuentes, decernimus ut quod studio divini honoris et cultus religiose patrasse atque instituisse dignoscitur, et jam dicta inscriptionis suæ serie C conscribi ac robore non distulit, cunctis temporibus maneat inconvulsus, nec quispiam successorum suorum de conditionibus in ea comprehensis quidquam audeat immutare aut memoriam villam a jure eorumdem canoniorum abstrahere; sed quidquid de ea secundum institutionem ejus, ut dictum est, ordinare atque disponere voluerint sæpedicti canonici, liberam in omnibus habeant potestatem; quatenus pro nobis, conjugi, proleque nostra, ac stabilitate totius imperii a Deo nobis concessi Domini misericordiam jugiter valeant exorare. Et ut hæc nostræ confirmationis auctoritas nostris successorumque nostre temporibus inviolabilem et inconvulsam obtineat firmitatem, de annulo nostro subter eam jussimus sigillari.

D Hirmimarus notarius ad vicem Hugonis recognovi et subscripsi.

Datum quatuordecimo Calendas Jul. anno, Christo propitio, vigesimo et tertio imperii domini nostri Ludovici piissimi Augusti, Indictione quindecima.

Actum Theodonis villa, palatio regio, in Dei nomine feliciter. Amen.

## XXXI.

*Sequitur exemplar privilegi quod fecit prænominatus Aldricus, episcopus ecclesiæ Sancti Salvatoris, super fluvium Sarthæ, et monachis ibi Domino simulaniibus.*

In nomine sanctæ Trinitatis et unicæ Divinitatis. Ego Aldricus, Cenomanicae urbis indignus et peccator episcopus, illustratione divinæ pietatis provoca-

tus, una cum consensu et licentia domini Ludovici piissimi imperatoris, seu omnium sanctorum provincialium episcoporum atque aliarum multarum provinciarum nobilium ac sapientium pontificum, sive cum omni nostrae curae commissae Deo devote congregationi matrique et nostrae sedis ecclesiae famulanti, pertractans ego easum fragilitatis humanae, pavescensque ultimum vocationis diem, ne multa mole peccaminum oneratus, sine fructu aliquo, quod absit, boni operis repertus inveniar, confortatusque alloquio predicatoris præcipui, Pauli scilicet apostoli, ubi ait: *Si cujus opus manserit, mercedem accipiat;* idcirco, ut dictum est, cum consensu et licentia suprascripti principis atque predictorum sanctorum præsum sive præfixorum servorum Dei promptissimo animo, divina inspirante clementia, nostra devotionis decrevit compunctio, ut ad augmentum cultum divinum sive matris et nostræ sedis ecclesiae atque parochie nobis commissem, ac cumulandum honorem atque lucrum multarum animalium, ut monasteriolum aliquod in nostra parochia nostro labore ad perpetuam omnipotentiis Dei laudem fundare et construere deberemus, quod ita annuente Domino et facere studuimus, in quo et ecclesiam, prout valuimus, ad invocandum perpetualiter nomen Dei æterni in honore Domini Salvatoris et sanctæ ejusdem Dei genitricis Mariæ sive sanctorum martyrum Gervasii et Protasii atque sancti Stephani, necnon et in honore et memoria simul omnium sanctorum construere et solemniter sexdecimo Cal. Octob. die cum aliis episcopis et sacerdotibus sive reliquis sanctæ Dei ecclesiæ ministris decenter et rationabiliter canonicęque atque insigniter, Domino auxiliante, curavimus consecrare, in qua et quindecim altaria erigere et in honoribus et memoris eorum sanctorum quorum nomina super ea inserta esse presentis temporis momento videntur, eorumque atque aliorum multorum sanctorum patrocinia et reliquias meis propriis manibus collocavi, solemniterque ea et decenter adjunctis nobis præfatis sanctissimis sociis ordinabiliter sauciſcantes consecrare, Domino miserante, meruimus, quorum intercessionibus nos adjuvari misericorditer confidimus eorumque perpetuis tueri praesidiis, largiente Domino, humiliiter petimus. In memoria itaque Calendarum die et in dedicatione prefatae ecclesiæ cum licentia et exhortatione jam dicti principis sive prescriptorum sanctorum patrum, videlicet episcoporum ac nobilium et sancte viventium sacerdotum, per librum quatuor Evangeliorum nobiliter ornatum et auro ex parte conscriptum, seu per calicem aureum unum cum patena sua desuper episcopis et sacerdotibus manus eorum imponeatibus, multis scilicet nobilibus coram astantibus et videntibus, tradidimus simulque delegavimus una cum jam dicto Evangelio et memorato aureo calice de nostræ sanctæ sedis ecclesiae rebus ad supradictum sanctum locum, qui vocatur monasterium Sancti Salvatoris, olim vero Brogilus a

priscis vocabatur; et ad opus monachorum inibi regulariter viventium et Domino famulantium, donatumque in perpetuum ibidem ob mercedem et stabilitatem prædicti domini nostri Ludovici piissimi imperatoris, cuius largitione et præfatum locum acquirere meruimus, sive futurorum dominorum, regum videlicet Francorum, seu et nimis pro pondere peccatorum nostrorum donamus et per hoc testamentum confirmamus confirmatumque futuris temporibus esse volumus, tam opportunitatem quam et pro stipendio fratrum ibidem Domino servientium, necnon et consolationem peregrinorum, atque hospitum advenientium receptionem. Primo vero omnium delegavimus ibidem villam Salvarias cum manentibus triginta et illas culturas duas juxta illud monasteriolum sitas, seu illam silvam quæ intra fluvium Sarthæ et inter prædictas culturas et præstatum monasteriolum consistit, atque illam vineam dominicam quæ inter Salvarias et jam dictum monasteriolum conjacet, et illa molina duo juxta illud monasteriolum supra fluvium Sarthæ sita, necnon et illud pratum ex alia parte præfati monasterioli situm una cum silva, sicut termini predictorum monachorum dividunt. Delegavimus etiam ibidem villam nostræ sedis ecclesiæ Apiacum cum omni integritate, in qua sanctus Ulsacius, pretiosus Christi confessor, corpore requiescit; simulque tradidimus ibi medietatem de villa Canon; parique modo confirmamus ibidem villam Luciacum cum omni integritate; simulque inibi dedimus et medietatem de villa quæ Beruas vocatur de ratione Sanctæ Mariæ, quam redditione domini nostri Ludovici excellentissimi imperatoris acquisivimus; et illam precariam quam Friderardus per precariam de rebus Sanctæ Mariæ et Sancti Gervasii tenet, tradimus totam similiterque donamus, et in villa quæ vocatur villa Sancti Auteni manentes tres cum vineis tribus et campis aliis, et quantum pars Sanctæ Mariæ ibi habetur. Videlicet et illas res quas Salleardus in die dedicationis ipsius ecclesiæ eidem sancto loco et nobis sive ipsis monachis legaliter tradidit inibi, per hoc testamentum confirmamus. Hæc autem omnia in pago Cenomanico sunt sita. Supradictas igitur villas omnes et res cunctas superius nominatas et ad prædictas villas jure pertinentes, una cum ceteris dominibus, ædificiis, mancipliis, vineis, silvis, campis, pratis, pascuis, aquis, aquarunve decursibus, farinariis, mobilibus et immobilibus, omnia et ex omnibus ad præfatum sanctum locum pro lucranda sancta mercede et augmēte nostræ sanctæ sedis ecclesiae atque nostræ congregationis ornatu donamus, tradimus, simulque delegavimus, et omnia quæ eidem sacrosancto loco et fratribus et monachis inibi Domino famulantibus et regulariter viventibus divina pietas deinceps augeri voluerit et a bonis hominibus ibidem condonatum atque traditum fuerit, ita ut ab hac die ibidem perpetualiter, Domino auxiliante, in augmentis proficiant. Unde constitui ob hoc pie devotionis

amore veniente jam dictæ Sancti Salvatoris ecclesiæ consecrationis festivitate, omni anno fratribus matri et nostræ sedis ecclesiæ famulantibus consolatiō nem ministrandam ab abbatе et monachis in præfato monasterio Domino famulantibus, id est, de pane optimo modios sex, et friscingas porcinas tres, berbicinas vero similiter tres, et de vino optimo modios quatuor, et de potionē optima quinque. Ea vero ratione hæc illis dare censuimus ut supradictæ matris ecclesiæ jam præfati canonici pleniter ad memoratam dedicationis ecclesiæ cum silentio et cæteris divinis ornamenti veniant festivitatem cum cæteris suburbânis sacerdotibus et reliquis clericis, et tunc mane prima inibi pro me peccatore, dum advixero, unusquisque sacerdos cantet unam missam et amplius, si libuerit et charitas ministraverit, et unusquisque clericus psalmos quinquaginta et amplius, quantum dilectio et amor Dei instigaverit. Post obitum vero meum, in prædicta die similiter pro defuncto faciant. Hæc ergo omnia diligenter peracta, hora tertia in publicum introeant officium et una cum monachis ibidem Domino famulantibus solemniter ipsius diei festivam peragant solemnitatem; et tunc utrum elegerint faciant, aut inibi cum ipsis monachis pariter reficiant, aut si ibi non refecerint, tunc accepta stipendia in refectorio infra domum et claustrum canonicorum una cum prædictis suburbanis, clericis, et sacerdotibus reficiant. Hoc sane humiliter obsecro sanctos successores meos atque abbates vel monachos præfati monasterii, et præpositos ac magistros seu ministros canonicorum nostrorum, sive ipsos canonicos præsentes scilicet atque futuros, et prædictos suburbanos, seu monastriales sacerdotes et clericos, qui ad prædictam festivitatem venerint, et suprascriptas orationes pro me miserrimo peccatore fecerint, a memorata refectione vel ab eorum refectorio a se non excludant; sed si aliqua necessitate factum fuerit, tunc statuentes imploramus ut unus canonicorum bene fidelis de prædictis stipendiis que jam dicti monachi tribuerint, accipiat unum modium panis et alternum vini, insuper ex potionē sextaria quatuor, et unam friscingam qualèm meliorem invenerit, et ex his illis præparet devote et religiose refectionem. Sed magis opto et duplex deprecor ut cum sæpedictis canonicis nostris in refectorio cum illis religiosissime reficiant, solemniter quoque illum diem ducentes, et de tanta festivitate lœtantes, Dominumque in omnibus laudantes ac deprecantes ut tranquillam vitam hanc degere valeant et præmia æternæ vitæ percipere mereantur. Insuper de prædictis stipendiis deprecans sanctos successores meos contestor et contestans humiliiter deprecor atque ministros ejusdem Ecclesiæ ut unum modium de præfixo pane et alterum de jam dicto vino et de præfatis friscingis unam quadraginta pauperibus in memorata festivitate tribuant, qui inde refectionem habentes Dominum Salvatorem mundi collaudent et pro me miserrimo peccatore orare studeant, qualiter cum sanctis et electis Dei

lœtari æternaliter mereamur. Amen. Porro quod multas episcopales sedes et matres Ecclesias diversa monasteria sub se habere videmus constructa, quæ ne quidam superflue hoc me fecisse asserant, præsertim cum magis pro honore Ecclesiæ nobis commissæ, et pro lucro animarum quam pro facinore humano, hoc me fecisse profiteor. Nec mirum si præfatum locum de rebus nostra sedis Ecclesiæ ditaverim, cum multos sanctos episcopos jam talia fecisse et legimus et cognovimus. Idcirco precor cunctos fideles sanctæ Dei Ecclesiæ ut non hoc me superflue fecisse putent, sed magis pro me peccatore orare non dedignentur; ut si quam pro hoc mercedem adipisci meruero, ejusdem fieri mereantur participes. Denique humiliter precor Dominum nostrum B Jesum Christum, beatum successorem meum mox futurum, et post eum in sede nobis commissa succedentes cunctos episcopos, atque quasi ad pedes eorum provolutus suppliciter flagito, omnesque principes ac nobiles et ignobiles, cunctosque Christianos obsecro, ut parvula a nobis facta ad divinam omnipotentis Dei laudem et incrementum prædicti monasterioli Sancti Salvatoris conservent, et in eorum eleemosyna sive ob prædicti Domini Salvatoris amorem, in cuius honore jam dictum monasteriolum ædificatum et dedicatum esse dignoscitur, augere inibi plura dignentur, et de eis quæ fecimus atque delegavimus inibi imminuere aut subtrahere non præsumant; quatenus et bona illorum facta in præsenti et in futuro, sicuti et nostra fecerint, Deo auspice, conserventur; quatenus si aliquam mercedem pro pio præfixo facto, Domino annuente, habere meruerimus, ipsius mercedis, auxiliante ipso Domino Salvatore nostro, pro cuius et amore hoc fecimus, effici mereamur consortes. Precor etiam cunctos sacerdotes ac Dei servos sive monachos omnes ut prædictas orationes in præfata die pro me peccatore pie et studiosissime adimplere procurent, qualiter absolutionem omnium peccatorum meorum eorum precibus adipisci valeam, et sanctorum consortio perpetualiter Domino largiente frui mereamur. Similiter precor obnixe abbates et monachos cunctos in præfato sancti Salvatoris monasterio degentes, prædicta stipendia canonicis et fratribus nostris, sive suburbanis sacerdotibus et clericis ministrare in jam dicta die non negligant; quatenus ipsis ministrantibus nobisque humiliter famulantibus et cæteris fratribus et Dei servis orantibus, per suffragia omnium sanctorum nos et illos Jesus Christus Dominus noster in æterna lœtitia una cum sanctis suis sovere dignetur. Amen. Porro ut hoc testamentum sive privilegium a me pia voluntate factum, per rationem supradictam, omni tempore maneat illibatum atque firmissimum, manu propria illud pro firmitatis studio roboravimus, sive sanctos patres nostros episcopos, atque fratres nostros sacerdotes et levitas, seu reliquos clericos cæterasque personas quorum nomina subter habentur, inserta firmare humiliter postulavimus.

Ego Aldricus Cenomaneæ urbis indignus peccator episcopus hoc testamentum a me factum subscripsi. Ursmarus indignus Turonicæ urbis archiepiscopus huic testamento annuens subscripsi. Dodo humilis Andecavensium antistes huic testamento decreto assensum præbens subscripsi. Warnarius indignus episcopus huic testamento annuens subscripsi. Ebroinus indignus episcopus huic testamento annuens subscripsi. Ego Autarius Magontiæ urbis archiepiscopus hoc testamentum, deprecante illo Aldrico predicto urbis episcopo, subscripsi. Guntardus indignus episcopus huic testamento annuens subscripsi. Ego Erchinradus episcopus hoc testamentum, deprecante Aldrico episcopo, subscripsi. Ego Hechardus episcopus hoc testamentum, deprecante Aldrico episcopo, subscripsi. Ego Theodoricus Cameracensis urbis episcopus hoc testamentum subscripsi. David chorepiscopus subscripsi. Austeus decanus subscripsi. Deduius archipresbyter subscripsi. Erauldus presbyter indignus subscripsi. Ricardus presbyter subscripsi. Godenus archipresbyter subscripsi. Geraldus presbyter subscripsi. Flodinus, licet indignus, presbyter subscripsi. Gantzinus presbyter subscripsi. Ascaricus presbyter subscripsi. Flodebertus presbyter subscripsi. Alexander presbyter subscripsi. Anshaldus presbyter subscripsi. Gerbaus presbyter subscripsi. Anisacar diaconus subscripsi. Rodricus diaconus subscripsi. Vinaldus diaconus subscripsi. Reginhardus modicus subscripsi. Leodaldus diaconus subscripsi. Data Calend. Aprilis in die sancto Paschæ anno incarnationis Dominicæ 837, Indictione vero xv, anno quoque XXIII imperii domini nostri Ludovici gloriosissimi imperatoris, et anno ordinatis nostræ quinto. Actum ergo Cenomanica in urbe publice in Dei nomine feliciter. Amen.

## XXXII.

*Sequitur exemplar præcepti Domini Ludovici imperatoris, super memoratum privilegii Sancti Salvatoris et monachorum quod eis jam dictus Aldricus episcopus pio affectu fecit.*

(Vide ubi supra, col. 1271.)

## XXXIII.

*Sequitur descriptio de eleemosyna prefati Aldrici, præfizæ Cenomanicae urbi episcopi, qualiter sibi credita singillatim disposita et discrete Christi famulis ejusque famulibus per hoc scriptum dare constituit.*

In nomine sancti Salvatoris et veneratione sanctæ Dei genitricis Mariæ sanctorumque martyrum Gervasii et Protasii atque sancti Stephani, quorum ecclesiæ, licet indigne, titulatus esse videor, Aldricus Cenomanicae urbis et prædictæ ecclesiæ indignus et peccator episcopus, omnibus in nostra diœcesi et parochia consistentibus, episcopis, sacerdotibus, diaconibus, subdiaconibus, et reliquis sanctæ Dei Ecclesiæ ministris, seu cunctis fidelibus notum esse cupio quia pertractans casum humanæ fragilitatis, una cum licentia domini Ludovici piissimi impera-

A toris, et consensu etiam metropolitani Ursmari Turonicæ urbis archiepiscopi seu cæterorum com provincialium episcoporum atque multarum aliarum provinciarum sanctorum episcoporum, considerare cœpi cum canoniciis et cæteris parochianis nostris, tam sacerdotibus quam aliis divino cultui famulantibus, atque nobilibus laicis tam nostris quam et aliis liberis et bonis hominibus, qualiter mea facultatica et inibi commissa post meum obitum utiliter et rationabiliter foret in utilitatem sanctæ matris ecclesiæ et meam eleemosynam dispensata, ne forte (quod absit) aliquis sibi ea rapere aut furari aut in suos usus converti faciat, sicut in multis jam factum cognovimus, sed omnia in utilitatem sanctæ Ecclesiæ et substantiationes nobis famulantibus, seu supplementa nostrorum clericorum tam monachorum quam et canonicorum, sive adminicula laicorum qui nostræ ecclesiæ et nobis famulari videntur, neene in alimonias pauperum, per consilium prædicti metropolitani et per manus fidelium sacerdotum sive diaconorum atque fidelium laicorum qui ad hoc peragendum a me denominati et constituti fuerint, fideliter et rationabiliter in supra nominatas utilitates et necessitates, sicut in subsequentibus dicemus, distribuantur, id est, quidquid tunc temporis in nostro ergastulo de pecuniis diversi generis et vestimentis inventum fuerit, tota decima pars distribuatur ecclesiæ quam fecimus super fluvium Sarthæ, in loco qui dudum Broilus Casalis nominabatur, quam et in honore Domini Salvatoris et sanctæ Dei genitricis Mariæ, sive sanctorum martyrum Gervasii et Protasii atque sancti Stephani indigni sacravimus, et monachis ibi Domino famulantibus fideliter et cum charitate tribuatur, nona vero pars ecclesiæ quam fecimus inter fluvium Sarthæ et murum civitatis, in qua et monachas collocavimus, et sub regula sancti Benedicti vivere decrevimus, quam et in honore prædicti Domini Salvatoris et sanctæ Mariæ ejusdem Dei et Domini genitricis sive sanctorum martyrum Gervasii et Protasii sed et sancti Stephani, quæ matri ecclesiæ subjecta esse videtur, indigni canonice sacravimus, et monachis, sanctimonialibus, sive cunctæ congregationi ibidem Domino famulant fideliter et cum charitate absque ulla dilatione aut prohibitione vel impedimento attribuatur. De reliquo vero, tantum quod in ergastulo inventum fuerit, juxta decreta canonum, quatuor portiones siant tam de auro quam et de argento, sive de cæteris metallis vel utensilibus et diversi generis vestimentis et supelletilibus omnibus: una quæ remaneat ecclesiæ nobis commissæ, alia vero in nostra eleemosyna detur fidelibus pauperibus, tertia autem clericis capellaniis et vassallis nostris, quarta presbyteris urbanis et monasterialibus sive suburbanis atque reliquis parochianis et diaconibus seu subdiaconibus necnon et reliquis ministris et clericis, ut melius fieri potuerit. Nam et hoc summopere videndum est, ut omnia cum charitate siant. Similiter et de vino solummodo quod tam in civitate quam et in ejus ruis tunc in-

ventum fuerit faciendum est, id est, omnis decima prædicti vini detur monachis viris, et nona funditus detur monachis feminis in prædictis locis degentibus; reliquum autem in quatuor partes dividatur et, ut præscriptum est, partiatur fideliterque et cum charitate per præfixas turnas, eeu de pecuniis in nostro inventis ergastulo dictum est, rationabiliter distribuatur. De vino quoque quod in civitate et ejus ruis tunc temporis fuerit inventum fiat ut dictum est. De reliquo autem vino cuncto, et de annonis omnibus diversi generis, et leguminibus sive senis per diversa loca et in omnibus villis nostris nobisque commissis reconditis, volumus atque præcipimus suppliciterque flagitamus ut decem partes fiant æqua lance divisas: una videlicet fideliter servetur matri ecclesiæ et beato successori nostro quem Dominus elegerit, et alia detur vassallis et capellanis sive servantibus qui Domino nobisque in nostra mansiuncula militare videntur, ut non ipsi quique, quod absit, in aliquo periclitentur inopia, sed habeant unde sustentari queant usquequo se cum sancto successore nostro mox futuro collocare, Domino adjuvante, utiliter valeant. Tertia tribuatur canonicis et famulis sanctæ matris ecclesiæ et nonnanis quæ in ea quotidie oblationes Domino offerunt, ut et pro me peccatore futuris temporibus Domino offerre eis delectet eorum oblationes. Quarta largiatur monachis qui sunt in monasterio sancti Carilephi et ingressive in Savonariis atque sanctimonialibus monachis quæ sunt Intramnis monasterio. Quinta detur monachis quæ sunt in monasterio sancti Salvatoris paulo minus milliaro ab urbe distante super fluvium Sarthæ, et illis monachis quæ sunt in sancto Vincentio juxta urbem, seu sanctimonialibus monachis quæ sunt in monasterio Sancti Salvatoris et Sanctæ Marie sive Sancti Gervasii inter fluvium Sarthæ et murum civitatis collocato. Sexta congregationibus quæ per cætera diversa monasteria, tam in Cenomanica parochia quam et in pago Andecavo, sive Turonico atque Oxomense, et per cæteros pagos Domino militantibus fideliter, in quantum posse et esse facultas tribuerit, cum omni discretione rationabiliter tribuatur. Septima presbyteris et diaconibus ac reliquis clericis nostra in parochia Domino per diversitas ecclesias militantibus discrete et rationabiliter tribuetur, ut eis semper pro miserrimo peccatore delectet orare et sacrificia Domino assidua offerre, et flexis poplitibus precor ut eis assidue agere suadeatur. Octava, ut diximus, tam de vino quam et de annona diversi generis et legumina sive feno, rationabiliter et discrete detur funditus familiis in nostris villis nobisque commissis communantibus, quæ ea suis sudoribus laboraverunt, ut et eis pro me peccatore orare delectet; et hoc eis agere precor sæpiissime suadeatur. Nona et decima pars omnis annuae, vini et seni et leguminis pauperibus, viduis, et orphanis fideliter cum omni discretione et charitate funditus tribuatur. Omnes enim precor ut pro me orare dignemini, ut remissionem

A cunctorum valeam percipere peccatorum, et vitam habere, annuente Domino, merear sempiternam. Fiat, fiat. Greges autem jumentorum una cum eorum amissariis, et vaccarum ac boum seu porcorum, et ovium sive caprarum, qui sunt in Breim in condita Noviacense, et in Proliaco infra villam quintam, seu in Novavilla super fluvium Sarthæ, sive in Cavania, et in Cepeto supra Sartham, et in Bruonis villare in Belsa, et in altero Proliaco super fluviolum Viduam, ecclesie nobis commissæ et nostro successori cum omni integritate possidendo et utiliter lucrando et gubernando relinquimus. Ego autem in toto episcopio non inveni viginti jumenta. Modo Deo gratias septem ei relinquimus greges una cum eorum amissariis; neque in toto episcopio nobis commisso ex omnibus pecoribus vel pecudibus tantum inveni quantum modo, Domino auxiliante, in una ex supradictis viñulis relinquimus ex his quæ meo pretio comparavi et meo labore acquisivi. Ideo supplex flagito ne alicui durum aut contrarium sit si ea quæ meo sudore acquisivi, et meo pretio comparavi, meis benefactoribus tribuo et mihi servantibus dono, atque Domino offerendo in mea eleemosyna fideliter distribui præcipio, et pro redemptione multorum et innumerabilium peccatorum meorum dari Dei servis et pauperibus humiliter supplico. Illi ergo greges jumentorum una cum eorum amissariis et vaccarum ac boum seu porcorum et ovium atque caprarum qui sunt in Alamanicas, et illi greges jumentorum una cum eorum amissariis et boum utriusque sexus, et porcorum sive ovium atque caprarum qui sunt in Drimiaco juxta Mantulam, et in Paciaco, in villa videlicet parte quam David modo providet, fratribus et canonicis nostris cum omni integritate absque ulla dilatatione sive diminutione fideliter et cum omni charitate dentur. Illi namque greges jumentorum una cum eorum amissariis et boum utriusque generis, seu porcorum et ovium atque caprarum, qui sunt infra monasterium sancti Carilephi, et in villa Floriaco, et in Conflentio, et in villa Mauri et in Comnis, et in villare Martis, et Rusciaco, et in campo Sigalaici, et in illa cella sive in Cantarnaco, atque in diversis mansionibus circa monasterium constructis, omnes integerrime monachis qui in monasterio sancti Carilephi et in cella D quæ Savonarias vocatae Domino militanti absque ulla minoratione aut tarditate detur. Ternos autem greges jumentorum una cum eorum amissariis ac boum et vaccarum sive caprarum et ovium qui sunt in Haliau, et quatuor porcarias quæ in eadem villa, tam in mansilionibus quam et in aliis locis esse videntur, et illos greges qui sunt in Curte Quadrici, in Saxonense, omnes tam jumentorum quam et boum et vaccarum seu porcorum et ovium atque caprarum illis monachis qui Domino in ecclesia sancti Salvatoris supra fluvium Sarthæ, ubi ille abbas præesse videtur, cum omni integritate et cum charitate absque ullo scrupulo aut contradictione sive dilatatione fideliter tribuantur. Illi quoque greges ju-

mentorum una cum eorum amissariis et boum utriusque generis seu porcorum et ovium atque caprarum qui sunt in villa Colonica juxta urbem in illa curte quae dicitur Villa, quam Gundoldus modo providet, et in Carrariis super fluvium Sarthæ, et in Canon, dentur monachis integerrime qui Bonifino in monasterio Sancti Vincentii militant. Illi ergo greges jumentorum una cum amissariis et boum utriusque generis seu porcorum et ovium qui sunt in Gres et in Fraxinido, in Belsa, et in Semmuro, monachis in Gres Domino in ecclesia Sanctæ Mariae et Sancti Almiri militantibus funditus absque ulla tarditate aut minoratione tribuantur. Illi quoque greges una cum eorum amissariis jumentorum et vaccarum ac boum sive ovium et porcorum atque caprarum omnes qui sunt in Aviniaco, seu in Casiliaco, et in illa parte Paciaci quam Gundoldus providet, nostris sororibus sanctimonialibus monachis quas inter murum civitatis et fluvium Sarthæ in ecclesia Domini Salvatoris et sanctæ ejusdem Dei genitricis Mariæ semperque virginis sive sanctorum martyrum Ger-vassii et Protasii atque sancti Stephani sub monastico ordine et sub regola sancti Benedicti vivere collocavimus, cum summa charitate et omnium integritate absque ulla dilatione fideliter attribuantur. Illi quoque greges jumentorum una cum eorum amissariis et boum utriusque sexus et ovium sive porcorum atque caprarum qui sunt in Rupiaco, integerrime fratri meo Isaac filioque ejus Rotgario absque ulla diminutione aut dilatione tribuantur. Illi autem greges jumentorum una cum eorum amissariis et boum utriusque generis seu porcorum et ovium atque caprarum qui sunt in Contrella, et in Varennis, in Vindosnense, et in Breuviaco, in Oxomense, et in Artiis super Liz, et in Lanciati ultra Ligerim, sive in Vodebris, vassallis qui nobis in nostra mansiuncula serviant et clericis qui Domino in nostra capella famulantur cum omni integritate disposite et rationabiliter largiantur. Reliquos namque greges jumentorum et boum utriusque generis et ovium seu porcorum atque caprarum, omnes qui sunt in culturis et in silva Uvastina in diversis mansionibus et locis, tam super fluvium Liz quam et in silva Uvastina, et in Tricione in diversis mansionibus et in locis diversis, et in Tauriaco, et in Bajocassino, et in Vetusvico, sive in Celsiaco, 20 in Nasas, seu in Cadarus, et in Colonica ultra Medanam, et in Culcamia ultra fluvium Ligeris, et in Callemarcio, sive in monte Sodeuris, in omnibus mansionibus in eo constructis, et in rivo petroso, et in villa nova in Belsa, et in villa Macunen, et in Bioca super fluvium Bricia, et in Villena in Parisiaco, in nostra eleemosyna, presbyteris et Dei servis sive pauperibus fideliter et rationabiliter cum omni timore et reverentia distribui disposite imploramus atque rogamus, et omnia fieri cum charitate optainus. De equis namque nostris et secundariis sive mulis et asinis ac poledris, quibus adhuc fruimur, et sine quibus regale et commune servi-

lum explore nequimus, de illis que ante dati minime fuerint, præcipimus duos, quales meliores inventi fuerint, prædicto domino metropolitano nostro bene paratos et ornatos dari; et alios duos, quales post hos meliores inventi fuerint, Didani Andecavensis urbis Episcopo bens ornatos tribui jubemus. Ipsos enim sanctos episcopos, si mihi superstiles Domino miserante fuerint, ad obitum meum venire deprecor, et animam meam per eorum sanctas orationes Domino devotissime commendari suppliciter flagito, et ad corpusculum meum eorum precibus Domino una cum anima commendari et eum orationibus eorum sepeliri humiliter postulo; et in omnibus summopere illos, et quasi ad pedes eorum provolutus, deprecor ut de me et pro me sic faciant sicut volunt ut de illis tam in vita quam et post obitum fiat. Insuper quatuor equos bonos mea sepulturae loco et fratribus inibi Domino famulantibus dari jubeo. De ceteris ergo equis volo ut causa benedictionis singulos accipient singuli qui præscripti et præordinati ad nostram eleemosynam faciendam fuerint, ut melius illis delectet pro me orare et commissum sibi negotium peragere. De reliquis quippe equis et poledris et mulis atque asinis tres jubemus fieri portiones: una pars remaneat ecclesie nobis commissæ et sancto successori nostro; alia vero largiatur disposite et rationabiliter clericis et vassallis et servientibus et ministerialibus nebis famulantibus. Tertia autem pars distribuatur fideliter et rationabiliter in nostram eleemosynam prout melius scierint et potuerint quibus hoc commissum fuerit. Taliter quoque illis hoc præcipio et deprecor agere et tam fideliter et rationabiliter dispensare qualiter inde rationem non metuant reddere in conspectu Domini nostri Jesu Christi, et ex hoc non recipiant, quod absit, damnationem æternam, sed præmium sempiternum. Illa vero omnia quae in praefato tempore, ut dictum est, in prædictis locis et agris tam internis quam externis inventa fuerint, Domino Deo, devota mente et sano corpore, pro ingenti et nimio pondere peccaminum meorum supplex et devotus offero, et per hanc chartulam, quam sana mente dictavi et supradicto prætextu scribere jussi, atque propria manu subter firmavi, ad supradicta et scripta, sicut hæc paginula testamenti commemorat, explenda et fideliter peragenda Domino Deo sponte et devote trado: ut si quis aliter, quod absit, ex præfatis rebus, in quantum melius prævaluerit ac poterit, agere præsumperit, ipso Domino Deo meo et Salvatori nostro Jesu Christo reddat inde rationes, cui hæc præscripta peragenda et explenda devote oblata et tradita sunt, et ante tribunal ipsius judicis æterni ex hoc tremebundam deducat rationem. Contestor enim sanctum successorem meum mox futurum, quicunque fuerit, et quasi ad vestigia pedum ejus provolutus humiliter deprecor ut sic de me et pro me miserrimo peccatore faciat sicut vult ut sui sucessores post obitum ejus de eo faciant, et sic mea facta integra conservet sicut

sua vult post se servari. Hanc ergo paginulam testamenti suppliciter flagito ut per omnia conservet; et si quis aliter ex his quæ hic inserta sunt facere voluerit, supplico ut eum corrigat, et eis quos ad hoc peragendum de nomine vero, sive quibus hoc negotium commissum fuerit, auxilium per omnia præstet, ut hæc absque ullo impedimento perficere queant. Si autem, quod absit, aliter fecerit, ante tribunal Domini nostri Jesu Christi tremebundam ex hoc reddat rationem. Obnixe quoque deprecor sanctum successorem meum, quemcunque Dominus fore voluerit, et omnes sacerdotes tam monachos quam et canonicos, sive cunctos clericos et laicos in nostra diœcesi et parochia commanentes et conversantes, ut in anniversaria obitus mei per singulos annos diligenter tractent et fideliter in eis pro me orare studeant et vigilias et missas devote decantent, ut, Domino annuente, remissionem omnium peccatorum meorum et indulgentiam misericorditer percipere merear, et vitam insuper habere sempiternam valeam. Amen. Precor etiam dominum successorem meum per Dominum omnipotentem, cunctosque fratres et consacerdotes nostros contestor, quatenus ei fideliter suadeant ut si facultas permisserit, et illi placuerit, per singulos annos in die obitus anniversarii mei de suo faciat prædictis sacerdotibus tam monachis quam et canonicis et reliquis clericis atque pauperibus plenam atque bonam refectionem. Et si illi hoc durum, quod absit, aut difficile fuerit, tunc de villa Buxarias, quam fratribus et canonicis nostris per testamentum firmiter corroboratum, et per præceptum domini Ludovici piissimi imperatoris confirmatum sponte et devotissime tradidi, atque perpetualiter possidendum et perfruendum reliqui, illa refectio quæ modo et sicut modo præparatur et agitur in die natalis et ordinationis meæ, precor ut convertatur funditus in die obitus et anniversarii mei, et sicut in prædicto testamento continetur per omnia ita agatur, et sicut in eo scriptum est devotissime et fidelissime perficiatur, ut refectionem et consolationem habeant in illa die tam sacerdotes et clerici quam et pauperes et indigentes qui pro me miserrimo peccatore oraverint, ut omnes devota mente inibi requiem æternam habere exorent suppliciter. Insuper supplico prædictum successorem meum ut præfatum testamentum meum quod de præfixa villa Buxarias feci, fratribus et canonicis nostris per omnia conservet, et sicut in eo continetur insertum de quinque refectionibus eorum et aliorum sacerdotum ac clericorum atque pauperum diligenter adimplere faciat, ut omnes per singulas festivitates exorent et dicant: *Aldrico, Domine, pontifici nostro da requiem æternam et vitam sempiternam. Amen.* De jam dictis ergo rebus nemo aliquid meum putet esse nisi ad ameliorandum et canonice dispensandum, quoniam Domino omnia quæ in hac chartula memorata et conscripta sunt per hoc testamentum præsens taliter tradidi, et ad prædicta explenda et peragenda firmiter dele-

**A** gavi, et sicut in hac paginula distinctum et insertum est summopere deprecando fieri jussi et postulavi; et si quis aliter, in quantum facultas fuerit, aut deuterius de præscriptis rebus Dominoque oblatis ad præfixa peragenda egerit, ante tribunal Domini nostri Jesu Christi de sua præsumptione tremebundam deducat rationem. Obnixe quoque omnes precor, ut taliter ex omnibus in hac chartula conscriptis agant qualiter in conspectu Domini, quod absit, et vitam æternam, Domino tribuente, una cum sanctis et electis Dei habere mereantur. Amen.

## XXXIV.

*Sequitur exemplar præcepti aomni Ludovici piissimi Augusti super præscriptam descriptionem de eleemosyna Aldrici episcopi causa firmitatis et inconvulsionis facti.*

(Vide ubi supra, col. 1273)

## XXXV.

*Exemplar immunitatis Sanctæ Mariæ et Sancti Gerasii et Aldrici episcopi de monasterio Sanctæ Mariæ.*

(Vide ubi supra, col. 1273.)

## XXXVI.

*Item exemplar præcepti domini Ludovici piissimi imperatoris de monasterio Anisolæ Aldrico episcopo et ecclesiæ sibi commissæ imperialiter actum, quando prædictus dominus Ludovicus imperator illud canonice atque legaliter redidit ecclesiæ Sanctæ Mariæ et Sancti Gerasii, memorato Aldrico ejusdem matris ecclesiæ episcopo.*

(Vide ubi supra, col. 1275.)

## XXXVII.

*Exemplar præcepti domini Ludovici piissimi imperatoris de moneta Aldrico Cenomanicæ urbis episcopo ejusque successoribus concessa.*

(Vide ubi supra, col. 1276.)

## XXXVIII.

*Item exemplar præcepti immunitatis domini Ludovici imperatoris de Sancti Carilephi monasterio de Aldrico episcopo impetratum.*

(Vide ubi supra, col. 1278.)

## XXXIX.

*Item exemplar præcepti domini Ludovici piissimi imperatoris de villa Lugduno, quod fecit prædictus imperator Cenomanicæ matris ecclesiæ et Aldrico ejusdem ecclesiæ episcopo.*

(Vide ubi supra, col. 1279.)

## XL.

*De dedicatione senioris altaris Anisolæ monasterii.*

Anno incarnationis Domini nostri Jesu Christi 838, indictione vero prima, anno siquidem xxv imperii domni Ludovici piissimi imperatoris, anno sexto ordinationis Aldrici Cenomanicæ urbis episcopi, quinto quoque Iduum Maiarum die, solemniter senius de datum est altare senioris ecclesiæ monasterii Anisolæ a præfixo episcopo Aldrico in honore Domini Salvatoris et sanctæ ejusdem Dei genitricis Mariæ sanctique Martini confessoris præcipui. In præfixo ergo Iduum die cum psallentio susceptus est jam dictus Aldricus episcopus, primo postquam ei redditum fuit memoratum Anisolæ monasterium a do-

anno Ludovico imperatore, a monachis et reliquis nobilibus hominibus in ipso monasterio; cui Dominus precibus prædictorum et omnium sanctorum æternam tribuat vitam. Amen.

Præsul, ave, noster, cuncti te, Aldrice, rogamus,  
Nunc altus dominus, nunc humilisque pater.

En tua fama sacri vulgus præconia facti,  
Gallorum celsas venit ad usque domos.  
Qui es pia spes patriæ, solamen et optima virtus,  
Ast murus fortis et clypeus validus.

XL bis.

*De hospitalium constitutione et receptione, et de sex sanctorum corporibus in sinu matris ecclesiæ de latis et collocatis, quorum nomina hic habentur inserta; et de duodecim signis in cloacariis matris ecclesiæ collocatis, per singulas horas reboandis, et de consecratione episcoporum et sacerdotum ac reliquorum graduum sive sanctimonialium, atque de commemoratione dedicationum ecclesiarum.*

Memoratus igitur Aldricus episcopus in præfata Cenomanica urbe duo hospitalia facere studuit. Unum idque juxta præfatam Cenomanicam urbem super fluvium Sarthæ a radice pontis Sanctæ Mariæ propter abundantiam aquarum et pascuorum construere certavit, ad receptionem videlicet episcoporum et comitum atque abbatum sive cunctorum adventantium, in quo et ecclesiam construxit, quam et in honore sancti Stephani solemniter dedicavit, et alia ædificia ad prædictum opus faciendum rationabiliter et mirifice ordinabiliterque construxit et disposuit. Alterum ergo hospitale juxta matrem et senioris civitatis scilicet ecclesiam infra urbem construxit, in quo pauperes et debiles, cæci ac claudi, sive aliarum debilitatum subnixi et indigentes multi recipierentur, quibus alimenta et lectorum stramenta sufficienter et discrete ministrarentur. Præfixa quoque hospitia jam dictus Aldricus venerabilis episcopus de rebus suæ sedis ecclesiæ nobiliter dotavit, et villulas seu decimas, sicut in testamentis de iis factis continetur insertum, una cum consensu episcoporum multorum et suorum consacerdotum ad memorata hospitalia et ad usus hospitum ac peregrinorum atque pauperum sive reliquorum adventantium canonice rationabiliterque contradidit, et per testamenta ab episcopis et sacerdotibus sive reliquis nobilibus et liberis hominibus roborata confirmavit. Præscriptus quippe Aldricus jam dictæ urbis episcopus venerabilis invenit quædam corpora sanctorum sex, quæ in desertis ecclesiis valde divinis officiis et luminaribus atque reliquis divinis cultibus negligebantur, quæ una cum consilio consacerdotum suorum in gremio suæ sedis ecclesiæ et in confessione senioris ejusdem ecclesiæ altaris decenter et rationabiliter collocavit: id est corpus sancti Juliani præfatæ urbis episcopi et prædictoris primi, et sancti Thuribii prædicti episcopi Juliani successoris, sanctique Pavacii jam dictæ urbis etiam episcopi et prædictoris optimi, seu sancti Romani sacerdotis præcipui et, ut fertur, nepotis sancti Juliani et sanctæ Romanæ Ecclesiæ ministri, quem

A etiam sanctæ Juliae fratrem nonnulli esse testantur, atque sanctæ Tevestinæ præcipue virginis, quæ et monasteriolum sanctæ Mariæ in rebus senioris ecclesiæ una cum adjutorio sancti Innocentis præfixæ urbis episcopi construxit; sed et sanctæ Adæ, quæ et Adrehildis alio nomine nominatur, quæ, ut legitur, deprecante prædicto sancto Innocente, de monasterio sancte Mariæ quod situm est in urbe Sues-sionis ad Cenomanicam urbem venit, et ibi in suburbio Cenomanico in præfato monasterio sanctæ Mariæ regulam sancti Benedicti docuit, et eam inibi decenter ordinavit; et partem corporis sancti Liborii supradictæ urbis episcopi et confessoris optimi, et maximam partem corporis sancti Haduindi. Antedicta quoque corpora sanctorum in ecclesia B quam præfatus Aldricus præfixæ urbis episcopus in honore Domini Salvatoris et sanctæ ejusdem Dei genitricis Mariæ atque sanctorum martyrum Gervasii et Protasii sive sancti Stephani simulque et in veneratione omnium sanctorum solemniter consecravit, et in memorata ejusdem ecclesiæ senioris altaris confessione prædicta corpora, ut præfixum est, solemniter decenterque et ordinabiliter collœavit, ea videlicet ratione ut inibi officia et luminaria et cætera ad divinum cultum et ad honorem sanctorum pertinentia pleniter haberentur, et postmodum ubi cunctæ necessitas construendorum poposcerit monasteriorum, singillatim præfixa corpora in unoquoque monasterio collocaret; quatenus ex eorum memoriis et apertis intercessionibus magis cultus cresceret divinus, et laus Dei in melius et multis modis multiplicaretur, sicut in posteris actum esse, Domino annuente, probatur. Ipse ergo Aldricus in præfata seniore et matre ecclesia civitatis duodecim signa ex metallo optimo fundere et firmare studuit, quæ et in jam dicta seniore ecclesia decenter in cloacariis collocavit, et ad singulos cursus mirabiliter et ordinabiliter reboare et sonare disposuit, quatenus et per ea populum ad ecclesiam decenter et solemniter convocaret, et ex eis plura et multimoda laus Domini exornaretur et cresceret, ut et in cymbalis bene sonantibus cuncti assidue Dominum laudarent, et quandocunque dulcis eorum sonus in auribus populorum reboaret, de eorum sceleribus omnes recordarentur, et pro eis Domini misericordiam D singulis horis invocarent, quatenus remissionem et absolutionem eorum percipere mererentur, et mundi atque puri ab omnibus sordibus peccatorum fierent, atque ad sempiternam pervenire gloriam mererentur. Præfatus igitur Aldricus episcopus tantæ fuit dignitatis et honoris amorisque ut usque ad Romanam sedem ejus rumor pervenerit, eique dominus Gregorius Romanæ sedis ecclesiæ venerabilis apostolicus Roma in pago Cenomanico suum vestimenta sacerdotale miserit, illud scilicet vestimentum quo in Pascha indutus fuerat. Misit etiam ei baculum pastorale, quod ferula nuncupatur, una cum sua epistola, vocans eum ut, si possibile foret, usque ad eum perveniret, eique concessit ut qualenquinque

petitionem et benedictionem a sede sancti Petri accepere vellet, aut per seipsum aut per suum missum ei voluntarie et libenti animo mitteret atque concederet. Fuit enim memoratus episcopus consiliarius imperatoris et unus ex prioribus, quem tam dominus imperator quam et sui optimates et regni proceres obtemperabant et oppido credebant atque in omnibus obedientes ei se esse et benevoli dicebant. Sed inde valde tristabatur quod s̄epissime eum in palatio retinebant, et propterea suum ministerium ei ut desiderabat et volebat perficere non licet, quoniam erat persæpe prope unum annum quod de palatio non absolvebatur, sed ibi, licet invitus, morabatur; et ideo multa remanserunt tam in sua civitate quam et in suis monasteriis sive in sua parochia imperfecta, sed et quædam nec inchoata quæ ad divinum cultum explendum et ad laudem omnipotentis Dei magnificandam atque ad utilitatem sanctæ Dei Ecclesiæ perficiendam facere prudenter disponebat et perfici desiderabat. Prædictus quoque Aldricus episcopus fecit ordinationes per diversa et canonica tempora sexaginta. Episcopos ergo sacravit septem, sacerdotes vero octingentos, Levitas nongentos. Subdiaconos quoque et reliquos ordines prout necessitas poscebat; quorum nomina propter prolixitatem et tedium scriptoris atque lectoris hic non inseruimus, sed in alia scedula, in qua nomina eorum et testes et titulos et tempora et reliqua quæ ad hoc pertinent plenius inseruimus; ut si quis hæc plenius nosse voluerit, in ea reperire valeat, vel si aliqua altercatio de eorum ordinatione futuris temporibus orta fuerit, in ipsa scedula appareat pleniter declaratum qualiter aut qua ratione sive ad quos titulos ordinati esse noscuntur. Ipsam enim scedulam apud seniorem custodem matris et civitatis ecclesiæ reperire poterit si quis voluerit. Sacravit etiam prædictus pontifex virgines inter monachas et canonicas per diversa et canonica tempora centum et viginti. In monasterio videlicet Intramensi monachas virgines canonice sacravit quadraginta quinque. Et in monasterio Sanctæ Mariæ juxta urbem super fluvium Sarthæ, quod ipse a novo fundavit et ornavit, monachas virgines consecravit triginta octo, et reliquas canonicas virgines per diversa loca Domino militantes septendecim.

## XL.

*De translatione corporis sancti Pavacii et dextræ brachii sancti Liborii.*

Anno incarnationis Domini nostri Jesu Christi 840, inductione III, anno vero imperii Ludovici piissimi Augusti XXVII, et anno VIII Aldrici hujus parochiæ episcopi atque hujus cenobii fundatoris, VII videlicet Iduum Julianum die, solemniter translatum est a præscripto episcopo et ab aliis episcopis et sacerdotibus et reliquis sacris ordinibus corpus sancti Pavacii et brachium dextrum sancti Liborii in hanc Sancti Salvatoris ecclesiam, hucque in nobilissima

\* Vide præceptum Ludovici Pii pro ecclesia Cenomanensi, *Patrologia*, tomo CIV, col. 1296.

A urna decenter a præfixis episcopis et sacerdotibus subsequens signis humatum; quorum precibus ab omnibus petimus liberari malis et cunctis frui æternaliter bonis, ipso auxiliante, cui est honor et gloria in sæcula sæculorum. Amen.

## XLII.

*Constitutio Aldrici urbis Cenomanicae episcopi de luminaribus et incensibus ecclesie senioris civitatis.*

Constitutum est ab Aldrico Cenomanicae civitatis episcopo ut ardeant per quotidianas noctes in seniori ecclesia de oleo a vespere per totam noctem usque mane tria, et de cera, quando tempus dictaverit, una, et ad nocturnas sive matutinas ardeant luminaria per quotidianas noctes de oleo decem et de cera quinque, tria ante seniū altare, et quartum ante altare sanctæ Trinitatis vel crucifixum, et quintum ante altare sancti Joannis. Illa vero luminaria quæ de oleo sunt ardeant per altaria et loca destinata, unum inter seniū altare et sedem episcopalem, et aliud ante gradus senioris altaris, et tertium in medio choro, et quartum in exitu chori, et quintum ante altare sancti Georgii et sancti Fellicis atque saucti Symphoriani et aliorum sanctorum quorum nomina super eo ascripta adesse videntur, et sextum ante altare sancte Agathæ et sancte Felicitatis et sancte Sabinæ et aliarum sanctorum virginum quarum nomina super illud scripta adesse videntur, septimum ante altare sanctæ Trinitatis, et octavum ante aram sancti Joannis Baptiste, et nonum ante altare omnium sanctorum, et decimum ante aram sancti Christophori et sancti Hyppoliti atque sancti Saturnini et reliquorum sanctorum quorum nomina super illud scripta esse videntur, et undecimum ante altare sancti Victorii et sancti Brixii atque sancti Arvei et reliquorum sanctorum in quorum honore sacratum esse cognoscitur. In Dominicis vero omnibus noctibus et in festivitatibus XX sanctorum constitutum est ut amplius incendantur et ardeant luminaria XXX de oleo, et quinque de cera, et in festivitate sancti Joannis apostoli et evangelistæ, et in festivitate sanctorum Innocentium, et in octavis Domini, sive in octavis Epiphaniae, et in festivitate sanctæ Agnetis, seu in festivitate sanctæ Agathæ, et in festivitate apostolorum D Philippi et Jacobi, et in inventione sancte crucis, et in festivitate sancti Petri, similiar et in festivitate sancti Pauli, seu in festivitate sancti Laurentii, et in decollatione sancti Joannis Baptiste, sive in festivitate sancti Michaelis archangeli, atque in festivitate sancti Bartholomæi apostoli, et in festivitate sancti Matthæi apostoli et evangelistæ, sive in festivitate apostolorum Simonis et Jude, nec non et in festivitate omnium sanctorum Kalendas Novembrias, atque in festivitate sancti Martini, et in festivitate sanctæ Ceciliae virginis et martyris, atque in festivitate sancti Andreae apostoli. In his quoque festivitatibus amplius agatur, id est, in Epiphania et in

Purificatione sancte Mariae et in Ascensione Domini; et in Pentecosten. et in dedicatione occidentalium partis ecclesiae senioris et altaris sancti Joannis Baptizate, quae est xi Kal. Iuli, et in nativitate sancti Joannis Baptiste, et in Assumptione sancte Mariae, et in nativitate sancte Mariae, seu in natale episcopi, que agitur in die festivitatis sancti Thomae apostoli, atque in dedicatione matris et senioris ecclesiae suæ senioris altaris. In his namque festivitatibus constitutum est ut ardeant luminaria triplicata, id est, de oleo nonaginta, et cera decem, hoc scilicet centum vel eo amplius, prout opportunitas et locus fuerit. Tamea nullo modo concessum est ut minus, sed amplius. In nativitate autem Domini tam festiva constitutum est fieri sicut illos dies decet; et in festivitate sanctorum Gervasii et Protasii sive sancti Stephani prout melius potuerit fiat. Est etiam constitutum a predicto episcopo ut incensum boni odoris offeratur per singula altaria et deferatur fratribus in ecclesiam convenientibus et populis ad ecclesiam venientibus ad matutinas et ad missam sive ad vesperas atque completorium. Hæc autem per singulos quotidanos dies devotissime, in Dominicis vero diebus et in festivitatibus amplius et solemnius agatur.

#### XLIH.

Placuit etiam in hac scedula, que de quibusdam actibus pontificum Cenomanica in urbe degentium usque ad Aldricum ejusdem urbis episcopum conscripta esse dignoscitur, inserere relationem sive memoriale qualiter predictus Aldricus antedictæ urbis episcopus monasterium Anisolæ, in quo sanctus Carilephus confessor præcipuis corpore requiescit, ante dominum Ludovicum imperatorem legibus conquisivit; ut si deinceps aliqua altercatio de eo orta fuerit, præfati memorialis exemplar in hac scedula conscriptum bonis hominibus ad religendum apparet. Quod si aliquis ex hoc aliquam pulsationem predictæ matri et civitatis ecclesiae deinceps suisque successoribus ullo unquam tempore facere tentaverit, in hac scedula reperiatur qualiter evindicatum fuerit, et quid repetierit evindicare non valeat, sed subter inserta evindicatio firma et stabilis omni tempore permaneat.

*Incipit relatio vel evindicatio sive memoriale qualiter monasterium Anisole ad jus Cenomanicæ matris ecclesiae ante dominum Ludovicum imperatorem ab Aldrico episcopo canonice et legibus evindicatum fuit.*

In nomine Domini nostri Jesu Christi. Temporibus Ludovici piissimi Augusti subter inserta causatio vel evindicatio fuit de monasterio Anisolæ inter Aldricum episcopum et Sigismundum abbatem, qui illud tunc tenebat. Nam præfatus Aldricus dicebat et scriptis et testibus approbabat quod de jure sua sedis ecclesiae præfatum monasterium cum omnibus ad se pertinentibus esse debebat, et sui antecessores illud ex rebus Cenomanicæ matris ecclesiae magnâ ex parte fundârunt, et ad ipsam matrem ecclesiam

subjectum esse debebat, et hoc legibus affirmabat. Econtra Sigismundus dicebat quod proprium domini imperatoris esse debebat, et non de predicta ecclesia: sed nullam veram auctoritatem exinde ostendebat, nisi tantum unam epistolam quam Pippinus propter odium Gauzioleni episcopi cuidam suo monacho fecerat, ut illi subjectum esset et non Gauzioleno; et hoc propter odium Gauzioleni factum esse perscrutatum est. Quia quando fuit Pippinus Cenomanica in patria, et de quadam persecutione inimicorum suorum reversus per Cenomanicam patriam transibat, tunc eum præfatus Gauziolenus et suus frater Hari- vius non receperunt, sed infra Cenomanicam urbem cum omnibus quos secum conducere potuerunt se recluserunt, et dominum Pippinum regem illuc introire non permiserunt, sed damnum ei de suis hominibus facere nitebantur, et suum piacernam coram eo stantem, dum sua castra in vinea sancti Petri juxta urbem Cenomanicam posita erant, interfec- runt, et alios homines vulneraverunt. Videns autem dominus Pippinus quod ibi proficeret non potuit, va- stans totam illam regionem, pergere coepit ad Franciam. Tunc ia ipso itinere venit ad ipsum prædictum monasterium Anisolam, et præcepit illis monachis ut nullam obedientiam facerent jam dicto Gauzioleno, eo quod ei rebellis esset, sed sub suo mundeburdo vel sub sua tantummodo tutione vel dominatione permanerent. Et tunc eis ac Siebaldo eorum abba talam epistolam dedit, quod propter odium, ut dictum est, Gauzioleni, et non propter ullam aliam rem aut in justitiam factum esse liquet. Tunc enim ipse Sie- baldus non fuit ausus ibi remanere, sed una cum Pippino usque in Franciam perrexit. Postea vero cognoscens Pippinus quod injuste fecisset et propter odium Gauzioleni hoc egisset, præcepit filio suo Carolo et jurejurando contestatus est ut præfatum monasterium redderet Cenomanicæ matris ecclesiae, cuius juste esse debebat, ne aliquod detrimentum sua anima ex hoc haberet. Et sic fecit postea dominus Carolus, et Franconi episcopo illud reddidit, atque per præceptum suum predictæ matri ecclesiae confirmavit. Multi autem hactenus vivunt qui domino Carolo hoc dicere audierunt, qualiter suus pater dominus Pippinus ei hoc contestando facere præcepit. Et quando jam dictum monasterium Branconi reddidit, multi vivebant qui hoc dominum Pippinum Carolo præcipere et contestari audierunt. Istam vero rationem pleniter predictus Aldricus episcopus per- scrutatam apud veridicos homines habebat, et hoc testibus veris et bonis coram omnibus affirmabat. Taliter enim Aldricus et Sigismundus altercantes, pervenit ipsa ratio usque ad dominum imperatorem; qui hoc firmiter inquirebat præcepit, et veraciter sibi renuntiare jussit. Sed antequam ipsa causatio ante dominum imperatorem veniret, volebant eorum amici et boni homines eos inde pacare et concordare. Sed Aldricus episcopus obtemperabat eorum justis petitionibus, et Sigismundus non faciebat; sed quidquid et justa et rationabiliter sui amici agere

suadebant, prædictus Sigismundus spernebat. Offerebat enim ei memoratus Aldricus episcopus ut aliquem censem ei ex hoc solveret, sicut sui antecessores prædicti episcopi antecessoribus faciebant, et per suum beneficium illud tenere, et nunquam ei diebus vita sua de illo aliquod impedimentum facere volebat, sed quiete et pacifice una cum suis monachis eum inibi esse permittebat. Offerebat etiam et aliam causam prædicto Sigismundo, suadentibus prædictis amicis et bonis hominibus, jam dictus Aldricus episcopus, ut si hanc non vellet, saltem aliam ficeret. Permittebat autem ei duas aut tres villas, quales sibi eligeret, per suum beneficium habere, et ex his nullum servitium aut aliqua dona requireret, sed quidquid ex his vellet ficeret. His omnibus a Sigismundo spretis, cœpit scepeditus episcopus suam justitiam juste et rationabiliter querere, quia plenam et justam rationem sibi in hoc habere videbatur. Præcepit enim hanc justitiam inquirere dominus imperator Ebroino Pictaviensis urbis episcopo, et Erchinrado Parisiacæ civitatis episcopo, et Rorigoni comiti, et Altmaro seneschalcho domnæ Judith imperatricis, et misso palatino una cum aliis vassis dominicis. Sed dum haec res ad effectum tunc minime pervenit propter alias necessitates, et hoc domno imperatori renuntiatum esset, præcepit ut ante se in suo palatio ipsa alteratio finiretur. Tunc ergo jussit dominus imperator ut haberent ambo eorum auctoritates et testimonia Aquisgrani palatio ad suum placitum quod ibi tempore quadragesimali cum episcopis et abbatibus et comitibus et cæteris fidelibus suis habebat, ut ibi pleniter præfixa alteratio finem perciperet. Sed Sigismundus jam vocatus ad ipsum placitum minime pervenit. Quia de re iterum dominus imperator per suam epistolam eum vocavit ut post Pascha veniret. Qui et hoc renuens, jam tertio vocatus minime venit, neque missum aliquem misit cur hoc dimitteret. Tunc cernens dominus imperator suam inobedientiam et contumaciam, expectavit tamen adhuc post tertium conductum placitum quindecim dies ut veniret; sed cernens eum jam venire non velle, neque suam rationem juste diffinire, quia minime hoc rationabiliter et veraciter se facere confidebat, et propterea venire ad placitum nolebat, tunc dominus imperator interrogavit suos consiliarios et episcopos sive abbates et comites et reliquos fideles suos quid ex hoc facere deberet, et quale consilium ex hoc ei darent, et quid de tam inobediente suo præceptio facturus esset. Tunc respondentes dixerunt utriusque ordinis omnes: Vidimus quod iste episcopus vester Aldricus habet suas auctoritates et præcepta regalia tam genitoris vestri quam et aliorum vestrorum antecessorum, videlicet regum Francorum, in quibus, ut coram nobis relictum est, continetur insertum et sanctorum sacerdotum ac regum manibus propriis corroboratum, quod monasterium Anisole, unde agitur hæc justitia, Cenomanice matri ecclesiæ traditum fuit et ab episcopis ejusdem matris ecclesiæ constructum et ornatum atque legibus possessum.

**A** Habet etiam præfixus episcopus, quos videmus et audimus, suos testes veros et bonos, qui has auctoritates firmas et veras esse testantur, et jurejurando quæ dicunt affirmant. Insuper testantur quod infra legitimo tempore prædicta mater Cenomanicae civitatis ecclesia vestitaram legitimam habuisset de prædicto monasterio, et adhuc triginta anni non sunt transacti quod ex eo legitimam vestitaram habuit, et properea inde fuit modo alienatum quod Franco episcopus prædictæ ecclesiæ suo propinquo Adalghyso illud impetraverit, ut pro illo regalia servitia et itinera ficeret, quæ ille pro sua infirmitate et senectute facere non valebat. Affirmant etiam eumdem Franconem alias villulas et quosdam vassallos casatosque, ut nominant, ex prædicto monasterio ad suum opus, dum advixit, retinere, sed illis ambobus defunctis non fuit ad præsens episcopus ejusdem sedis qui dominum imperatorem Ludovicum ex hoc interpellaret ad tempus; et sic datum est alio, et tali occasione sublatum est de præfixa sede. Sed et hoc quod isti monachi dicunt quod vestrum proprium esset, prædicti testes Aldrici episcopi per eorum auctoritates et per vestros vassallos et alios veridos et bonos homines affirmant non esse. Dicunt etiam, si vestrum proprium esset, res ipsius monasterii secundum legem Salicam aut Ribuarium tuerentur, sicut alia loca et res quæ de vestro sunt proprio faciunt, et mancipia non partirentur, sicut de aliis locis et rebus quæ de vestro sunt proprio in illa regione est consuetudo facere; sed de istis causis in rebus sancti Carilephi sicut in propriis domni imperatoris observare apud eos est consuetudo, nihil unquam conservatum fuit; et pro istis causis affirman et defendunt jam dicti testes scepeditum monasterium non vestrum proprium aut alicujus esse, sed de jure Cenomanicae matris ecclesiæ, de cuius rebus est fundatum, illud esse affirmant, quod et rationabiliter et legibus, ut nobis videtur, facere possunt. Testantur etiam supra memorati testes quod omnes episcopi qui in prædicta civitate et in jam dicta sede a tempore sancti Innocentis episcopi secundi, successoris videlicet sancti Victurii, et a tempore sancti Carilephi confessoris eximiæ fuerunt, prædictum monasterium subjectum habuissent, exceptis duabus, quod propter prædictum odium et pro aliqua negligentia veraciter factum esse inquisitum est. Testantur etiam quod plus ad jus et subjectiōrem prædictæ matris ecclesiæ prefatum monasterium pertineat quam ad vestrum proprium aut ad aliam aliquam causam; et hoc, si aliqui testes contra se venerint, falsos eos, qualiter præceperitis, facere posse testantur firmiterque affirmant. Supradicta vero ratione hanc justitiam diligentissime ventilatam, rei veritatem cognoscentes, pleniter et rationabiliter legis divinæ et mundanæ nos utriusque ordinis vestri fideles auctoritate instructi, et plena ratione suffulti, judicamus vosque hortamur ut ei auferatur qui vobis inobediens exstitit et ad vestrum placitum non solum semel aut bis vel ter vocatus

venire contempsit, quia de sua absentia culpabilis et convictus esse cognoscitur, et ei vestra auctoritate nostroque judicio reddatur præfatum monasterium qui vobis inobediens non fuit, nec ad placitum venire renuit, sed semper præsens cum suis auctoritatibus et nobilibus testibus adfuit, et hoc pleniter et legaliter approbare est paratus quod suæ sedis ecclesiæ præfatum monasterium esse debet. Et propterea præfato Aldrico episcopo firma auctoritate ad jus suæ sedis ecclesiæ præfatum monasterium cum omni integritate ut reddatur judicamus. Quidam autem eorum dixerunt: De nobis ipsis aliter judicare non possumus, quod si aliquis nostrum licet nemine querente, aut aliqua causatione pulsante, vocatus ad vestrum placitum venire contempserit, ni infirmitas aut legitima somnis eum detinuerit, et si aliqua somnis, aut infirmitas eum detinuerit, ni ipse suum advocationem aut suam excusationem rationabilem ad vos miserit, justæ et plena ratione perdere debet unusquisque nostrum quod de vestro habet. Et propterea sicut et de nobis, sic et de illo judicamus; quia neutrum fecit, nec ipse venit, nec mandare studuit cur illud dimisit. Sed sicut isti homines qui præsentes adstant, id est Hagano et Benedictus et alii, dicunt et affirmare volunt qualitercunque vobis placuerit, sive si aliquis ex vobis aliter dixerit, singulare certamen cum eo præliari sive in judicio, si vobis placuerit, seu cum sacramento verum facere nullam ob aliam causam præfatum Sigismundum remansisse, neque propter infirmitatem, neque propter aliam necessitatem, nisi quod venire, ne convinceatur, noluit, quia nullam justitiam neque aliquam justam aut rationabilem causam predicta quæstione se habere confidebat. Et hæc prædicti homines quotidie ante vos et ante nos et reliquo fideles vestros clamauit, et approbare, sicut prædictum est, vel qualiter vos placuerit et eis præceptum fuerit volunt. Et hoc saepissime publiciter in hoc palatio est acclamatum et perquisitum nobis et cæteris fidelibus vestris audientibus: sed nemo est qui eis contradicere aut resistere velit, sed plus dicunt omnes eos veritatem dicere, quod et verisimile nobis esse videtur. Sic vos jam quindecim dies per aliud placitum vel tertium ei concessum exspectantes, neque suum advocationem aut suas auctoritates misit, neque ullam excusationem de se vel de suo contemptu facere noluit. Idecirco de sua absentia vel contumacia jam convictum atque damnatum eum esse legibus judicamus, ita ut nec ejus vox amplius de hac causa audiatur. Et ut hoc quod dicimus et judicamus auctoritate canonum et legis plenius confirmemus, precamur ut nonnullæ sententiae ad hoc pertinentes canonum et legum ante vos legere jubeatis. Et tunc publice coram omnibus recitatae sunt hæc sententiae canonum et legum.

*Excerptum ex decretis papæ Bonifacii, capitulo III.*

Manifestum est confiteri eum de crimine qui in-

• Lib. v Capitul., c. 37; lib. vii, c. 43.

• Decreta Innoc. I, c. 35.

• Decret. Cœlestini I, c. 42.

A dulto et delegato judicio purgandi se occasione non utitur. Nihil enim interest utrum in præsenti examine omnia quæ dicta sunt de eo comprobentur, cum ipsa absentia pro confessione constet <sup>a</sup>.

*Item ex decretis ejusdem Bonifacii papæ.*

Nulli dubium est quod reus judicium nocens subterfugit, quemadmodum ut absolvatur qui est innocens querit. Confitetur enim de omnibus quisquis se subterfugere judicium dilationibus putat.

*Item ejusdem cuius supra.*

Cavendum est ut si quis adesse neglexerit, dilatatio-  
nei sententiae de absentia non lucretur; sed que male pullulasse noscuntur, radicitus evellantur et emendentur.

*Ex decretis Cœlestini papæ.*

Non caret enim suspicione qui ad judicium venire contempserit et purgari se distulerit, quia ipsa absentia sua est comprobatio. Insuper occurret veritas, si falsitas displicet. Merito namque causa nos respicit si silentio faveamus errori. Ergo corripiantur qui hujusmodi sunt modis omnibus, ut veritas eorum versutiis non sopiatur, sed astuta eorum cavilatio aptissime et prudenter omnibus manifestetur et emendetur, atque restituatur quod hactenus occultum et neglectum fuit.

*Item excerptum ex decretis papæ Innocentii II.*

Veritas saepius exagitata magis splendescit ad lumen, et pernicies revocata in judicium gravius condemnatur. Nam fructus divinus est justitiam saepius recenseret, et errata corrigere, ablata restaurare. Nec otiosa ergo Dominus judex noster in nobis esse patitur quæ exercenda, non negligenda donavit <sup>b</sup>.

Sequentia vero capitula ad eamdem rationem pertinentia a sapientibus comitibus et scabinis dominicis sunt prolata; et per judicium coram omnibus sunt recitata.

Hæc capitula quæ subsequuntur de lege Romana sunt assumpta.

*Imperator Valentinianus inter cetera Firmino praefecto prætorio et patricio data* <sup>c</sup>. Si quis pulsatus in judicio adesse noluerit, post secundam aut tertiam conventionem sciatis se contumacis sententiam D subitum, id est ut quidquid, si suisset in judicio addicendus erat, petenti litigatori quasi victus exsolvat. Data vii. Kal. Maii Romæ, Herculano V. C. cons.

*Quinque capitula de effectu sententiarum et finibus litteris Pauli sententiarum lib. v* <sup>d</sup>. Quicunque tribus auctoritatibus judicis conventus, aut trinis litteris vel tribus edictis ad judicium fuerit provocatus, aut uno pro omnibus peremptorio, id est quod causam extinguit, fuerit evocatus, et presentiam suam apud eum judicem a quo ei denuntiatum est exhibere

• Novell. unica de episc. judicio in interpret.

• Paul. lib. v Sent., tit. 5 in interp.

non voluerit, aduersus eum quasi in contumacem A judicari potest. Quinimo nec retractari per appellationem negotia possunt, quoties in contumacem fuerit judicatum.

*Item Theodosius libro quarto de sententiis ex periculo recitatam.*

*imperatores Gratianus, Valentinianus et Theodosius AAA. Clearchus praefecto.* Quidquid presentibus partibus in causis fuerit ordinatum, habebit plenissimam firmatatem, nec poterit immutari. Data Kal. April., Honorio VIII et Boetio cons.

*Sequitur sententia de eadem lege Romana, de libro Pauli assumptâ.*

Si enim judicibus talia conceduntur, quanto magis regibus et imperatoribus frena et lora ampliora B et latiora relaxantur, quoniam de crimine majestatis gravius judicantur rei et incriminati quam alterius alicujus generis secularis : quia honor capituli decus est aliorum membrorum, et dedecus capituli ignominia est aliorum membrorum. Porro quia omnia membra sequuntur caput, scilicet ut in comparatione praedecessorum nostrorum, more videlicet antiquorum, loquuntur, sicut ab illis non semel aut bis vel ter sed persæpe firmatum et definitum esse legimus, dehonoratio et despicio seniorum et magistrorum et contumacia eorum contumelia est subditorum et juniorum, et honor et exaltatio atque benevolentia et obedienda seniorum et magistrorum honor et exaltatio est subditorum et juniorum, quia et illi ab istis et isti ab illis mutuo foventur et exaltantur, et honor regni et populorum ampliatur, et vis atque justitia eorum crescit et populus salvatur et exaltatur. Si quis autem contra hæc inire aut aliqua machinatione aliquid agere presumperit, damnatus in omnibus et ab omnibus interius exteriusque sententia ultiōnis feriatur, ne in posterum quisquam talia agere presumat, et si quis facere tentaverit, similiter damnetur, et ultiōnis sententiam non effugiat.

*Item unde supra, si quis ad placitum venire distulerit.*

Si quis subtersfugiendo placitum huc illucque vadit, et ad placitum venire distulerit, et maxime si vocatus a judicibus fuerit, omnimodis providendum D est ne quærens quam justitiam pro tali occasione perdat, sed quasi convictus ille qui ad placitum venire distulerit, item culpabilis et convictus de sua absentia judicetur, et deinceps hoc recuperare non valeat, sed magis metallis et aliis pœnis deputetur, ne amplius quisquam talia agere presumat, et ille de sua versutia et absentia viciisse non lucretur, neque subtersfugisse gaudeat, neque suam justitiam perdat. Data ix. Kal. Maii.

His et aliis auctoritatibus sanctorum Patrum et canonum atque legum rationabiliter instructi judicavimus et iterum judicamus ut Aldrico aepedicto episcopo jam dictæ res, qui semper pleniter instrutus præsens adfuit, et nunquam ad suam justitiam :

A comprobandum defuit, vestra auctoritate vestroque judicio reddantur. Et si talis firmitas ex hoc facta sit que in posterum appareat, nunquam deinceps de hoc prædicta ecclesia sibi commissa aliquod damnum aut scandalum aut ullam causationem patiatur. Et si aliquis, quod non credimus, ex hoc deinceps aliquam pulsationem aut causationem ei facere voluerit aut suis successoribus, evindicare non valeat, nec ejus vox penitus audiatur qui hoc facere tentaverit, sed hoc judicium quod modo agitur, ratum futuris maneat temporibus, et vestra redditio firma et stabilis permaneat. His taliter peractis, hoc divisimus. Tunc dominus imperator coram illis reddidit Aldrico præfixo episcopo per eorum judicium plena auctoritate monasterium Anisolæ, in quo dominus Carilephus corpore requiescit ad jus Cenomanicæ matris ecclesiæ, cui præfatus episcopus præerat, futuris temporibus possidendum, et missos ei dedit qui ei inde plenam vestitaram ficerent, Fulconem, scilicet, committem palatii, et Arduinum et Gausfridum comites, et Folcram vassum dominicum, qui postea, sicut dominus imperator eis jussit, plenam et legalem vestitaram per cloccas et ostia senioris ipsius monasterii ecclesiæ, in qua etiam sanctus Carilephus corporaliter requiescit, et per portas ipsius monasterii jam dicto Aldrico episcopo multis coram testibus in ipso monasterio solemniter fecerunt. Hoc autem factum est anno incarnationis Dominicæ 838, indictione II, et anno imperii præfati domini Ludovici piissimi imperatoris XXV, anno vero ordinationis aepedicti Aldrici episcopi sexto. Pridie quoque Kalendiarum Maiarum Aquisgrani palatio prædictum judicium est actum, et in ipsa die ipsa ratio a præfixo imperatore legibus est adimplata et plena ratione peracta. Propriea ergo hoc memoriale conscribere libuit ut si aliqua altercatio deinceps exorta fuerit qualiter hæc res acta sit, per hoc memoriale declaratum appareat : ut si aliquis ex hoc aliquam querelam facere tentaverit, evindicare minime valeat. Actum atque conscriptum est hoc memoriale Aquisgrani palatio Kal. Maii in sacrario sanctæ Mariæ, regnante Domino nostro Iesu Christo in perpetuum. Hæ vero chartæ et hæc præcepta publice recta et recitata sunt ante dominum imperatorem et Drogonem ejus fratrem et archicancellarium, sive etiam ante suos missos quos dominus imperator ad hanc causam audiendam et discernendam constituit, seu ante conscriptos episcopos, comites et ministros ac judices, quando hoc judicium in præscripto palatio judicatum est, et quando præfatum monasterium ad jus præfixæ Cenomanicæ matris Ecclesiæ est legibus redditum et supradictis prætextis evindicatum ; id est :

I. Traditio sancti Cartaphi quam fecit sancto Innocenti episcopo per Nentiam et consensum Childeberti regis.

II. Charta commendationis qualiter se dominus Carilephus per licentiam sui abbatis, exhortante domino Avito, una cum suis monachulis subdidit ecclesiæ

civitatis, et in manus sancti Innocentis episcopi dua- A prædictus rex Gauzioleno memorato episcopo et Di- bus vicibus se tradidit.

III. Precaria quam sanctus Carilephus accepit a sancto Innocente de eadem re.

IV. Præceptum Childeberti regis quod jussit facere super traditionem sancti Carilephi et super pre- cariam quam ipse sanctus Carilephus accepit a sancto Innocente.

V. Charta donationis de rebus et villulis, et auro et argento et vestimentis tam ecclesiasticis quam et alijs, sive libris et crucibus et capsis vel reliquiis sanctorum multorum quæ dominus Innocens in ad- jutorium ad monasterium Anisolæ construendum et ornandum domino Carilepho et suis monachulis per scripturam tradidit.

VI. Charta de conventionibus sancti Innocentis et sancti Carilephi miræ magnitudinis conscripta, et a quindecim episcopis firmata, ut eorum conventio- nes nullo modo irritare ferent, sed per omnia stabiles permanerent.

VII. Precaria quam sanctus Domnolus episco- pus abbatii suo Gallo fecit de monasterio sancti Ca- rilephi.

VIII. Præceptum quod Chilpericus rex sancto Domnolo episcopo fecit et suo abbatii Gallo de mo- nasterio Anisolæ.

IX. Præceptum emunitatis quod fecit Chilperi- cus rex sancto Domnolo episcopo de monasterio Anisolæ et de omnibus villulis et rebus ad eum per- tinentibus.

X. Precaria quam Haduindus episcopus de mona- stero sancti Carilephi Sigranno abbatii fecit.

XI. Præceptum quod rex Chlotarius Haduindo episcopo et Sigranno abbatii de monasterio Anisola fecit.

XII. Præceptum emunitatis quod fecit Chlotarius rex Haduindo episcopo de monasterio Ani- sola et de omnibus villulis et rebus ad illud perti- nentibus.

XIII. Precaria quam dominus Berarius episco- pus de monasterio sancti Carilephi Ibboleno abbatii fecit.

XIV. Præceptum Dagoberti regis super precariam Ibboleni abbatis quam a domno Berario episcopo de monasterio Anisola accepit.

XV. Præceptum emunitatis quod fecit Dagober- tus rex domno Berario, episcopo de monasterio Anisola et de omnibus villulis et rebus ad illud per- tinentibus.

XVI. Precaria quam Gauziolenus episcopus de mo- nasterio sancti Carilephi Didoni abbatii fecit.

XVII. Præceptum Chilperici regis quod fecit Gau- zioleno episcopo et Siebaldo abbatii super precariam eorum de monasterio Anisola.

XVIII. Præceptum Chilperici regis sub emunitatis tuitione Cenomanicæ sedis. Ecclesiae factum Gau- zioleno episcopo. Simul et confirmatio in hoc ipso precepto continetur quam fecit super precariam

A prædictus rex Gauzioleno memorato episcopo et Di- doni abbatii suo.

XIX. Præceptum emunitatis quod fecit Theodo- ricus rex Berario episcopo de cellulis et villulis sui episcopii et nominatim de monasterio Anisola.

XX. Præceptum emunitatis quod fecit Dago- bertus rex episcopo Herlemundo de cellulis et villulis de suo episcopatu; ubi et monasteriolum Anisola commenorat, et sua sedis ecclesiae esse affirmat.

XXI. Monumentum de vita sancti Innocentis epi- scopi.

XXII. Exemplar de vita et actibus sancti Turibi episcopi.

XXIII. Præceptum quod fecit dominus Carolus B Franconi episcopo quando ei monasterium Anisola per judicium et plenam auctoritatem reddidit et suæ sedis ecclesiae confirmavit, sicut in eo continetur insertum.

XXIV. Præceptum quod fecit dominus Ludovicus imperator Franconi episcopo de mancipiis sanctæ Mariæ et sancti Carilephi, in quo continetur mo- nasterium Anisola subjectum esse debere Cenomanicæ matri Ecclesiae.

XXV. Præceptum quod fecit dominus Carolus Franconi episcopo quando ei concessit ut hostes et itinera nostra faceret, sed Adalghisus suus propinquus omnia regalia servitia pro eo ficeret, et per licen- tiam Franconis aliquam partem abbatiae sancti Ca- rilephi teneret, et post obitum Adalghisi ad jus et re- C gimen Cenomanicæ matris ecclesiae absque ulla contradictione revertetur, sicut in eo continetur in- insertum.

Huic judicio et redditioni interfuerunt subter inserti viri: Judith Imperatrix, Carolus gloriissimus rex, Drogo archiepiscopus atque archicapellanus, Aut- carius archiepiscopus, Hadalboldus archiepiscopus, Amaluiinus archiepiscopus, Ailolphus archiepisco- pus, Rataklus episcopus, Ecardus episcopus, Erardus episcopus, Ebruinus episcopus, Wilricus epi- scopus, Albericus episcopus, Ghefridus episcopus, item Albericus episcopus, Simeon episcopus, Ercan- radus episcopus, Ionas episcopus, Vuillardus episco- pus, Ansigaudus episcopus, Adalardus comes, Radulfus comes, Bonefacius comes, Adalbertus comes, Vuarinus comes, Herbertus comes, Audulfus comes, Stephanus comes, Rainaldus comes, Cislebertus comes, Landricus comes, Gerardus comes, Abbo comes, Teoto comes, Poppo comes, Erminus comes, Anfredus comes, Adalgarius comes, Gebuinus comes, Tetghildus comes, Troandus comes, Ardoinus comes, Rumaldus comes, Herloinus comes, Hungarius com- es, Theodoricus comes, Ricboto abbas, Ludovicus abbas, Stolido abbas, Hilduinus abbas, Burchardus abbas, Lantramnus abbas, Godolricus abbas, Daniel abbas, Georgius abbas, Elmeradus abbas, Vuaringa- rius abbas, Aldricus abbas, Eribertus abbas, Tethal- dus abbas, Marcoardus abbas, Humbertus abbas, Egiwardus abbas, Fulco vassus dominicus et comes

palatii, Ragenarius vassus dominicus et comes pala-  
tii, Teutfridus vassus dominicus, Adalemus vassus  
dominicu, Henricus vassus dominicus, Engiscardus  
vassus dominicus, Diso vassus dominicus, Franco  
vassus dominicus, Teoto vassus dominicus, Folcradus  
vassus dominicus, Bernuinus vassus dominicus,  
Evrardus vassus dominicus, Salaman vassus domini-  
cus, Egibertus vassus dominicus, Vuinitmarus  
vassus dominicus, Vuithaldus vassus dominicus, Ra-  
dulphus vassus dominicus, Gunzo vassus dominicus,  
Odorricus vassus dominicus, Cadilo vassus domini-  
cus, Letricus vassus dominicus, Nantarius vassus  
dominicu, Robertus vassus dominicus, Isaac vassus  
dominicu, Hugo vassus dominicus, Dagobertus vas-  
sus dominicus, Ebruinus vassus dominicus, et reli-  
qui innumerabiles quorum nomina propter prolixita-  
tem hic non inseruimus.

## XLIV.

*Exemplar epistolæ quam dominus imperator Ludovicus Ione urbis Aurelianensis episcopo et Henrico abbatii fecit de causa Aldrici Cenomanicae urbis episcopi suorumque monachorum de monasterio sancti Carilephi, quando illud ei dominus imperator plena ratione ecclesiæque sibi commissæ reddit, et propter ea quidam monachi inconsulte contra omnem auctoritatem canonicanam et regularem ex eo sunt egressi, et res ecclesiasticas non paucas sive sacra vasa aurea et argentea furtim inde exportaverunt.*

In nomine Domini Dei et Salvatoris nostri Jesu Christi. Ludovicus, divina repropitiante clementia, imperator Augustus, Jonæ venerabili episcopo salutem.

Notum tibi esse volumus quia per ventum est ad nos quod monachi ex monasterio sancti Carilephi in egressu præsumptivo idem monasterium expoliassent ornamenti ecclesiasticis tam in thesauro quamque in vasis seu vestimentis, nec non et libriss. Quapropter tibi præcipimus et Henrico abbati ut vos omni diligentia illud inquiratis, et cum omni integritate res ecclesiasticas eidem ecclesie restituere faciatis. Vale, ex hoc habeto studium sicut de te bene confidimus, et sicut in hoc nostram cognoscis voluntatem.

## XLV.

*Item exemplar alterius epistolæ domni Ludovici imperatoris de prædicta re, ad quos supra.*

In nomine Domini Dei et Salvatoris nostri Jesu Christi, Ludovicus, divina repropitiante clementia, imperator Augustus, Jonæ venerabili episcopo salutem

Notum tibi esse volumus quia per ventum est ad nos quod monachi ex monasterio sancti Carilephi egressi sunt de proprio monasterio, aliena loca quærentes, immemores propriae promissionis eorum, in qua promiserunt obedientiam et stabilitatem propriæ promissionis loci, atque renuntiaverunt propriis voluntatibus secundum regulam sancti Benedicti, oblitæ etiam sententiam evangelicam, in qua Dominicum exemplar audivimus: *Non veni, inquit, facere voluntatem meam, sed ejus qui misit me (Joan. vi. 38);*

A oblitio apostolicæ sententiae ita dicentis: *Subjecti estote omni creaturæ, sive regi quasi præcellentí, sive ducibus tanquam ab eo missis (I Petr. ii, 13).* Et hoc non ob aliud fecerunt nisi quod abbas eorum nobis inobediens apparuit, et nos eidem abbati idem monasterium tulimus, et illud Aldrico episcopo ecclesiæque sibi commissæ legaliter, sicut a suis prædecessoribus possessum et constructum fuit, reddidimus, sicut lator ejus epistolæ tibi dicere poterit, quia prolixum est nobis in hac epistola omnia inserere qualiter actum et definitum rationabiliter fuit, et quia in nullo sentimus contrarium esse, auctoritati canonum monachos subjectos episcopis fieri debere. Quapropter volumus ut missus noster sis una cum Henrico abbat, et eosdem monachos plena auctoritate canonum et regulari atque nostra ad proprium monasterium redire compellatis. Si vero quispiam eorum vos non obaudierit, volumus ut compellatis eum venire ad nostram præsentiam in proximo placito quod habituri sumus, Domino annuente, apud Carisiacum. Bene vale, et ora pro nobis Dominum.

## XLVI.

*Notitia de monasterio sancti Carilephi in generali synodo in Carisiaco palatio regio, facta ab Aldrico episcopo per judicium episcoporum accepta, sicut in ea continetur insertum.*

(Vide ubi supra, col. 1290.)

## XLVII.

*De responsione Ludovici imperatoris et judicio optatum suorum contra præcepta quæ monachi de monasterio Anisolæ attulerunt coram eo, quando contra Aldricum episcopum de prædicto monasterio in ratione venerunt.*

Quando Aquisgrani palatio anno imperii domini Ludovici piissimi Augusti xxv, coram eo et principibus suis tam ecclesiasticis quam et sacerdibus in generali conventu querela de monasterio Anisolæ et rebus suis inter Aldricum Cenomanicæ urbis episcopum et Sigemundum ejusdem monasterii abbatem agebatur et diligentius scrutabatur, atque jam dictus pontifex inter reliqua instrumenta chartarum et præcepta regalia unum præceptum quod dominus Carolus facere jussit, sua videlicet propria manu roboratum et annulo suo subter sigillatum, per quod ipse jam dictum monasterium Franconi episcopo ecclesiæque sibi commissæ reddidit, et monachi prædicti Sigemundi quoddam præceptum de electione eorum, ut de semetipsis haberent licentiam eligendi abbatem, quod dicebant jussu domini Ludovici piissimi imperatoris esse conscriptum. Ad quod respondit dominus imperator: Si ego hoc præceptum fieri jussi, nesciebam quod prædictum monasterium de episcopio Cenomanico esset, et ignorabam quod pater meus illud ibi per suum præceptum redderet. Sed quia vos et pares vestri hoc mihi cœlastis, et per fraudem et malum ingenium facere suasistis, idcirco ipsum præceptum, quod mihi præcipere fieri dicitis, vestro mendacio infirmatur, quia causa ubi fraus intercedit non valet, sed magis re-

proba efficitur. Et ideo vestrum praeceptum stare A non poterit, quia vestro mendacio et vestra fraude funditus destruitur. Si enim nos unam vobis tantum electionem concessimus, ipsam cito finitam esse cognoscimus, quia Sigemundus, quem vobis abbatem elegistis, memoratum monasterium sua culpa perdidit, quia nobis inobediens et infidelis exstitit. Hæc taliter predictus dominus imperator agens interrogavit cunctos circumstantes quid super hac re eis rectius videbatur. Qui respondentes dixerunt tam episcopi quam abbates, sive comites, et reliqui omnes : Hæc posteriora præcepta, quæ isti monachi afferunt, non possunt destruere anteriora quæ Aldricus episcopus et ecclesia sibi commissa habet; sed anterioribus cedendum est, et posteriora, quæ fraude et malo ingenio impetrata fuerunt, infirmantur et stare non possunt, quia actio qua in quibuscumque negotiis fraus intercesserit non valebit. Et ut ratione et lege firmentur ea quæ testamur, aliqua ex authenticis nostris vobis testimonia indicantes proferimus. Constitutum est a sanctis patribus et bonis imperatoribus et lege decretum ut quidquid falsa petitio a principe obtinuerit, quia fraus intervenit, non valebit. Item alibi : « Quæcumque contra jus conscripta fuerint non valebunt, quo cummodo fuerint impetrata. » Item alibi : « Qui falsa principum præcepta detulerint, puniantur. » Item alibi : « Dolus malus est cum aliter agitur, aliud simulatur. » Item alibi : « Qui dolum vel metum adhibuit ut res ad alium transiret, de doli actione tenebitur. » Item alibi : « Dolus malus est si per falsitatem voluerit quis prius definita convellere. » Item alibi : « Redintegrandum est a præsentibus judicibus et in ejus unde abcessit potestate revocandum quod quacunque conditione temporis, aut dolo, aut captivitate, aut virtute majorum timore faciente deperierit. » Item alibi : « Quidquid vera seu falsa petitio a principe obtinuerit, quia fraus intercessit, non valebit ». Magna fraus fuit, quoniam monachi predicti memoratum monasterium de jure Cenomanicae sedis ecclesiæ esse sciebant, quia non sunt adhuc triginta anni quod a pontificibus memoratae sedis possessum est; et hæc celantes, vobisque mentiones, præcepta sibi sine consensu prædictæ sedis pontificis, cui juste debetur, facere suadebant. Et hoc justum esset, ut si aliquis laicorum hoc fecisset, ut magnum detrimentum sustineret; sed et pro certo judicaretur illi ut capitali sententia puniretur. Sed quia non laici, sed jam dicti monachi, hoc fecerunt, dignum est ut ita coerceantur ne alii monachi deinceps talia agere præsumant. Properea nonnulli præfati monasterii monachi cum Sigemundo prædicto eorum abbate exilio damnati sunt. Et sic confirmatum est sæpedictum monasterium Aldrico episcopo et ejus episcopio, sicut in ejus notum est præceptis et aliis monumentis chartarum continetur insertum.

\* Ex Pauli lib. I Sent., tit. 9, et lib. I Cod. Theod. de dolo malo in interpr.

### XLVIII.

*Memorale qualiter Anisolæ monasterium a jure Cenomanicae matris ecclesiæ post obitum Ludovici piissimi imperatoris alienatum est.*

Si quis nosse desiderat qualiter monasterium Anisolæ una cum rebus suis de jure Cenomanicae matris ecclesiæ post obitum Ludovici secundi Francorum imperatoris elapsum est, in hoc memoriale breviter comprehensum aliquid invenire poterit. De functo præscriptio domino Ludovico piissimo Augusto anno incarnationis Dominicæ octingentesimo et quadragesimo, magna seditio orta est in imperio suo. Inter cætera autem mala surrexit quedam tyrannica potestas in pago Cenomanico qua resistere nitebatur Carolo filio ejus, cui prædictus imperator inter cæteras regiones Neustriam dederat, et suos fideles valde infestabat. Prefata ergo tyrannicæ potestatis conjunxit Sigemundus, qui dudum de præfata Anisolæ monasterio abbas fuerat, et Aldricus ecclesiæ Cenomanicæ episcopus, qui illud monasterium una cum rebus suis tunc tenuerat, fideliter Carolo seniori suo adhærebat, et licet memorata tyrannica potestas eum ad se sæpissime vocaret, et firmitatem ei facere vellent qui eam exercebant qualiter ipse quæreret ut diebus vitæ illorum suos honores non perderet nec imminutos haberet, sed majores et quæsucumque in illa regione peteret adipisceretur, si se illis conjungeret. Sed ille propter hæc omnia proposito a prædicto seniore suo se non substraxit; sed inconvulse fidelis et pro viribus adjutor illi existit, et propter illum omnia sua dimisit, et eum secutus est per omnia. Cessante vero jam dicta seditione, cepit Carolus rex prædictus consilium ut memoratos tyrannos aut a jam dictis finibus ejiceret, aut eos sibi fideles faceret: ad quos misit optimates suos, vocans eos ad se. Quibus responderunt: Nec ad illum veniemus, nec illi fideles erimus, nisi nobis convictis concedat omnibus vitam et membra et tales honores quales modo tenemus, quo cummodo eos habeamus, inter quos præfatum Sigemundum et monasterium Anisolæ cum rebus suis comprehendenterit. Videns dominus Carolus præfatus rex, propter alias seditiones quæ undique grassabantur, sine magno discrimine aliter tunc non posse fieri, consensit petitionibus eorum, et inter reliquos Sigemundo concessit memoratum monasterium habere, et prædicto Aldrico et suæ sedis ecclesiæ firmiter promisit illud cito redditum: et tali occasione memoratum monasterium alienatum est tunc a jure Cenomanicae matris ecclesiæ, non legibus evindicatum, sed tyrannice alienatum.

### XLIX.

Vertente autem tempore, et prædicto Sigemundo ad memoratum regem, dominum videlicet Carolum filium Ludovici imperatoris, minime veniente, et facto maximo prælio in pago Altisidiorense inter Carolum et Lotharium, in quo a Domino Deo et Salvatore nostro data est jam dicto Carolo victoria,

et eo per partes Cenomanicas remeante, nec tunc memorato Sigemundo ad eum veniente, redditur Kai. Augusti in villa cuius vocabulum est Bona super fluvium Liz, in pago Cenomanico, a prescripto domino Carolo legibus prefato Aldrico episcopo per judicium multorum nobilium et sapientium virorum predictum Anisolae monasterium cum omnibus ad se pertinentibus; eique ibi missi boni et strenuidati sunt qui eum et Cenomanicam matrem sibi commissam ecclesiam legibus revestirent, et plenam ei atque legalem vestitaram ex eo futuris temporibus legaliter tenendam ficerent. Quod et supradicto praetextu tertio die Nonas jam dicti mensis factum esse liquet. Et sic falsitas subditur veritati, atque injuste alienata juste restituuntur; quae et hactenus a prefato episcopo et a sua sedis ecclesiae ministris legibus possidentur, et canonice atque regulariter gubernantur.

## L.

*Exemplar epistolæ formatae quam Drogo archicapellanus et urbis Mediomaticæ archiepiscopus Landramno Turonice urbis archiepiscopo canonice misit, ut Aldricum prædictæ urbis Mediomaticæ cardinalem presbyterum atque ejusdem urbis primicerium suo permisso et jussu domini Ludovici piissimi imperatoris episcopum Cenomanicæ matris ecclesiae ordinaret, sicut in ea habetur insertum. Talis enim est prologus prædictæ epistolæ venerabilis Landramno archiepiscopo.*

Venerabili in Christo fratri et coepiscopo Landramno archiepiscopo Drogo in Domino salutem. Auditu compri quod dominus imperator concessisset Aldrico presbytero consecrationis nostræ, qui etiam et noster tonsus doctus et clericus fuit, episcopum Cenomanicæ urbis. Sed ille postea ad nos mittens petiit, sicut debuit, ut ei et ordinatoribus suis tibi atque suffraganeis tuis ad episcopatus culmen ordinandi assensum præbuissem et licentiam tribuisse. Cujus petitioni ita consensi, ut si ipsum per Dei voluntatem et domini imperatoris dignum et utilem sanctæ Dei Ecclesie ad hoc officium inveneris et ita decreveris, quia ipse apud nos probos mores ostendit, licentiam a nobis concessantibus fiduciendi atque ipsum consecrandi habere cognoscas. Oro te valere et omnes fratres, atque memor sis mei in sacris orationibus charitatis tuae.

## LI

*Exemplar formatae epistolæ quam Drogo archicapellanus et Mediomaticæ urbis archiepiscopus Aldrico prædictæ Mediomaticæ urbis cardinali presbytero atque ejusdem urbis primicerio canonico misit, ut suo consensu et domini Ludovici piissimi imperatoris jussu Cenomanicæ matris ecclesiae a suo archiepiscopo et reliquis provincialibus episcopibus ordinaretur, ideo quia populus eum sibi ordinari episcopum petierat, et ad eum epistolam pro loco direxerat, ut suo adminiculo et permisso antedictus Aldricus eorum atque jam dictæ Ecclesie episcopus ordinaretur, canonice eis direxit epistolam hunc modum continentem.*

Dilecto filio Aldrico vocato episcopo Drogo indignus archiepiscopus in Christo sempiternam salutem. Cognoscat dilectio tua mihi placere ea quæ

A tibi divina largitio honoris conferre per imperialecm administrationem dignata est. Sed dilectio tua, ut debuit, ad me misit ut tibi epistolam mississim ad metropolitanum tuum conscriptam ut ei licentiam tribuisse te ordinandi. Nunc vero, quanquam decentius atque honestius fuisset mihi et tibi ut scripto a te directo iterum scriptis respondissem, tamen ne forte occasio per me differentem donum tibi divinitus, ut credo, concessum aliquod tibi inferret impedimentum, charitate fretus feci ut petistis. Unde duas tibi misi epistolas; quarum una ad metropolitanum tuum est conscripta juxta petitionem tuam, ei retribuendo licentiam; altera vero ad te, ut et tu cognoscas licentiam a nobis tibi attributam et nos potius in augmento honoris tui gaudere quam ullo modo injuriam tibi aliquam inferre voluisse. Vale semper in Domino, et confortare, memor semper nostri, et fidem quam semper erga nos jure servasti inconvulsam deinceps per charitatem tuam esse rogamus. Iterumque vale.

## LII.

*Summa de polecticis vel plenaris fratrum. Cenomana in urbe Deo servientium, de rebus quas Franco senior et Aldricus eorum episcopi eis dederunt et testamentis atque præceptis regalibus confirmaverunt.*

Debet homines fratrum in summa de unericia vini modios duos et quadringentos, de pastione vini modios ducentos unum et septuagintos, de hostilense argenti solidos centum quadraginta et novem. Et debentur septem multones de pascuario, cum lana sex et septuaginta, sogales duo et quadraginta. Et debentur duo, et de laudatico solidi quinque. Et debentur decem de carnatico, arietes quinque et quinquaginta sine lana, de lignario solidi sex et viginti, et debentur novem de sensu, sol. unus et centum de inferenda et de postiurno, sive de sensatico sol. centum et octoginta; et debentur inde de pastione inter frumentum et sigale modii quatuor et triginta, et sextaria novem sufuso, de avena modii quadrangenti quatuor et quadraginta; axilos ad alvimannum quatuor et quinquaginta, et omni anno scudulas mille cum quadrangentis et quadraginta.

## LIII.

*D De ejectione Aldrici Cenomanicæ urbis episcopi, et de invasione atque vastatione Cenomanicæ matris ecclesie una cum rerum.*

Decedente domino Ludovico Francorum imperatore secundo, filio videlicet Caroli Magni imperatoris, anno incarnationis Dominicæ octingentesimo et quadragesimo, Indictione tertia, anno siquidem imperii sui vigesimo et septimo, surrexit quædam tyrannica pravitas, inter cetera mala, inter Ligerim et Sequanam, et maxime in pago Cenomanico, in quo Aldricus tunc octavum annum in episcopatus dignitate fulgebat. Et licet prædictus imperator inter tres filios suos regna sua divideret, id est inter Lotharium et Ludovicum atque Carolum, Lotharium in media Francia, Ludovicum vero in Hostria

[Austria], et Carolum in Neustria et Aquitania collocaret, cetera vero regna et ducatus inter eos, sicut in annalibus eorum continetur, divisa consensu principum suorum partivit. Praefatum autem pontificem memorato Carolo filio suo minori per manus commendavit. Cui jam dictus pontifex Aldricus fidem servans debitam, ab infidelibus sanctae Dei Ecclesiae et suis a præfata tyrannica potestate in supradicto anno a præscripto episcopio et a sua sede ejectus est; et propterea multa quæ in ecclesiasticis et aliis rebus pro amore Dei facere cœperat, imperfecta remanserunt. Nam pene prædictum episcopium tunc vastatum est et quasi ad nihilum redactum. Habebat enim cœptum claustrum canonorum et matrem ecclesiam in media civitate a fundamento una cum suis porticibus et paradisum inchoatum, et maximam partem ex ea factam, similiter et ædificia monasteriorum quinque, una cum claustris et ceteris eorum. Habebat quoque ad utilitatem ejusdem ecclesiæ fulciendam et ad pauperes recreandos congregatos greges jumentorum una cum amissariis amplius quam octoginta, vaccarum et ovium atque caprarum sive porcorum amplius quam ducenta, annonam et fenum ac vinum tam ad opus congregationum hospitumque ac pauperum quam et ad sibi ecclesiæque sibi commissæ serviendum opus sufficienter. Sed quid amplius dicam? Ita babebat fundatum tam in ecclesiasticis quam et in aliis rebus prædictum episcopium et res sibi commissas qualiter non fuerunt a diebus antiquis, vel a tempore quo alicujus. . . . . hominis memoria retinetur. Sed hæc et reliqua bona innumerabilia a prædictis tyrannis, sive hospitalia septem quæ ad pauperes et hospites recipiendos et recreandos fecerat, funditus vastata et diruta sunt. Propter has vero insidias et alias multas hæc et alia bona innumerabilia quæ facere voluit et cœpit in suo episcopio non apparent, quæ a Domino illis requirantur a quibus hæc subversa et vastata atque prohibita sunt, et non ab illo, qui hæc agere et adimplere volunt et prohibitus alique dejectus dimisit. Præscripti ergo tyranni de genere Herivel et Vidonis superiorum tyrañorum remanserunt.

## LIV.

*Synodus habita ab Aldrico in urbe Cenomanica.*

In nomine Patris et Filii et Spiritus sancti. Aldricus indignus Cenomanicae matris ecclesiæ episcopus omnibus nostræ curæ commissis sacris ordinibus et cunctis fidelibus salutem et gloriam sempiternam. Cum in Dei nomine anno incarnationis Dominicae octingentesimo quadragesimo, Indictione tertia, et anno imperii domini Ludovici piissimi imperatoris vigesimo et septimo, anno vero octavo ordinationis prædicti Aldrici episcopi, quarto videlicet Iduum Maiarum die, synodum omnium sacerdotum ac levitarum seu reliquorum servorum Dei Cenomanicae urbe prædictus pontifex coadunaret, post allocutionem et admonitionem sive inquisitionem eorum,

A cœpit jam dictus Aldricus episcopus una cum eis, illisque deprecantibus, tractare quid officii unusquisque pro suis confratribus tam pro vivis quam et pro soluti debita mortis diligenter ageret, et quid pro prædicto pontifice et grege utriusque ordinis sibi commisso fideliter adimpleret. Qua de re hoc instinctu divino pariter considerantes tractavimus, simulque inter nos bono animo et pura voluntate decrevimus, ut dum (advixerit) unusquisque nostri ordinis sacerdos pro præscripto domino Aldrico episcopo et pro populo sibi commisso in quarta feria una cum litania et oblationibus missam decantet, similiiter et sexta feria faciat; et qui hoc facere non poterit, quinquaginta psalmos decantet, orantes et supplicantes Dominum cœli ut Deus omnipotens prædicto nostro pontifici secundum voluntatem hanc tribuat degere vitam, et quando ei placuerit, finisque hujus vitæ advenerit, cœlestis janua ei patet, et locus sanctorum consortii nobis deprecantibus detur. Amen. Similiter et prædictus pontifex pro nobis omnibus aut per se aut per aliquem a se commissum est pollicitus agere. Insuper hæc tractantes in prescripto Iduum Maiarum die et in jam dicta synodo inter nos decrevimus ut unusquisque nostrum, dum advixerit, pro suis confratribus in anno duodecim cantet missas cum oblationibus et reliquis orationibus, et quandocunque nostrum unusquisque (decresserit), decanus nomina de suis junioribus conscripta in nostra, per singula tempora, synodo deserat, et unusquisque nostrum pro illis missas compleat duodecim cum oblationibus et reliquis orationibus et vigiliam cum novem psalmis et totidem lectionibus et responsoriis, una cum matutinalem synaxim fideliter pro defunctis fratribus peragat, et sic hoc faciat sicut vult pro se fieri quando hoc idem ei advenerit, et sicut ante tribunal districti judicis rationem ex hoc reddere voluerit quod hic eoram Deo, et coram nostro pontifice et coram nobis omnibus se facere sponte promisit. Tribuat Dominus omnipotens ut sic inde faciamus ut non damnationem, sed plenam retributionem ex his a Domino Deo nostro percipere valeamus, et vitam habere sempiternam valeamus, auxiliante Domino nostro Iesu Christo, qui cum Patre et Spiritu sancto vivit et gloriatur Deus per omnia secula seculorum. Amén.

## LV.

Hæc est missa quæ pro domino episcopo et pro omnibus sibi commissis in unaquaque hebdomada, id est quarta et sexta feria, una cum litania adimpleri debetur; et post istam subsequitur illa quam pro nobis in invicem canere debemus; et post illam subsequitur illa quam pro fratribus nostris defunctis cantare debemus.

*Missa quotidiana. ¶ Intret oratio mea.*

Sanctæ Dei genitricis Marie ac beatorum apostolorum sive martyrum tuorum Gervasii et Protasii atque sancti Stephani simulque reliquorum marty-

rum et confessorum virginumque atque omnium sanctorum tuorum assiduis intercessionibus quæsumus, Salvator mundi, pontificem nostrum Aldricum misericorditer protege, pariterque ei familiaritate atque consanguinitate conjunctos, et omnes sibi commissos utriusque ordinis viros et feminas ab omni pravitate defende, et secundum tuam voluntatem eis vivere tribue, omnemque populum Christianum misericorditer custodi, et animabus famulorum famularumque tuarum omnium sibi commissorum et commissarum atque cunctorum cunctarumque in Christo quiescentium requiem tribue benignus sempiternam, et sanctorum tuorum cœtibus consociare digneris propitiis. Per Christum, etc. *Epistola ad Colossenses.* Fratres, non cessamus pro vobis orantes et postulantes. ¶ Domine, exaudi, ꝑ. Ne avertas. *Evangelium secundum Joannem.* In illo tempore, sublevatis Jesus oculis in cœlum dixit: Pater, quos dedisti mihi, volo ut ubi ego sum, et illi sint mecum, ut videant claritatem meam quam dedisti mihi, quia dilexisti me ante mundi constitucionem. Pater juste, mundus te non cognovit. Ego autem novi te, et hi cognoverunt, quia tu me misisti et notum feci eis nomen tuum, et notum faciam, ut dilectio qua dilexisti me in ipsis sit, et ego in ipsis. *Offert.* Exaudi, Deus. *Secreta.* Oblationis hujus, Domine, placare muneribus, et intercedentibus omnibus sanctis tuis protege pontificem nostrum Aldricum et omnes sibi commissos commissasque atque omnem populum Christianum a cunctis defende periculis, et animabus famulorum famularumque tuarum omnium sibi commissorum commissarumque atque cunctorum cunctarumque in Christo quiescentium per haec sancta sacrificia remissionem omnium tribue peccatorum, et vitam habere concede sempiternam. *Præfatio.* Vere dignum, etc., et tuam clementiam profusis precibus implorare, intercedente beata et gloria semper virgine Dei genitrici Maria, sanctisque martyribus tuis Gervasio et Protasio, sive sancto Stephano et omnibus sanctis tuis, cunctorum peccatorum veniam pontifex noster Aldricus consequi mereatur, et eos easque quos et quas ei cura regiminis consociasti ac familiaritate et consanguinitate junxisti, et omnem populum Christianum angelorum omnium sanctorum tuorum præsidii tuere, et animas famulorum famularumque tuarum omnium sibi commissorum et commissarum atque cunctorum cunctarumque in Christo quiescentium, ut in pacis ac lucis regione constituas deprecamur. Per Christum Dominum nostrum. *Infra actionem.* Hanc igitur oblationem quam tibi pro pontifice nostro Aldrico atque grege sibi commisso et propinquitate ac familiaritate juncitis ei atque pro salute cuncti populi Christiani suppliciter immolamus, quæsumus, Domine, ut benignus accipias, et tua pietate concedas, ut et illis proficiat ad salutem hujus pietatis affectus, et animabus famulorum famularumque tuarum omnium sibi commissorum et commissarum atque cunctorum cunctarumque

A que in Christo quiescentium impetrat beatitudinem sempiternam, diesque nostros. *Ad communionem.* Amen dico vobis. *Ad complendum.* Purificet, quæsumus, Salvator mundi, pontificem nostrum Aldricum divini sacramenti libatio, et gloriosa sanctæ Dei genitricis Mariæ atque omnium sanctorum oratio, et gregi sibi commisso ac familiaritate et consanguinitate juncitis ei et omni populo Christiano misericordiam tuam ubique prætende, et animabus famulorum famularumque tuarum omnium sibi commissorum et commissarum atque cunctorum cunctarumque in Christo quiescentium remissionem omnium tribue peccatorum et vitam habere concede sempiternam. Per, etc. *Alia.* Omnipotens sempiterne Deus, sanctæ Dei genitricis Mariæ et omnium sanctorum tuorum pia et assidua intercessione pontificem nostrum Aldricum ubique misericorditer protege et ab omnibus adversitatibus corporis et animæ tua potentia defende, commissumque sibi gregem cunctum ad regendum custodi, et omnem populum Christianum conserva, atque illi et omnibus in Christo quiescentibus requiem tribue sempiternam. Per, etc.

*Item alia missa quam mutuo prædicti sacerdotes inter se cantare debent*

Deus, qui charitatis dona per gratiam sancti Spiritus tuorum cordibus fidelium infudisti, da famulis et famulabus tuis diversorum cœnobiorum et titulorum atque locorum, tam sacerdotum et levitarum quam et reliquorum fidelium tuorum quorum quarumque memoriam agimus, et quorum quarumque his in titulis scripta continentur vocabula, fratribus ac sororibus et familiaribus nostris salutem mentis et corporis, ut te tota virtute diligent, et quæ tibi placita sunt tota dilectione perslicant. Per Dominum. *Lectio Jeremiæ prophetæ.* Si iniquitates nostræ contendenterint contra nos, Domine, libera nos, quæsumus, fac propter nomen tuum, quoniam multe sunt adversiones nostræ, Tibi peccavimus, exspectatio Israel es, Salvator noster, in tempore tribulationis. Tu autem in nobis es, Domine, et nomen sanctum tuum super nos invocatum est. Ne derelinquas nos, Domine Deus noster. *Secundum Matthæum.* In illo tempore, dixit Jesus discipulis suis: Petite et dabitus vobis, quærite et invenietis, pulsate et appetierit vobis. Omnis enim qui petit accipit, etc. *Secreta.* Munera, quæsumus, Domine, quæ pro nostra et omnium, quorum quarumque memoriam recolimus, et quorum quarumque his in diptychis nomina continentur inserta, redemptione oculis tuis tuæ offerimus majestati placatus suscipe, et ad perpetuam nobis omnibus tribue pervenire salutem, per.

Omnipotens æterne Deus, imploramus tuæ maiestatem misericordiæ, ut nobis et omnibus quorum quarumque recolimus memoriam, et quorum quarumque nomina his in diptychis continentur inserta veniam largiri digneris peccatorum, ut ab omnibus iniuncti vinculis liberati, tuis toto corde inhæreamus

mandatis, et te solum semper tota virtute diligamus, et ad tuæ quandoque beatitudinis visionem pervenire mereamur. Per Christum.

Hanc igitur oblationem, Domine, quam tibi pro peccatis atque offensionibus nostris, et omnium quorum quarumque agimus memoriam, et quorum quarumque hic continentur inserta vocabula, offerimus, ut cunctorum delictorum remissionem consequamur, quæsumus.

Divina libantes mysteria, quæsumus, Domine, ut hæc salutaria sacramenta illis proficiant ad prosperitatem et pacem pro quorum quarumque dilectione hæc tuæ obtulimus majestati. Per Christum.

#### *Alia.*

Da famulis et famulabus tuis, quæsumus, Domine, omnibus quorum quarumque memoriam agimus et quorum quarumque nomina his in diptychis continentur conscripta, seu etiam cæteris fidelibus utriusque sexus, in tua fide et sinceritate constantiam, ut in charitate divina firmati, nullis tentationibus ab ejus integritate vellantur. Per Christum.

#### *Item missa pro defunctis fratribus et sororibus nostris.*

Deus, cuius misericordia non est numerus, suscipe pro animabus famulorum famularumque tuarum, quorum quarumque memoriam agimus, et quorum quarumque nomina his in diptychis conscripta esse noscuntur, preces nostras, et lucis eis lætitiaeque regionem in sanctorum tuorum societate concede. Per.

#### *Alia.*

Deus, cui proprium est misereri et preces exaudire supplicantium, propitiare animabus famulorum famularumque tuarum diversorum coenobiorum et titulorum quorum quarumque memoriam agimus, et quorum quarumque hic assignata continentur vocabula, ut te miserante a vinculis peccatorum absoluti, ad æternæ beatitudinis requiem pervenire mereantur. Per.

#### *Ad Thessalonenses.*

Fratres, nolumus vos ignorare de dormientibus, ut non contristemini sicut et cæteri qui, etc.

#### *Secundum Joannem.*

In illo tempore, dixit Jesus turbis Judæorum : Amen, amen dico vobis quia venit hora, et nunc est, quando mortui audient vocem Filii Dei, et qui audierint vivent, etc.

#### *Secreta.*

His quæsumus, Domine, placatus muneribus intende, et quod ad laudem tui nominis supplicantes offerimus, ad indulgentiam omnium quorum quarumque memoriam agimus, et quorum quarumque nomina hic continentur inserta, sive cunctorum fidelium proficiat defunctorum. Per.

Deus, qui nobis in Christo unigenito Filio tuo Dominu nostro spem beatæ resurrectionis concedis, præsta, quæsumus, ut animæ pro quibus hoc sacrificium redemptionis nostra tue offerimus majestati

A ad beatæ resurrectionis requiem, te miserante, cum sanctis tuis pervenire mereantur. Per Christum.

Hanc igitur oblationem quam tibi offerimus pro animabus omnium quorum quarumque memoriam agimus, et quorum quarumque nomina his in diptychis conscripta esse noscuntur, seu cunctorum cunctarumque fidelium defunctorum defunctarumque, quæsumus, Domine, propitiatus accipias, et miserationum lagitate tuarum concedas, ut quidquid terrena conversatione contraxerunt, his sacrificiis emundetur, ac vinculis mortis absolutæ, transitum mereantur ad vitam; diesque nostros, etc.

Propitiare, Domine, quæsumus, omnibus in Christo quiescentibus, et animæ famulorum famularumque tuarum, quorum quarumque memoriam agimus, B et quorum quarumque nomina his in diptychis conscripta esse noscuntur, his purgatae sacrificiis indulgentiam pariter et requiem capiant sempiternam. Per.

#### *Alia*

Deus, cui possibile est omnes homines sine difficultate salvare, tanto benignus animabus famulorum famularumque tuarum diversorum coenobiorum et titulorum quorum quarumque memoriam agimus, et quorum quarumque hic assignata continentur vocabula, misericordiam concede perpetuam quanto eos ad Filii tui Domini nostri pertinere gratiam tribuisti. Per

#### *Alia.*

Deus, vita viventium, spes morientium, salus omnium in te sperantium, præsta propitius ut animæ famulorum famularumque tuarum quorum quarumque memoriam agimus, et quorum quarumque nomina his in diptychis continentur inserta, a nostræ mortalitatis tenebris absolutæ in perpetua cum sanctis tuis luce lætentur. Per Christum.

#### *LVI.*

*Exemplar precariæ de villa Tridente, quam Aldricus episcopus Bavoni Vasso dominico fecit tempore Ludovici piissimi Augusti.*

Domino sancto ac veuerabili basilicæ sanctorum Gervasii et Protasii martyrum quæ est constructa infra urbis Cenomanicæ civitatem, quam Aldricus episcopus in dominatione et regimine habere videtur, ejusque congregati ex ipsa consistenti basilica. Ego enim in Dei nomine Bevo, dum et mea fuit petitio et vestra decrevit voluntas, et per permissionem domini nostri Ludovici gloriosi imperatoris villas vestras de ratione ipsius basilicæ, cuius vocabula sunt Tridentus et Vintleva, cum omni integritate eorum nobis ad usandum tenere permisiſtis, in ea vero ratione ut dum ego advivo, tenere et dominare facere debeam, et post meum quoque, Deo jubente, discessum partibus sancti Gervasii revertere faciatis. Et convenit nobis annis singulis ad festivitatem sancti Martini hibernaticam argenti solidos quinque et viginti transsolvere debeam, aut decimam et nouam pleniter persolvam de omni redditu; et si negligens aut tardus exinde avvaruero, fidetu

exinde facere debeam, et ipsas villas perdere non debeam, et ut haec precariae uno tenore conscripte omnius tempore firmae et stabiles permaneant. Actum Cenomanis civitate publice, anno decimo et octavo regnante domino Ludovico glorioissimo imperatore Nonas Kal. Maias. S. Bavonis vassii dominici, qui hanc precariam fieri rogavit. S. Viddonis. S. Vul. S. Hervei. S. Serilonis. S. Berilonis. S. Ebrulfi vicarii. Hercheus. S. Adalberti Gislarnis. S. Adalgysi. S. Godofridi. S. Jacobi. Deusdet subscrispsit. Bobilo subdiaconus scripsit et subscrispsit.

## LXVII.

*Exemplar precepti domini Ludopici piissimi imperatoris de villa Tridente, quod fecit predictus imperator Cenomanicae matri ecclesiae et Aldrico ejusdem urbis episcopo.*

(Vide ibid., col. 1293.)

## LXVIII.

*Exemplar precarie de Fraxinedo et sancto Georgio in condita Sagonense vel de aliis villis sancti Gervasii quarum vocabula in ea habentur inserta, quas Vulfingus tenet, quam et Gauxiolenus episcopus fecit primo anno regni Pippini regis.*

Domino sancto ac venerabili basilice sancti Gervasil et Protasii infra urbem Cenomanicam civitatem constructae, ubi Gauxiolenus episcopus praesesse videtur, ejusque congregacioni ex ipsa consistentia. Ego enim in Dei nomine Vulfingus, dum et cognitum est qualiter dominus noster Pippinus gloriosus rex villas de sancto Georgio, sancto Gervasio, Fraxinedo, Flexobracciale, Aciaco vel sancto Georgio cum appendiciis suis, Aloniaco longa silcaria, Camiaico mundarias, ad ipsam ecclesiam reddere jussit, et postea per verbum domino nostro Pippino mea fuit petitio, et vestra decrevit voluntas, ut ipsa locella per vestra beneficia ad usus fructuario ordine mihi tenere permisistis, id est, cum mansis, casis, domibus, aedificiis, maciis, accolabus, libertis, terris, vineis, silvis, pratis, et pascuis, vel quantum ad ipsa loca aspectum esse videtur, dum ego advivo pro vestro beneficio mihi licet tenere et dominare. Et spondimus vobis ut pro indicio ipsius sancti Gervasii vel vestro non sit annis singulis ad festivitatem sancti Martini illam hibernaticam argento libra una ad partem sancto Gervasio aut rectoris ecclesiarum transsolvene faciam: et si negligens aut tardus de ipso cease ad ipso placito fuerit, fidem exinde facere debeam, et ipsam rem, dum ego advivo, perdere non debeam, et post meum quoque, Deo jubente, discessum, ipsa locella cum eorum soliditate ad se pertinentis vel aspicientis, vel quidquid ibidem attrahere vel immeliorare potero, vel quantumcunque tunc temporis ibidem inventum fuerit, vos aut rectoris sancti Gervasii sine ullius judicis consignatione aut heredum meorum contradictione in vestram faciat revocare dominationem et potestatem ad faciendum quod volueritis, et haec precaria, ac si semper per quinque annum renovata fuisse, firma et stabilis permaneat. Actum Cenomanis civitate in anno xxxi, regnante domino nostro Carolo glorioso Rege, in mense Martio. S. Germundi, qui hanc precariam fieri rogavit. S. Fulberti. S. Sichardi. S. Vildeni. Salomon rogatus subscrispsit. Aigliber subscrispsit. Bertobodus subscrispsit. Bealdus scripsit et subscrispsit.

A mo regni domini nostri Pippini gloriose regis. Sigillum Vulfingo, qui hanc precariam fieri rogavit. S. Fulberti. S. Sichardi. S. Vildeni. Salomon rogatus subscrispsit. Aigliber subscrispsit. S. Vuinalfredi. S. Giboleui. Bertobodus subscrispsit. Bealdus scripsit et subscrispsit.

Anteriorum episcoporum authentica et precariae infrascriptarum villarum in archivo Cenomanicae matris ecclesiae conservantur, et propter prolixitatem operis in hac schedula non sunt inserta.

## LIX.

*Exemplar precarie quam Franco episcopus Germundo fecit de villa Fraxinedo, Flexobrachiale, Aciaco, sancto Georgio in condita Sagonense, cum appendiciis suis, et alauniaco, seu longa silcaria, et Camiacaco, atque mundarias, cum omnibus ad se pertinentibus.*

Domino sancto ac venerabili basilice sancti Gervasil et Protasii martyris infra urbem Cenomanicam civitatem constructae, ubi Franco episcopus praesesse videtur, ejusque congregationi ex ipsa Ecclesia consistenti. Ego enim in Dei nomine Germundus, dum et cognitum est qualiter dominus Carolus gloriosus rex villas sancti Gervasii, Fraxinedo, Flexobrachiale, Aciaco, vel sancto Georgio cum appendiciis suis, Aloniaco, longa silcaria. Camiacaco, mundarias, ad ipsam ecclesiam reddere jussit, et postea per verbum domino nostro Carolo glorioso regi mea fuit petitio, et vestra decrevit voluntas, ut ipsa locella pro vestro beneficio ad usus fructuario ordine mihi tenere permisistis, id est, cum mansis, casis, domibus, aedificiis, maciis, accolabus, libertis, terris, vineis, silvis, pratis, et pascuis, et quantum ad ipsa loca aspectum esse videtur, dum ego advivo pro vestro beneficio mihi licet tenere et dominari; et spondimus vobis ut pro indicio ipsius sancti Gervasii vel vestro non sit annis singulis ad festivitatem sancti Martini illa hibernatica argenti libra una vobis ad partem sancti Gervasii et rectoris ecclesiarum transsolvere faciam, aut decimam aut novam ex omni redditu pleniter persolvam; et si negligens aut tardus exinde apparuerit ad predictum placitum, fidem exinde facere debeam, et ipsas res, dum ego advivo, perdere non debeam, et post meum quoque, Deo jubente, discessum, ipsa locella cum eorum soliditate ad se pertinentis vel aspicientis, vel quidquid ibidem attrahere vel immeliorare potero, vel quantumcunque tunc temporis ibidem inventum fuerit, vos aut rectoris sancti Gervasii sine ullius judicis consignatione aut heredum meorum contradictione in vestram faciat revocare dominationem et potestatem ad faciendum quod volueritis, et haec precaria, ac si semper per quinque annum renovata fuisse, firma et stabilis permaneat. Actum Cenomanis civitate in anno xxxi, regnante domino nostro Carolo glorioso Rege, in mense Martio. S. Germundi, qui hanc precariam fieri rogavit. S. Fulberti. S. Sichardi. S. Vildeni. Salomon rogatus subscrispsit. Aigliber

tes subscrivebat. **Vuanfredus** Gibolonus subscrivit. **Bortebodus** subscrivit. **Bavo** subscrivit. **Ebtardus** subscrivit. **S. Vultadi**. **Salaardus** subscrivit. **Vualtarius** subscrivit. **S. Framaldi**. **S. Leuberti**. **Boraldus** scripsit et subscrivit.

## LX.

**Exemplar precarie de villa que vocatur Mansiones in condita Diablenitica, quam Merolus episcopus Viliberto fecit.**

Domino sancto ac venerabili basilice sancti Vincentii martyris, quæ est constructa extra muros Cenomanis civitatis, quam Merolus episcopus in dominatione et in regimine habere videtur. Ego enim in Dei nomine Vilibertus, et mea fuit petitio et vestra voluntas decrevit, et per jussionem domini nostri Caroli gloriosi regis villa vestra de ratione monasterii sancti Vincentii, quod situm est extra urbem, cuius vocabulum est ad Mansiones, cum omni integritate et appendicii in vicaria Diablenitica nobis ad usitandum tenere permisistis, in ea vero ratione ut dum ego advivo et dominari facere debeam, et post meum quoque, Domino jubente, discessum, partibus sancti Vincentii monasterii revertere faciat. Et convenit nobis annis singulis ad festivitatem sancti Martini hibernaticam de argento solidos decem transsolvare debeam, aut decimam et nonam pleniter persolvam de omni reditu, et si negligens aut tardus exinde apparuero, fidem facere exinde debeam, et jam dietam villam perdere non debeam, sed hæc precaria, ac si semper per quinquennium renovata fuisset, firma et stabiles permaneat. Actum Cenomanis civitate anno xxxii, regnante domino Carolo gloriosissimo rege, ix. Kal. Maias. S. Viliberti, qui hanc precariam fieri ei firmare rogavit. S. Gedeonis. S. Gripponis. S. Gayzberti. S. Ragenberti. S. Audulfi. S. Gheldulfi. S. Brucleni, Jonas subscrivit. S. Varan. S. Gufaldi. Bavo diaconus scripsit et subscrivit.

## LXI.

**Exemplar precarie quam Merolus episcopus Viliberto de cella sancti Frambaudi fecit.**

Domino sancto ac venerabili basilice sanctorum martyrum Gervasii et Protasii quæ est constructa infra urbem Cenomanis civitatem, quam Merolus episcopus in dominatione, et in regimine habere videtur, ejusque congregatiōni in ipsa basilica consistenti. Ego enim in Dei nomine Vilibertus, dum et mea fuit petitio et vestra decrevit voluntas, et per jussionem Domini nostri Caroli gloriosi regis monasteriolum vestrū de ratione prædictæ basilicæ, cuius vocabulum est ad cellam sancti Frambaldi, in vicaria Gabronense, cum omni integritate sua vel appendiciis nobis ad usandum tenere permisistis, in ea vero ratione ut dum ego advivo tenere et dominari facere debeam, et post meum quoque, Deo jubente, discessum ipsa locella cum omni soliditate ad se pertinentes vel aspicientes, vel quidquid ibidem attrahere vel immeliorare potuero, vel quantumcumque tunc temporis ibidem inventum fuerit, vos aut rectores sancti Gervasii sine ullius judicis consignatione aut hæredum meorum contradictione in vestram faciatis revocare dominationem et potestatem ad faciendum quod volueritis et hæc precaria, ac si semper per quinquennium renovata fuissent, firmæ et stabiles permaneant. Actum Cenomanis civitate publice anno xxix, regnante domino Carolo glorioso rege in mense Maio. S. Viliberti, qui hanc

A gento solidos sex transsolvare debeam; et si negligens aut tardus exinde apparuero, fidem exinde facere debeam, et ipsum monasteriolum perdere non debeam, sed hæc precaria uno tenore conscriptæ omniq[ue] tempore firmæ et stabiles permaneant. Actum Cenomanis civitate anno xxxii, regnante domino Carolo gloriosissimo rege, ix. Kal. Maias. S. Viliberti, qui hanc precariam fieri ei firmare rogavit. S. Gedeonis. S. Gripponis. S. Gayzberti. S. Ragenberti. S. Audulfi. S. Gheldulfi. S. Brucleni, Jonas subscrivit. S. Varan. S. Gufaldi. Bavo diaconus scripsit et subscrivit.

## LXII.

**Exemplar precarie quam Merolus episcopus Viliberto fecit de Belsaido in canonico, et de Senmuro, et Ingranda, et Vivillare, et Fontanas, et Monasteriolum, et Bragolum, cum eorum appendiciis.**

B Domino sancto et venerabili basilice sanctorum Gervasii et Protasii martyrum infra urbem Cenomanis civitatem constructæ, ubi Merolus episcopus præesse videtur, ejusque congregatiōni in ipsa ecclesia consistenti. Ego enim in Dei nomine Vilibertus, dum et cognitum est qualiter dominus Carolus gloriosus rex villam sancti Gervasii, Belfaidum vicum publicum cum suis appendiciis, et Senmurem, et Ingrandam, et Vivillare, sive Fontanas, et Monasteriolum, et Bragolum, sive Auciacum vicum publicum, cum omni integritate vel eorum appendiciis ad jam dictam ecclesiam reddere jussit, et postea per verbum domino nostra Carolo gloriose regi fuit petitio, et vestra decrevit voluntas; ut ipsa locella per vestrū beneficium ad usum fructuarium ordinem mihi tenere permisistis, id est, cum mansis, casis, domibus, ædificiis, mancipliis, accolabus, libertis, terris, vineis, silvis, pratis, et paucis, vel quantum ad ipsa loca aspectum esse videatur, dum ego advivo per vestrū beneficium mihi liceat tenere et dominari. Et spondimus vobis ut pro indicio ipsius sancti Gervasii vel vestro non sit annis singulis ad festivitatem sancti Martini hibernaticam argenti libram unam et dimidiam vobis ad partem sancti Gervasii et rectoris ecclesiarum transsolvare faciam, aut decimam et nonam ex omni reditu pleniter persolvam; et si negligens aut tardus exinde apparuero ad prædictum placitum, fidem exinde facere debeam, et ipsas res, dum ego advivo, perdere non debeam, et post meum quoque, Deo jubente, discessum ipsa locella cum omni soliditate ad se pertinentes vel aspicientes, vel quidquid ibidem attrahere vel immeliorare potuero, vel quantumcumque tunc temporis ibidem inventum fuerit, vos aut rectores sancti Gervasii sine ullius judicis consignatione aut hæredum meorum contradictione in vestram faciatis revocare dominationem et potestatem ad faciendum quod volueritis et hæc precaria, ac si semper per quinquennium renovata fuissent, firmæ et stabiles permaneant. Actum Cenomanis civitate publice anno xxix, regnante domino Carolo glorioso rege in mense Maio. S. Viliberti, qui hanc

precariam fieri et affirmare rogavit. S. Hervich. S. Adalulf. S. Osberti. Boso subscrispsit. S. Vuedranni. S. Troduini. S. Gehreii. S. Ramestani. Bavo subscrispsit. Eptardus subscrispsit. Salahardus subscrispsit. S. Amalberti. Beraldus subscrispsit. S. Pharamundi. Vinneradus diaconus scripsit et subscrispsit.

Anteriorum episcoporum authentica et precariae iasfrascriptarum villarum in archivio Cenomanicæ matris ecclesiæ conservantur, atque propter prolixitatem operis in hac schedula non sunt inserta.

### LXIII.

*Exemplar epistolæ quam dominus Ludovicus imperator Elisachoro abbatii suoque misso misit, ut beneficia et res in ea scriptas Aldrico episcopo vel suis missis consignaret, et suum episcopium imperiali auctoritate ex eis pleniter revestiret.*

In nomine Domini Dei et Salvatoris nostri Iesu Christi. Ludovicus, divina repropitiante clementia, imperator Augustus Aldrico venerabili episcopo et fideli nostro salutem. Noverit tua industria quia missus tuus nostram adiit præsentiam innotescens quod quidam vassalli nostri, Ghermundus, Vulfardus, Berchadus, Bodo et socius suus, beneficia ex tuo episcopio habent quæ olim per precarias inde alienata fuerant. Qua de re volumus ut tu nostra auctoritate recipias usque ad nostram præsentiam, et de nostra fidelitate magnam curam semper habeas, sicut hactenus te habere cognovimus. Nam memoratus missus tuus nostram deprecatus est pie tam ut aliquem missum tibi dederimus qui prædictas res tibi ecclesiæque tibi commissæ consignaret et vestituram legitimam ficeret. Qua de re Hellisachoro misso nostro præcepimus ut de supradictis beneficiis tibi vestituram faciat quando illas in partes a nobis directus fuerit. Volumus etiam ut quam citius poteris missum tuum bene fidelem ad nos dirigas, qui nos certos faciat qualiter erga vos et reliquos fideles nostros modo agatur, et quid de illis causis factum quas vobis agere præcepimus. Bene vale, et ora pro nobis.

### LXIV.

*Exemplar præcepti domni Ludovici piissimi imperatoris de quibusdam beneficiis vassallorum suorum, id est, Germundi, Vulfardi, Berchadi, Bononis et socii ejus, quæ prædictus imperator reddidit et confirmavit Cenomanicæ matri ecclesiæ et Aldrico ejusdem ecclesiæ episcopo.*

(Vide ubi supra, col. 1294.)

### LXV.

*Concordia Bethiae cum monasterio sancti Vincentii.*

Dum cognitum est quod Bethia Deo sacra parte portione aliqua in locella nuncupantia Soliaco, Mansione, villam Bariacum, seu et Briscino, quam filius suus Ermensfredus quondam moriens dereliquit, et ad ipsam legibus obvenit, per venditionis titulum

A ad basilicam sancti Vincentii Cenomanis civitate vindicat, et accipit exinde in pretium, quod et bene complacuit atque conyenit, hoc est, auri solidos probos, optimos atque pensantes numero ducentos. Quo veniens venerabilis frater Patwinus præpositus de ipso monasterio una cum venditione ipsa, in privata collatione ipsa protulit ad relegendum dum inter se intenderent, (hi sunt, Berthofridus, Dodo una cum conjugi sua Eudilane vel Bertholanda cum infantibus suis his nominibus Ademaro et Joanne), chartam ambigibalem ibidem præsentabant quam Bethia ad ipsos infantes suos fecerat, ubi habebat insertum, dum advivebat, et in partes duas Leogiliso quondam conjugi suo quam et suam tertiam ad usum tenuerit, et post suum discessum ad jam dictos infantes suos tam illas duas partes quam et suam tertiam in eorum reciperent dominatione, dum inter se intenderent, medianibus bonis hominibus ad pacis concordiam visi sunt eos revocasse. Convenit inter ipsos quod illa quarta parte quam Ermensredo quondam in Mansiones debitum erat memorati infantes Berthofredo, Dodo una cum conjugi sua Eudilane vel Bertholanda contra venerabili fratre Patuino præposito vel ipso monasterio, quantumcumque ibidem habere videntur, omni tempore habeant evindicatum, et reliquo vero tam in Soliaco quam in Bariaco seu et in Briscino quidquid Ermensredo quondam obvenire debuit, vel quantum per venditionis titulum memorata Bethia sive jam Noberta ad memorata basilica delegata contra ipso Berthofredo et Dodone una cum conjugi sua Eudilane necnon et Bertolandane, tam terris, casis, mancipiis, dominibus, ædificiis, accolabus, pratis, pascuis, vineis, silvis, aquis, aquarumque decursibus, mobile et immobile, junctis et subjunctis, vel omni supraposito, quantumcumque in jam dicta locella Ermensredo quondam habere debuerat, pars monasterii sancti Vincentii vel ejus rectores contra ipsos homines superius commemoratos æquali lance dividere debent. Unde convenit ut tres epistolæ uno tenore conscriptas inter se fieri et accipere deberent, quod et ita fecerunt, ut nullus contra parem suum de istis convenientis se remutare non posset; quod in hoc facere presumpserit, partem suam a pare suo amittat, et insuper fisco sociante auri libras decem argenti ponde viginti coactus exsolvat, et nec sic quod reperit vindicare non valeat, et has epistolæ, quas in invicem bona voluntate fecerunt, cum stipulatione intraposita firmas et inviolabiles omni tempore valent perdurare. Actum Soliaco in rem ipsam in anno xi regni domni Theodorici gloriosi regis, quod fecit presentis mensis Octobris die duodecimo. Dodo subscrispsit. S. Eudilane conjugi sua Berthofredus subscrispsit. S. Bertolandane germana eorum, qui hanc epistolam fieri rogaverunt. Derriceus abbas subscrispsit. Beoraldus in Dei nomine abbas subscrispsit. Aigilmanus subscrispsit. Joannes subscrispsit Salico subscrispsit. Dadolo Sidonianus subscrispsit. Bertholaudus subscrispsit. S. Vuidoni. S. Turpaldo.

Bavo subscriptisit. Landulfus subscriptisit. Odricus subscriptisit. Caldobertus recognovi et subscriptisit.

Anteriorum episcorum authentica et precariae infra scriptarum villarum in archivio Cenomanicæ matris ecclesiæ conservantur, et propter prolixitatem operis in hac schedula non sunt inserta.

## LXVI.

*Precaria de villa Calisamen quam fecit Aldricus Cenomanicæ sedis episcopus, Agberto vasso dominico, tempore Ludovici piissimi Augusti.*

Domino sancto ac venerabili basilice sanctæ Mariæ semper virginis sanctorumque martyrum Gervasii et Protasii, quæ est constructa infra muros Cenomanis civitatis, quam Aldricus episcopus in dominatione et regimine habere videtur, ejusque congregationi ex ipsa consistenti. Ego enim in Dei B nomine Agbertus, dum et mea fuit petitio, et vestra decrevit voluntas, villam vestram de ratione ipsius basilicæ, cuius vocabulum est Calisamen, cum omni integritate nobis ad usandum tenere permisistis, in ea vero ratione ut dum ego advivo tenere et dominari debeam, et post meum, Deo jubente, discessum, partibus sanctæ Mariæ et sancti Gervasii sanctique Protasii revertere facias; et convenit nobis ut annis singulis ad festivitatem sancti Martini hibernaticam argenti solidos xxv transsolvere debeam, aut decimam et nonam pleniter persolvam de omni reditu, et si negligens aut tardus exinde apparuero, sicut exinde facere debeam, et ipsam villam perdere non debeam. Et ut haec precariae uno tenore conscriptæ omni tempore firmæ et stabiles C permaneant, manu nostra et aliorum nobilium no-

A strorum subterfirmandas esse decrevimus. Actum Piætatis civitate publice, anno xxvii imperii domini Ludovici piissimi Augusti, ix Kal. Februarias. S. Agberti qui hanc precariam fieri ac firmare roga vit. S. Ragenarii comitis palatii. S. Gauzelini mansionari. S. Ragenaldi comitis. S. Ramnulfi comitis palatii. Girbertus comes signavit. S. Valfredi comitis. Eberardus comes signavit. Emino comes signavit. Radulfus vassus dominicus signavit. Gauziolenus vassus dominicus signavit. Rotgarius vassus dominicus signavit. Isaac vassus dominicus signavit. Immo vassus dominicus signavit. Varnarius diaconus scripsit et subscriptisit.

## LXVII.

*Exemplar præcepti domini Ludovici piissimi imperatoris de villa Calisamen, quod fecit predictus imperator Cenomanicæ matri ecclesiæ et Aldrico ejusdem urbis episcopo.*

(Vide ubi supra, col. 1295.)

## LXVIII.

*Exemplar præcepti domini Ludovici piissimi Augusti quod, precante Aldrico episcopo, fieri jussit quando ei concessit ut haberet suum aconomum qui pro illo secundum jussionem suam gereret exterioreas curas et regalia servitia, et itinera ficeret, et predictus pontifex sua in parochia resideret, et suum ministerium absque impedimento adimplere curaret, et reliqua sicut in eo continentur inserta.*

(Vide ubi supra, col. 1297.)

## LXIX.

*Exemplar præcepti domini Ludovici piissimi Augusti de villa Bonalla quod fecit predictus imperator quando illam reddidit Cenomanicæ matri ecclesiæ et Aldrico ejusdem ecclesiæ episcopo.*

(Vide ubi supra, col. 1298.)

ANNO DOMINI DCCCLVI.

# ANGELOMUS

LUXOVIENSIS MONACHUS.

## NOTITIA HISTORICA IN ANGELOMUM.

(Fabric. Bibl. med. et inf. Lat.)

**ANGELOMUS**, monachus Luxoviensis in Burgundia, ordinis Benedictini, scripsit ad Lotharium, adeoque ante annum 855, quo Lotharius imperator et Drogo Metensis episcopus obiit (a), *Enarrationes*, sive *Stromata in Canticum canticorum*, et post mortem ejusdem Dragonis, *Stromata in qualuor libros Regum collecta ex Patribus et laudata Sigeberto cap. 86*, et *Trithemio cap. 266*, de S. E. et de illustribus Benedictinis II, 42: qui etiam eius *librum de divinis Officiis* commemorat. *Stromata* in libros Regum ante editionem Rom. 1565, fol., babeo edita Coloniæ 1530, fol., per Eucharium Cervicornum, qui in Praefat.: *Utinam reliqua ejus opera, præseriunt quod in Genesim edidisse se fateretur, existarent, etc.* Ista in Genesim

D Commentaria nuper ex codice monasterii ad Petrum Salisburgensi vulgavit Bernardus Pez., tom. I Anecdotorum, pag. 43, Auguste Vindel., 1721, fol., quibus Angelomus proœmium versibus hexametris præmisit. Utique in Canticum, quæ et ipsa excusa Coloniensibus typis, et in libros Regum recusa exstant in Biblioteca Patrum Colonensi, tom. IX, pag. 780, et Lugdunensi, tom. XV, pag. 307-415. In libros Regum non diffilitur se Dragonis hortatu ad calcem tenus perducisse, non solum quidem quia filius erat prestantissimi Caroli Cæsar, imo frater mitissimi Ludovici principis, verum etiam quia erat præclarus pontifex et abbas mens egregius.

(a) Vide Labbeum de S. E., tom. I, p. 77.